

বৈষ্ণব ঝারি

বিমল সিংহ



सुखी सुखी

सुखी सुखी

ববেইৰ য়াৰী

(বিষ্ণুপ্ৰিয়া মণিপুৰী ফৌকু টেইল্‌স্,)

বিমল সিংহ



এস. সি. ই. আৰ. টি., ত্ৰিপুৰা সরকার ।

BABEIR YARI

A Collection of Bishnupriya Manipuri folk tales.

পয়লাকার সংস্করণ	<input type="checkbox"/>	ডিসেম্বর—১৯৯৬
সংকলন	<input type="checkbox"/>	শ্রী বিমল সিংহ
সম্পাদনাত	<input type="checkbox"/>	শ্রী নীলকান্ত সিংহ
প্রচ্ছদ	<input type="checkbox"/>	শ্রীমতি সুভদ্রা সিংহ
রূপা	<input type="checkbox"/>	১৪.০০ হান

শাতকরানিত ☐ ট্রাইবেল ল্যাংগুয়েজ সেন,
এস. সি. ই. আর. টি.
আগরতলা, ত্রিপুরা।

ছাপানিত ☐ নাগ প্রেস, শিল্পনগরী
আগরতলা, ত্রিপুরা

ভূমিকাৱান

সমাজৰ মাৰে চলিয়া আহেৰ ৰূপকথা বাৰো পুৰানা য়াৰীপৰিৰ নানান ৰসৰ সম্ভাৰ উতা আদ্যিকালেত পুলয়া আহেৰ পড়ল লেহে লেহে বংশ পৰম্পৰায় । এতা হাবি ৰুহিবত্তিৰ ম্পত্তিহান অয়া জিংতা অয়া আছে মানুৰ মাৰে, সমাজৰ মাৰে । ঔ য়াৰীপৰি উতাত যময়া আছেতাই ৰোমাঞ্চকৰ অভিয়ান, ধৰ্মৰ গজে বিশ্বাস, পৌৰেই, অভিজ্ঞতা, জেলেই-মুনি, গাওৰাপা-পুৰিজেলৈইৰ পুংনিঙ থুঙনি-পুংনিং বাগানি, তিলনি বাৰো থেয়নিৰ চি য়োপা য়াৰী ।

বানা নুংশী বাৰো আচানক বিভূলা ৰূপ আহানল এতা হাবি শাতৰ নানান সমাজে, খেই খেই বৰ্ণনাত ।

এহান হায়হান ৰূপকথা বাৰো পুৰানা য়াৰীপৰি উতা থতাত আছেতা বাৰো ইকৰাতা নাইলেও এতাৰ সাহিত্যৰ মূলহান জবৰ নিয়াম । কিয়া বুল্লে এৰে কথারডাল এতাত মানুৰ সমাজ আহানৰ ৰুহিবত্তি, সমাজৰ ৰীতিনীতি, ধৰ্মৰ পথগ ইলয়া অনুশাসন বাৰো আদ্যেকাৰ ইতিহাসৰ উপকৰন জিংতা অনিৰ খল্লিকগল হাবি মানুৰ হৃদিত পালয়া আছে যুগে যুগে । কোন সমাজ আহানৰ বাৰো সভ্যতাৰ মুঙা মুঙি পৰিচয় আহান পানা মনেইলে আদ্যেকাৰ ইতিহাসহানৰে হাৰপানি দৰকাৰ । কিন্তুমান যে সমাজৰতা আদ্যেকাৰ ইতিহাসহান ইকৰাতা নেই উপেয় মানুৰ থতাত চলে দিয়া আহেৰ পৌৰেই, য়াৰীপৰি, ৰূপকথা যেতা আপা বপায় পড়লহান লেহে লেহে, বংশ পৰম্পৰায় থতাহানাত জলা কৰিয়া থছি উতাৰে ইতিহাসৰ উপকৰনহান হিসাবে য়াকৰলে অযৌক্তিকহান নায়তই বুলানী য়াকৰেৰ । বিষ্ণুপ্ৰিয়া মনিপুৰী সমাজে চলে দিয়া আহেৰ এসাদে কতহান ৰূপকথা পুলকৰিয়া আনেছেতা বিনিষ্ট লেখক, সাহিত্যিক বাৰো ৰুহিবত্তিৰ প্ৰেমীকগ শ্ৰী বিমল সিংহ গিৰক । উহানল গিৰকৰাং আমি কৃতজ্ঞ ।

এস. সি. ই. আৰ. টি.'ৰ ট্ৰাইবেল ল্যাংগুয়েজ সেলৰ হংনায় ৰূপকথাৰ পুলপা য়াৰী শাতকৰানি এহানেই পয়লাকাৰহান । বিষ্ণুপ্ৰিয়া মনিপুৰী সমাজে মানুৰ থতায় থতায় চলে দিয়া আহেৰ য়াৰী এতা পুলকৰিয়া লেৰিকহান কৰিয়া নিকালানিৰ হংনা আহান মাত্ৰ কৰেছিহান । এ ৰূপকথা এতা জ্ঞানৰ টাটিহানল যেগ আছি তানুৰতা খানিক পাংলাকসৌ আহান অইলে বাৰো আহেৰ দিনে নৃত্তবিদ উতাৰ মিৰ্লেংসৌ আহান পৰলে আমাৰ হীন এহান খানি মানি আহান সার্থক অইতই বুলিয়া নিকৰতো । ৰূপকথাৰ লেৰিক 'ববেইৰ য়াৰী' এহান শাতকৰানিৰকা জবৰ হংনা বাৰো হাবিগদে পাংলাক কৰানিৰকা বিষ্ণুপ্ৰিয়া মনিপুৰী ভাষাকৰ্মী শ্ৰীনীলকান্ত সিংহৰে হৃদি য়োপা থাকাত দেউৰী ।

আগৰতলা

২৬ শে ডিসেম্বৰ, ১৯৯৬ ইং

স্বাঃ— ডঃ বামাপদ মুখোপাধ্যায়

অধিকৰ্তা

এস. সি. ই. আৰ. টি.

ভূমিকা

মানব সমাজে প্রচলিত উপকথা বা পৌরানিক কথামালা বিচিত্র রসসম্ভারে অনাদিকাল থেকে সঞ্চিত হয়ে যুগ পরম্পরা ও বংশ পরম্পরায় মানবজাতির সাংস্কৃতিক সম্পদরূপে চিরন্তন হয়ে আছে। ঐ সমস্ত কথামালায় বিধৃত হয়ে আছে রোমাঞ্চকর অভিযান, ধর্মীয় বিশ্বাস, প্রবাদ প্রবচন ও অভিজ্ঞতা, নরনারী, যুবক যুবতীর আশা নিরাশা, মিলন ও বিচ্ছেদের রোমাঞ্চকর কাহিনী।

প্রেম-প্রীতি ও বিশ্বাস মোহনীয় রূপে আত্ম প্রকাশ করছে বিভিন্ন সমাজে ভিন্নতর বর্ণনার প্রকোশলে।

প্রকৃতপক্ষে রূপকথা ও পৌরানিক কাহিনীগুলো মৌখিক ও অলিখিত হলেও এগুলোর সাহিত্য মূল্য অপরিমিত। কেননা এই সমস্ত কথামালায় মানব সমাজের কৃষ্টি, সংস্কৃতি, ধর্মীয় অনুশাসন, সামাজিক রীতিনীতি ও অতীত ইতিহাসের উপকরণ চিরন্তনী সুর নিয়ে সকল যুগে সকল নরনারীর হৃদয়ে বিরাজ করে। কোন সমাজ ও সভ্যতার সম্যক পরিচিতি লাভ করতে গেলে প্রাচীন ইতিহাসকে জানা দরকার। কিন্তু যে সকল সমাজের লিখিত অতীত ইতিহাস নেই-সে ক্ষেত্রে লোকমুখে প্রচলিত প্রবাদ প্রবচন, গল্পকথা, রূপকথা, পৌরানিক কাহিনী, লোক কাহিনী, যা প্রাচীন ও প্রাচীনারা যুগ পরম্পরা ও বংশ পরম্পরায় মুখে মুখে সঞ্চিত করে রেখেছেন সেগুলোকে ইতিহাসের উপকরণ রূপে গ্রহণ করা অযৌক্তিক হবে না। সে ধরনের গুটি কয় রূপকথা—যা বিষ্ণুপ্রিয়া মনিপুরী সমাজে প্রচলিত সংগ্রহ করে এনেছেন বিশিষ্ট সাহিত্যিক, লেখক ও সংস্কৃতি-প্রেমী শ্রীযুক্ত বিমল সিংহ মহাশয়। সেজন্য আমরা তাঁর কাছে কৃতজ্ঞ।

এস. সি. ই. আর. টি'র উপজাতীয় ভাষা শাখার উদ্যোগে রূপকথার সংকলন ও প্রকাশন এই প্রথম। বিষ্ণুপ্রিয়া মনিপুরী সমাজের মুখে মুখে প্রচলিত রূপকথার এই ক্ষুদ্র সমাহার আমরা পুস্তিকা আকারে প্রকাশ করার প্রয়াস নিয়েছি মাত্র। এই রূপকথাগুলি জ্ঞানপিপাসুদের সামান্যতম উপকারে এলে ও ভাবী নৃতত্ত্ববিদদের যৎকিঞ্চিৎ দৃষ্টি আকর্ষণ করলে আমাদের শ্রম সার্থক হবে বলে মনে করব। রূপকথা গ্রন্থ 'ববেইর যারী' প্রকাশনার জন্য নিরলস প্রয়াস ও সর্বাঙ্গীন সহযোগীতার জন্য বিষ্ণুপ্রিয়া মনিপুরী ভাষাকর্মী শ্রীনীলকান্ত সিংহকে আন্তরিক ধন্যবাদ জানাই।

ডঃ বামাপদ মুখোপাধ্যায়

আগরতলা

২৬ শে

ডিসেম্বর, ১৯৯৬ ইং

অধিকর্তা

এস. সি. ই. আর. টি

কথা আকচুটি

কনাকে যারী বুললে ফুয়াত ঠুম মতুরগটা বুলিয়া খালকরলাং । যারর পরে ফুংকার চাইর বারাদে বুজনে গুলডুরা অয়া বয়া পানা চাবে চাবে নাইলে হজক পিয়া যারী ছনৌয়েইাল । নাকালেদে, উরকে থায়া আহির ডিমক না বেলেয়া ছনলাং পিতিরির যারী আপাংর যারী । বাহাসপাত গড়ার লাম-চির রাতি বুঙেই নিকুলানির ঘটনা । হাইহান নাগৈহান কিঙুই জানে । যারী ছনতে ছনতে অনথকপা লাম আহানর লপুক আগত ফৌঅইবগা উহানে ঠারে ফংকরে ছুয়ারতো । “কিহান আহান করের” বুলে পারুরি ইমে । ছতুমে টেইপাং এহানাত যারীর রাজা, রানী, কন্নুং, গড়া, বাদরর কচু কয়ানি নেয়াও থাক । মোর হপনর মালেমহান সিলয়া গড়ায় থুরুপ দিতারা এবাকাও । কঙালা লাজে উতুরি লেইমার কাকালিত কলল পানি আনানির দৃশ্য উহান এবাকাও বেড়ে টাঙিয়া চেয়া থানা আহের । আনৌগ মালকর মিকুতর জিয়ে কঙালা সৌর রিদি ডহে ডহে যারগা উহান আজি পেয়াও ঠৈগর ঝাঝিগত চহা অয়া বিদের । ফংকরে ছুয়ারিল ছুহানিয়ে ডুগ ডুগার ।

হাগর পরী করদে করদে জুনাকর রাতি থল্লি থলক করিয়া সিঙ্গারেই ডেঙে বহিতে নাং নাছি, মি কিন্তু বুড়ীনার যারীত পরীয়ে করদিতে নাছতে ছুংপাং অয়া চেয়া আছিলু, এবাকাও নিঙে নিঙে থাউরি । সিঙ্গারেই গতে গঙালেয়া ।

হিঞ্চাপীয়ে খৌরা মাছু নেই, পাহিয়াপনী নেই, গাঙর নিস্তক নিসাংটা হাহাকার যারীর লপুকেত্ত আজিও মোর যাহানাং উড়াদে উড়াদে যত্ননা আহানে স্থপেয়া বেলার ।

বরনে বাদলে আঘাট, হাওনে লপুক বুেরর, কেরবঙ গগায় রহিতারা, দাপা দাপা জিনজিনি নিবে নিবে লাগে লাগে মাঠেতার, এবাকাও লপুকে আধার রাতিত চেয়া থাউরি পিততিরি জেলাগৈ টেইপাঙ মাছুগ চরকরিয়া নেছেগা উগরকা তেরার হাদিত কুংগদে কেচুরা বিছারেইরি বুলিয়া ।

পুরেলে পুরেলে আপা বপায় ববেই গাছিয়ে হাকতাকে হাকতাকে হাজেয়া গেছিগা পরল পরল যারী । কোনহান ঠিপ মুকেইতে পাজুরানির লুপাকে থার । কোনহান নিংশিং অরার । চপ চপ পরল পরল যারী আকচুটি দ্বি-চুটি নিকা-লেয়া ছুয়া বেইবুনির কঙালা আতর তারাত কাংকরলু ।

বিমল সিংহ

পাথাপহান

১।	আনোঁগ রাণী	*	১
২।	রাজার বাগানহান	*	১১
৩।	অকনেইতাপী বারো হেই নিংপী	*	১৬
৪।	কলা লেইমা	*	২৩
৫।	উতুরী লেইমা	*	৩২
৬।	উপকারীরে বাঘে খায়	*	৩৬
৭।	বিজয় বারো মনি	*	৪১
৮।	চিনুনির জিলক	*	৪৫
৯।	মউগর খেতি বারো হিয়াল	*	৪৭
১০।	চিন্চিরিকুপীর হিনানী	*	৫০
১১।	টেকের ধন পানা	*	৫৪
১২।	আপাঙর হেইট হেইট	*	৫৭
১৩।	বুড়া বুড়ির কচু কয়ানী	*	৬১
১৪।	চিড়াছহানি	*	৬৪
১৫।	হিনচাপি বনক	*	৬৮
১৬।	বাঘের বাচ্চা সোনারখন	*	৭২
১৭।	মুনিশৌ দুগর যারী	*	৭৭
১৮।	চালাক বামুনর কথা	*	৮৪
১৯।	গাঙ নিং জুবারা	*	৯১
২০।	হাজারী মালর পাংকাল	*	৯৬
২১।	দলালেইমা বারো ছচুরী	*	১০১
২২।	ডুশ্বেকে ডুশ্বে	*	১০৫
২৩।	দশোমতি	*	১১০
২৪।	থাবালা কংকেই	*	১১৫
২৫।	চেপা দঙ্গ আকুপী	*	১২১
২৬।	আলিয়ার যারী	*	১২৫
২৭।	মহা বারো নাছি	*	১৩২

আনৌগ রানী

দেশ আহানত রাজা আগো আছিল। উগর রানী উগ
মুনিসৌ' আগোয় বারো জেলা সৌ' আগোয় থয়া দৌ অইলী।
রাজা এগ সৌ' দ্বিয়গিরেল মিয়াম লয়লাটে পড়িল। রাজাগিরি
রাজসভাত থাইল উবাকা সৌ দ্বিয়গি কল্পুঙগর দোয়াদে ধাবদা
ফালদি করিয়া খেলতারা, দাসদাসী উতায় পাঙ পাঙচেত খেয়াল
করানি নেই। কল্পুঙগর থাপাঙেদে কিতাদে ইমে খেলেয়া
থাইঁতারা। উপেইত জেলা আগোয় সৌ এতারে নিক্কা পর
খোয়েইরী পিওয়েরী। খোঁওয়েয়া পিওয়েইয়া তানুরে মাতিরি
তোমার বাপকে কিতা পারা মরে নিলেগাতে আরাকৌ হুয়াত হুয়াত,
তা নিক্কা খোঁয়েইতো। তাকরে তাকরে হিনা দিতৌ। যারী হনা
হনা ঘুমজাদিতৌ, ডেন ডেকুরি চড়াদিতৌ।

সৌ এতায় নিক্কা বাপকরাং এহান গিয়া বাগেইতারাগা।
রাজা এগ নিক্কা হনের কিতাউ না খুম করের। হনতে হনতে সৌ
এতার মেইথঙ এহান দেহিয়া যেতাউ অক্ বুলিয়া জেলা উগরে
রাজার রানীগো করিয়া আকদিন কল্পুঙগত আনিয়া বরেইলোগা।

রাজাগিরিয়ে সৌ উতারে অমাটিকৌ বাহনা পার। নুওয়া
রানী এগয় বারো খাল করিরি এতা থাইতে তেইরাং সৌ সুমারা
কিতা পারা জরম অইলেউ তানু সিংহাসনে বহে নার তাই।
উহানে, তেই সৌ দ্বিয়গিরে তাল্‌করানির লৌহল আহান নিকাল্ল।
বিয়ানে বেলুকায জেঠী নিঙলসৌ উগরে যেহানাতৌ পরথেইরি।

হৌগদে রাজারাং বারো তানু দ্বিগিরে চর্চে চর্চে শান্তি করে
 বেলন । কিতাপারা দিন আহান বেয়াপা এগও নিঙলসৌ উগরে
 বির বির করতারা পক্ কতগো পানিত যৌকরেদিয়া পিনারকা
 দিয়া দিল । পকউতা দেহিয়া তেই পিনা নাকরিরি । নুয়া
 রানীয়ে রাজারাং হবা লিক্ লিক্ করের পানি খুচেই আহান নিয়া
 দেহুয়েয়া মাতিরি এতা পারা হবা পানি এতা তোর জিলকে পক্
 আছি বুলিয়া পিনা নাকরিরি, পানিত মি হু ঢালে দেছুথাং এহানতে
 ইমে মোরে তোরাং শান্তি করানির কা করিরিহান নাই । অকগা
 মোরে এড়াদে রাজার কল্পুং এ থানাহান পেলইলু । তোর জিপুত
 এতালো তুমি হবা অয়া থাই । সেনাপুল আগোর পানিয়ে আগরাং
 লিক্ লিক্ করের আগরাং পক্ হমার উহানতে তোমারাং নাঙলাং ।
 রাজায় জিলকরে ধমকেয়া মাতের হবাহান মনেইলে পি । লাইলেতে
 দুহানর আহান অইতে । উতা নাশিলেতে ঘর এগত তোরকা পানি
 সিটাতে থাক থাইবে পথৌ নাততৌ । থাংতে সৌ উগ লমইতেগা
 কাদিয়া কাদিয়া মরেছে মালকরে ডাহিয়া ডাহিয়া পক্ লরতারা উহান
 দেহিয়াউ পানি উতা গঠ্ কো গিললো । তেইর পেটগোত হমেয়া পক্
 উতায় ডিম দিলা । সৌ জরম দেনা অকরলা । সৌ উতায় ডুহাগর
 সাদে খলকানি অকরলো পেটগো । মেরাকে বারো ভাতর হাদিত
 ছালি আঙারা বরেয়া খদিরি পারা । নুয়া রানীয়ে সৌ দ্বিগিরে
 এসাদে লাঙলাকে বেলেয়া জির আঙারাত ডহেইরি পারা ।

তানুর বাপকরে হবা করে ঘরলালঠুমগর সাদে বুলেয়া সুম
 ঠিগো করলো এখুরুমতে বেয়াপা এগৈ যেহান মাতলৌ চুম পার ।
 নিজর জিপুতে মাতলে আঙ্গানে লাল পার । পক্ সৌ উতা নুকু-



লিয়া খোঁনাগো পেই বাতায় অকাটানি অকরিরি, বঙিরি । বেয়াপা
 উগৈ রাজাগিরি ডাহিয়া চিক্ করে ফঙ করে দিদি তোর
 জিলকে তোর মুরগো তুপ করে দেনাত পরেছে । কারাঙ চরেদে
 মাহা লেপসে কিঙই জানে । পেটগো গজেদে কায়া আহেয়ারগা ।
 দিনে রাতিয়ে বঙিরি । গাঙ দেশে হাবিবহানে চি চি করতারা ।
 লাজহানে মুর তুলিয়া আটে নারলাং । এতাপারা রাজার জিলক
 এগৈ গথর মানুরাং মাহা লেপইলী থাঙতে মানুর খতাতে ধরিয়াও
 থনা নুয়ারিয়ার । মুনি সৌ উগৈ এতা হাবি হারপেয়া হুনিয়াও
 কিত্তা আহান না বাগার মাহিতে উগারউ ডাঙর ডাঙি আহান
 করানি থক । বনকরে খেদিয়া তা আইতৈ উবাকা তোরে ছেদে-
 ইতৈ । তা থকয়া রাজাগিরি যেহান করলেও দ্বিগিরে সেতানির
 ঠৌরাং আহান কর । রাজা গিরি এগো এহান হুনিয়া কিহান

করানি পথ না পার । দ্বিম্নন দিশা অইল । সৌ গিরে মারানিহান
 না দেশ গাঙে রাজার মানহান জিৎতা করানি হান কুংহান ।
 লেপৈল সৌ গিরে মারানিরকা । এতা থায়া কিতা লাভ । রাতি
 নুঙেইত কটোয়াল গরে ডাহিয়া মাতলো এ সৌ দ্বিয়গিরে দুরেইর
 টেঙারা আগত মারিয়া আহগা । এতার রকতলো মি হিনেইমতা ।
 তানুর রকত উতা বাহার চোঙে করিয়া আনিয়ো ক । হাই বুলিয়া
 কটোয়াল উগি সালইলা । জিতেগা কুকুর আগৌ তানুর পিঠিত পিঠিত
 লগধরলো । টেঙারা আগত কায়া যিতেগা যিতেগা টেঙারার হতরঙ
 আগত আয়া ফৌ অইলা । সৌ উগি এতার লেম্পালে থাইতে থাইতে
 ঘুনজা পড়েছি । সৌ দ্বিয়গিরে উপেইত খদিয়া কটোয়াল উগিয়ে
 আগরে আগই মাততারা সৌগি এপেইত থাকা । বাঘ, সম, বন-
 চেরা কিতা এপেইত কানাউ নুওয়ারতাই । বরন পড়লে হিলর
 টেপ্‌হানে কানকরতে । এ হিলর গুহা এগত কিতা পারা বনর
 জন্তু কিতা আইলেউ তাল করানির কা থাংজাঙ আহান খদিলা ।
 বক্ পেইলে টেঙারা গর তলে চেপয়া নাক্কালেদে আছে উরে গাং
 উহানাত গিয়া ভিক্ষা কিতা মাগিয়া থা পারতাইগা । আরাক
 কটোয়াল আগই মাতের য়েগই য়েহান মাগিয়া আছেছি উহান
 নাই । আলইয়া আইতে আনেছিল কুকুর উগ তুপকরিয়া উগর
 রকত উতা চুঙ আগত বরেইয়া আনলা । সৌ উগি টেঙাাগত
 উবাকা ঘুমজিয়া আসি । রাতি ফুয়েই-তে বেলিগ কাইল থাঙয়ৌ
 তানুরে উঠাকোরা নেই । বেলিগর মিঙালহান ছারইয়া মেইথঙ
 হানাত বারেইলগা উপেইত আহিগি মেলিয়া চেইতারা । কুরাং

আইলাং হান মাতে নুয়ারতারা । নিঘুর টেঙারাগত পাহিয়া
পল্লি পেয়া নেই । ডরহানে হক চেলইয়া আগরে আগই
কলকরিয়া কতহান কাদলা ।

টেঙারাগত থাইতে থাইতে সৌ দ্বিয়গিরতা বকুটাটি পানা
অকরল । মুনিসৌ উগো ভিক্ষাত নুকুলিল । যিতেগা যিতেগা
দুরেইর গাঙ উহানাত ফৌ অয়া ভিক্ষা মাগের । তার মেই-
থঙ অঙ্তা লাক্তা দেহিয়া ‘বানা উঠেরগা ক’ বুলিয়া
হাবিবয়েউ ভিক্ষা দিলা । আলয়া আহিয়া বাহার চোঙ আগো
দুগো পুলকরলো । হকানা পাতা কক্ঠা কোক্ঠা দ্বিয় বেই-
বুনিয়ে থম্ করলা । বাহা দ্বিচিলালো তাক করতে তাক্ করতে
জ্বিগো অকরলা । বাহার চোঙে চউল পানি বরেয়া আধা কাচা
হিজিয়া চউলী কিতা বৌ নেই কোনোৱকম খেইতারা । নিক্কা
বিয়ানে মুনিসৌ উগো ভিক্ষাত নুকুলের । বনকে ভাত রাখিরি ।
তেই খেয়া বেয়করকা খেইপক আহান থ’ দিয়া ঘুমজিরি ।
বেয়ক বক্ পেয়া আয়া বনকরে উঠেয়া ভাত চেইতে ভাতর
চাঙনিং আগৌ নেই । বনকে মাতিরি থ’ দেসিলু ভাততে
কুরাঙ গেল্ গাতা ? নিক্কা এসাদে ভাত থইরি, বেয়কে উদালেয়া
চেইতেগা ভাত না’ পার । নু’ঙপাং অয়া কোঙ্গই খেইলতাউ
মাতে নুয়ারিরি । এগদে বেয়কে খালকরের ইমে এগৈ হাবিব
খেইরীসাত্ । মি আইলে নাগই আহান মাতিয়া বুঝেইরি হান
থকসে । চাংতা চাং কিহান করিরি হান্ । বুলিয়া আকদিন
ভিক্ষাত নাগিয়া গেলগা সটন্ দিয়া কাদাহানাত হিলরচিপা

আগত লুকেয়া থাইল । উপেইত থায়া চার থাঙতে বনকে
 খেইপক আহান খেয়া খেইপক আহান চোঙ্গত বরেয়া থ'-
 দিরি । তেই ঘুমজিয়া থাইলী । কতহান থায়া বেরহান যিতেগা
 তেইর খতা হানাদে দাপা দাপা পক নিকুললা । সৌয়ে মাপিয়ে
 বির বির করে পক এতা ভাতর চোঙ্গত হমেইলাগা । ভাত
 উতা খেয়া তেঙ করিয়া বারো নুকুলিয়া আইলা সেঙকরে খতা
 -হানাদে হমানিরকা । উহান দেহিয়া বেয়কে পক উতারে
 আকেইগো আকেইগো মারল । সৌর মাপি উগও ধরিয়া মারে
 বেললো । বনকর পেটগৌ চকালি অইল । আশ্বানে তেইয়উ
 হজাক অইলি । গারিগো ওয়াই সাঙইলী পারা ।

আরাক দেশ আহানাতে রাজার পুতক ভাগো অরিং
 সাতালে নুকুলিনতা । কটোয়াল, বিতাকিতি তেঙ্গল আহান
 ঘোড়ালো তারলগে সালইলা । এখুরুম বনে অরিং তাল করতে
 তাল করতে নিগুর টেঙরা আগত গিয়া ফৌ অইলগা । উপে-
 ইত নেসিলাগা থানার আচা আদ্যক হাবিব লয়ো গড়িলগা ।
 আগদে পানির টাটি আরাক আগদে ভাতর বক্ । রাজার
 পুতক উগোরতা ভাতর বকে আহিগদে যিনঝিনি নুকুলের ।
 এহান দেহিয়া কটোয়াল উগ যিতেগা যিতেগা রাজার জিপুত
 দ্বিয়গি বনবাসে আছি হিলর সুড়ঙ উগর কাদা হানাত ফৌ
 অইলগা । 'হা তিতে কিসাদেগো থাং' ? বুলিয়া চেই-
 তেতে রাজারঝিলক উগো টেঙরাগো গহর করিয়া বয়া
 আসে উহান দেখলো । 'তিতে টেইপাঙমানুগো না বনর
 দৌগ' চেইতে চেইতে তা এগো ডর'পানি অকরলো । রাজার

ঝিলকে মাতিরি, কিসাদেগো থাং কিয়াকা আহেসদগো ।
 হায়, মি এ কম্, এগো রাধানির ফাম আহান বিসারেয়া নুকু-
 লেসুতা । রাজার জিলকে রাধ রাধ বুলিয়া যাথাং দিল থাংতে
 তা রাধাত লেপইল । এগদে জিগো ঠেলার হৌগদে লুঙপাং
 অয়া রাজার জিলকর বনঙাল্লী সাত উহান চেয়া থাইল । লম-
 ইতেগাতে কম্,গো পুড়িয়া ডহিয়া সালিগো অ' পড়িলগা । উতা
 বেলেয়া কটোয়াল উগো ধাব্,দে ধাব্,দে রাজার পুতক উগরাং
 -আয়া ফৌ অইলগা । তা আঙ্,করের 'কই কম্,গো আনলে
 তা' ? কটোয়ালে মাতের না টটরেই । কম্,গোহে বুলরগা ।
 টেঙারা উগত নিঙলসৌ আগো দেখলু । দৌগনা মানুগো কিঙ
 -ইজানে । বন উহান বারক্, বারক্, ঝিলকেয়া আসে ।, তেইর
 সাত্,হান চেইতে চেইতে কম্,গো ঢহিল । ইয়ারি এহান হুনিয়া
 রাজার পুতকে মিয়াম য়েইচা অয়া হাবিব হানরে সাল্,
 করলো ঔ বনঙাল্লী পরীরঠোনা নিঙলসৌ উ'গরে অনানি-
 রিকা । ফৌ' অইয়াউ থাঙ্, লাগিলগা । ঘোড়াগত থায়াই ইমে
 আঙ্,করের 'তি দৌগ না মানুগো বুলিয়া । দৌগ অইলেতে
 কিহান অইলে তি হারৌ অইতেই মাত্, । বারো টেইপাঙ
 মানুগো অথাইলেতে মি তোরে লোহঙ করিয়া রানীগো করতৌ
 বাক্য দিলু । সময় উহানাত নিঙল উগোর বেয়কসৌ উগো
 বনর ফলমুল কতগোল আত্,হানাত ধরিয়া আয়া ফৌ অই-
 লগা । রাজার জিলক উগোয় হাতে হাতে আনৌগো মালকে লৌ
 -হল করিয়া কিসাদে বনবাসে দিয়া পেঠাসে ইয়ারী উহান পুজ্জা
 -প রাজার পুতকরাং বাগেইল । য়ারী এহান হুনিয়া রাজার
 পুতকে হুদিগ জবর হিন পেইল । উহানত নিঙল উগো বারো
 খুজ্জা বেয়করে ঘোড়াগত কাকরিয়া নিজর কল্পুঙে আনিয়া ফৌ

করলোগা বারো নিঙল উগরে লহঙ করিয়া রানীগ হঙকরল ।

আকদিন রাজার জিলক এগৈ রাজারে মাতিরি রাজাগিরি মোরে তোৰ রানীগ হঙকরলে এহান আকগৈও হার নাপেইলা । মোর আতর বাত লইবাতা তোৰ শাকেই সেলেই, কাদাবারার রাজ রাজেশ্বর, ব্রহ্মষি, সাধু, কিতা বাত'ন কর । মি নিজে রাধা পুড়ার ঠৌরাং করিয়া খোঁয়াং । তোৰ মান সম্মান এহানৌ আরাকৌ ডাঙর অক । রাজা গিরিয়ে মাতের “উহান নাপেই-লগাহান” । হোভা তিথি আহান চেয়া হাবিবরে বাত'ন করল ।

রানীর আতর ভাত লনার উদিন আত্তি, গড়া, দলেইত চড়ে চড়ে রাজ রাজেশ্বর, সাধু, কিতা আহিয়া কালা চিংখেইত্ত পুঁলেলাহা । উতার হাদিত তেইর বাপকৌ আছেছে । আহিলেও নাতে চিনের । তেইতে দেহিয়াও চিনে বেলল । না টটরেয়া থাইলি ।

বিয়ান্ত নিংশাহান বেলব সুরাকহান নেই । মেইকখুগ অয়া মেঠেল মেঠেল হৌ, ভাত, ক্ষীর রাদিরি । উতাও খেরি আকেই-হান তঙাল করিয়া থইরি নুন বরানির আগে । তঙাল করিয়া থইল মেঠেল উতাত নুন নাদিরি ।

হিনেয়া বুরপারেয়া পাংকঠে বহিলা রাজ অতিথি এহান । বেসকসৌ উগ দাপদে দাপদে লেইসি বেইসি করিয়া গৈগ আছে । হৌতে তেই নিজে খেরি বুজিয়া বিলেইরিগা । নুন নাযৌঅছে হৌ উতা মাছি বাপকরাং নিয়া বরাদিরি ।

অতিথি এহানে হোয়াতহানে টাক সলকরতে বাপক এগ এগদে হৌগদে রেং রেং চার । আগৈ মাতের নুয়া রানী এগ লক্ষী-

গহে, নুনর চাং, মস্তির চাং হেলৌ নাছে য়াতৌ নাছে । থক ক
অছেগা । আরাক আগৈ মাতের জনম এহান কত কত বাত'ন
থেয়া আহিয়ারতা, আকেইদিন ধুমারতা গত আহের, নাইলে
মস্তি আকয়া নাকেদে আহিয়েদে জল বেলেয়া খাংকরিয়ার ক ।
আইত্বে স্বয়ং দৌয়ে বাত রাখেছি পারা গত হানলৌ পেট বুজের ।

এগদেতে তেইর বাপক এগ চানাপা নুন নেই চামফুতগো
অছে হৌ এতা জুহানাত দিয়া আশ্রানে অকাটার । আকতা আকতা
আঙুলিগল জু হানাত তাং করিয়া চার খাং হাবি চামফুং
অলছে ।


অইতে অইতে, খাং করে নুয়ারিয়া মাতের । কিগুইজানে
কিসাদে হাবিহানে অমাটিক ভাতহৌ এতা হোয়াত অছে-ক বুলিয়া
সল কররাইতা । মোর এতাতে আকতাতৌ নুন নাদেছি । কিতাপারা
আগৈ মাতের রাজাগিরিতে আজি বেড়া লাগেছি । এতাপারা হৌ
এতাত নুনর চাঙ নাছে বুলনাং খাংতে কিতা মাততাং ।

জিলক কাদাত আহিয়া মাতিরি—হাই রাজাগিরি খাং আহা-
নর হৌ আগরাং নুন নারগা, হাবিবরাং নুন অছেগা এহান
কিসাদে ?

রাজা উগৈ থানি সৌ অয়া মাতের । কিহান মাততু খাং
আহানাত রাধনেউ মোর এতাত নুন না যৌ অছে নাই । জিলকে
মাতিরি, সেনাপুল আগর পানিত্ত পানি দিলে আগরাং লিকলিকা
পানি পড়তে বারো আরাক আগরাং বিরবির লরতার পক পানি
পড়ানি নার খাংতে । খাং আহানর হৌ আগরাং নুন নেই

আগরাং নুন অরগা উহান কিসাদে আইতৈতা । পাহরনেথাং
পানিত থক আছি বুলতে বিশ্বাস না করিয়া জিলকরে পুতকরে
বনবাসে মারৌ এইলে উহান ?

রাজা এগৈ আংকরের তিতে কিসাদে পানির থকর যারী
এহান হুনলেতা ? তিতে কুংগথাং মাত ? জিলকে মাতিরি-মি
তোর জিলক নাই । না মরিয়া আছুনাই — বুলিয়া যারী উহান
হাবিবহান বাগেইল । রাজা উগৈ পুতকরেও চিন্‌লো । কাদে
কাদে কল করিয়া জিপুত দ্বিয়গোরে চুমা দিলো । গরে আলয়া
লু করে গাত আগ খুলৌয়েয়া মৈলকরে জিংতা জিংতা গারেয়া
মারল । পিছেদে পুতকরে লগে আনিয়া রাজায় থইলগা, নুঙেই
অয়া হাবিবহানে পুখিগালইলা ।



রাজার বাগানহান

লাম আহানরমা রাজা আগ আছিলতা । উতাপারা রাজাগিরি
উগরতাতে ডাঙর ফুলর বাগান আহান আছিল । স্বর্গর পারি-
জাতে অকরিয়া নেইব জাতর ফুল নেই । চেইতেতে এতাপারা
মনোহর । ফুল শাতনি অকইলে কিহান অইতই উহান খালকরলে
পানতামনার ফাম নেই । রাজ্যহানর মা হাবিত্ত কুপ নজরহান উ
ফুলর বাগন উহান রাজা গিরিরতা । পাহারাদারিরতা রাতি দিন
হাবিগরে-মিকুপ আহান পেয়া লেমেদে জানা নাইতে । ফুলর
বাগান উহানর হাদির মা পিরা আকেইহান, হাদিতৌ বারো বগ্না
বৌ খানারকা রূপাল বন্দেয়া মক্ষি নকশার আতআলা চিয়ার
বারো মকমলর ফুতিল ক্ষেতকরা ফ্রেমদিয়া নুঙেইপা চিয়ার বারো
উতার হাদিত জাতর জাতর হেজাক লাইট । আরাকৌ মনোহর সাজ
সজ্জা । অরতে ইমে রাজার বাগান বুজ্জা নাই । দিন জারগা,
হাপতা জারগা মাহা জানা নুয়াইল রাজা গিরি খৌরাঙ আকয়া
সন্দেহ হমেয়া খাঙ করল । পাহারা দারি ছিলকরানি অকইল ।
থাঙউ ফুল আগ পেয়া না শাতর । মুরগত খরাপ চিন্তা হুমানি
অকইল মহারাজারতা । পাহারা দারির চাকুরি বাতিল অনাঅকইলা
প্রজাহাবি ডরহানে আঠুর মেল দেনা অকইলা । অমাটিক পরি-
শ্রম, জিপুতর মুরে দরিয়া সাঙগাল করানি অকইলা থাঙউ কোন

উপায় নেই। এফুরুঙতে রাজ্যত্ব তালকরাত লেপইল। কুরি দেহানি অকইলা ফুল না দেখতারা। হুদা এরে হাওয়া এহানে দেশহান হায় হায় করানি অকইলা।

আকদিনতে আরাক রাজার পুতক আগ ঘরর লগে অশান্তি অয়াতে ছদ্মবেশে নিকুলিলতা-লেইরাগা দিন মজুর আগর সাজ-হানল। আহিতে আহিতে এরে রাজার লেইফামে আয়া ফৌ-অইলহা। তারে এরে রাজা এগই জেরা কইলতা এরে পাহারা এহান পারতেইতা বুলিয়া। পারলেতে রাজ্য হানর অর্ধেক দিতা-ঙায় বুলিয়া মাতল

এরে ছদ্মবেশী রাজার পুতক এগই হায় বুলিয়া পাহাড়ার কাম এহান লইল। উদিন রাতিকার ডিউটিহান তারে দিলা। রাতি বারোটার পিছেত্ব বাগান উহান বুজিয়া ফুল শাতনি অকইল। দেহিয়া হারৌয়ে থানার ফাম না পানির ঠার উহান পারা অইল। কপালে নেইলে যেহান—হাদির মা বয়া ঘুম আকচুটি দিয়া উঠিয়া চার থাঙ উদুম দুয়া, নেই কুরাঙ পেইলে ফুল। মনহানর মা যবর কপ পা পইলগা। রাজার পুতক নাই অরতে তাউ। হিন কামতে পারলেহে বা করলেহে নাই। তবু মহারাজারাঙ মিছাহান মাতলগা। আকগ ফুলগ দেখলু হাঙতে বিয়ান হান ফুয়েইতে ফুয়ে-ইতে নেই। কালি যেসাদেউ ফুল, যেসাদেউ বাগানে বিয়ানপেয়া হে খৌয়ানির চেষ্টা করতৌ। দয়া করিয়া আরাক আকদিন সময় দিক মহারাজা। পরর দিনেউ তার রাতিকার ডিউটি। বারো হৌদিনকার সময় উহান অইলতাই ফুলএতা ইকা কায়া শাতনি



অকইল । উদিনতে আহিত থৌ বরা বরা ঘুম তালকরের । রাতি
 নুঙেই নঙতালর মাথা উহানর মা সরাল রাজার নিঙল হাতগি
 আয়া লামলাগা । তানু স্বর্গর রাজা আগরাঙ নিক্কা ফুল সাতগল
 ফুলর ডাল বানেয়া দিতারাগাতা । হাঙতে তানু শিঙনাদিয়া কুঙ-
 গই আগে কতি হবাতা ছিরানি বুলিয়া হৈ হৈ করিয়া ছিরতারা ।
 তা এগই চেয়া থাঙ লাগিল কি চমৎকার হবা নিঙল দাপাহান এ ।
 ছিরিয়া লময়তে আগ আগ করে যানা অকইলাতা, তা হাতে হাতে
 চেপইলগা । খুলি উগতে তুসুরগ করে ছিরিরিতা থাঙতে তেই থানি-
 তাপইলি । লময়া জিঙগা বুলতেতে ইনাফিহানর চুটিংত থক্ক দরে
 বেঞ্জ । হইমা হইমা কিহান কইলেতা মরে এরা দিয়াদে ডিলইলু

ফুল ডাল কাত করে নুয়ারতৌ মি । বরগ নাপাত শইলু মরে এরা
 দিয়াদেরে । এরাতে দিতৌ মাত তর পরিচয়হান কিহান । মি
 স্বর্গর সরাল রাজার জিলক । আমি সাতগ বনক । স্বর্গর হাবিত্ত
 হবা রাজার পুতক উগরে আমি সাত বইবুনি এ নিকা ফুলর
 ডাল দিয়ার গা । হাবিত্ত হবা করে ষেগই যেদিন দিয়া পার
 তাগায় উগরে তা বিয়া কর্তে । উহানল আমি এপেই ফুল ছিরাত
 আহেছিতা । আইতে মি নাঙ নুয়ারতৌ মরে এরা দে । উহান
 অইলে সারা বাগান হানর ফুল এতা শাতকরে দিয়া যাগা ।
 শেরক আতা আহান দেনায় হাবি বারো শাতয়া জলক জলক
 করানি অকইল । এবাকাতে তেইরাতা চিন্তা আহান হমেইল ।
 টেইপাওরাঙ সকইল, তেইরেতে দেব কুলে আর স্থান নাত্তায় ।
 উহানে তারে বিয়া করানিরকা অনুরোধ কইল । তেইরে
 বিয়া করল । হাঙতে যানার মাথা উহানর মা তা মাতেরতা বিয়াতে
 কইলু দেহানি আহিলেতে কিসাদে দেহাপেইতেউ, তিতে স্বর্গত
 যাউরিগা । তেই আঙুলিগ পারা বাঁশি আগ তারে দিয়া দিলতা
 এগ রাহইলে মি আহিতৌ । সালইলি, খানিক যানাইতে ফুঁ-
 আহান দিল, বারো আহিলি । কিয়া ? না ইমে চেইলুতা যাগা ।
 বারো খানি যানায় ফুঁ আহান দিল, বারো আহিলি । কিয়া ?
 না ইমে চেইলুতা । আরতা না করি মি আহিতৌ যেবাকা মাত-
 তেই উপরে, মি ডিলইলু মানুয়ে দেখতায় জাঙগা বিয়ান হান ফুয়ে-
 ইল । হায় যাগা । বারো গিয়া পানা বিত্তা অইলিহা উপেইত
 বারো ফুঁ দিল, বারো আহিলি । কিয়া ? না চেইলুতানা যাগা

আর আজি না ডাক্তো । গেলিগা । বিয়ান হান অইল । রাজা
রাং খবরল ফোয়ইলহা । দাপদে দাপদে আহিয়া মহারানিয়ে
কিতায় দেহিয়া কি হারৌ হান । উদিনেতু নিক্কা রাজার বাগানে
ফুল শাতনি অকইল । তেইতে গিয়া ফুল ডাল উদিন দিয়া নুয়া-
ইলিগা । টেইশাঙর গত আহের বুলিয়া তেইরে দুরেই কইলা ।
দুখই আকয়া জুরে জুরে কাঁদিরি । না এপেই, না হৌপেই তেই
জানার ফাম নেই । জবর উরা হিচি জীবন আহান তেইরতা
আরম্ব অইল ।

এগদে তারে রাজায় রাজ্যর অথেক বাগান দিয়া দিল ।
উতাল গরে গেলগা, আকদিনতে পাহুরিয়া মলগর তলে বাঁশি উগ
থয়া বুলাত গেলগা । ময়লকে এ ফামহান পারতেতে উগপেয়া
ফুঁ আহান দিল থাঙতে স্বর্গতু তেই এগ তরাক আহিলতা । আয়াতে
চেইরি থাঙতে তেইর হেয়কতে নাগই বেয়াপা আগই রহেইরি ।
কাহ্নি এহানে দিল থাপরহান মরে পরলিগা । তেই বেলা দিয়া
গেলিগা । বুলাত আয়া চার হা থাঙতে বিপরীত কাঙ হান ।
কাদাত বাঁশি উগ পরিয়া আছে । তা লিংপিং অইল ফুঁ আহান
দেনায় বারো আহিলি । আঙ কইল, তি মাতে পারতেইতা কিতা
অয়া এসাদে অইলিতা তেই । হায় কিয়া মরে তেইতে ডাক্তে তা
মি মারলুতা । তেইতে হার না পাছে মি পাহুরিয়া গিয়া পরেছু
গাতা তেইরে জিংতা করে দে নাইলে তরে আজিত আর যানা
নাদতৌ । জিংতা করেদিল । দিয়গর পরিচয় করে দিয়া নুঙেই
অয়া থাইলা হারৌ অয়া ।

অকনেইতাপী বারো হেইনিংপী

দেশ আহানাত হেইমাক আহান আছিল। মৈলক উগ কুড়িয়ার মা
খম থেঙছে। কাদাত বারো বেয়াপা আগ আছিলি নিয়াম কামে
হেইনিং। কাদার বেয়াপা উগে কুলি কাঠনি করিৰি উতা মানুয়ে
চেয়া থাইতারা। জাত জাতর মাঠা, চাপর, লেইকম, ধলেইবি,
মাঠার কানি, দ্বিচাকার মাঠা, ইকুফি, কীতনর খুভেই, লাণ্ডৌ,
চাকচাবি গলিছার ফিঠা বুনরি। কুরিয়া চেলপীর হেয়ক এগৈ
এতা নিকা দেহের। আকদিন মৈলকরে মাতের এ হুনা গিথা-
নক, তি পারা আগ কাদাত আছে, আমার বনক এগৈ কিতা
কিতা কুলি কাঠনি করিৰিতা না দেহরি তা, তোর তাতে হুবা
মানু আগ আহিলে বহেইবে ফিঠাহানৌ নেই। অতীথ আগ
আহিলে ইকুফি আহান দিয়া নুয়ারতেই, মানু সেপ বেসেপে
আকদিন ঘুমজাং বুললে পারবে মাঠাচিলা হানৌ নেই। এসাদে
কিসাদে টেইপাঙ মানু অয়া কানা নেই, জরমদেছত সৌ এগিলো
তোর বেয়াপার ঘরে যাগা।

হুনিয়া তেই এগো ডরপেইলো। ডর পেয়া মাতিৰি তি
নিয়াম অকনেই গো পারা পাছং, সৌর জঞ্জগোলো কিতাও না
করুরী থাংতে মোরে জবর লেইকরর। হায়দে হুতা আংগা কি
হান করুরিতা দেহেইতৌ। হেয়ক হারৌ অইল। মোর মৈলক
অকপী গো বুলিয়া। কাদার বেয়াপা এগৈ দ্বিয় হেয়মাকে ঠার-



তারা এহান হুনিরি । তেই হেয়করে মাতিরি হনোর গো হনোর
গো । কিগ থাং ? হেয়কে আংকরের ।

হায় জতর হানর গড়গো ছিড়েছে বরগল্লা আগো আংগা ।
আনিয়া জতর হানর গড়গো টিংদেদে ।

হেয়াক মাতের, হতা নেই সময় এহানাত তি বারো জতর
টিংদানিত গৈগ অছত । কিহান অছে থাং ?

মৈলকে মাতল “উহান পিছেদে আংকরিছ, উরে নেবুরি-
হানর গজর বলুনিগ টুময়া হতা পিড়ানি নাকরের, উগ থকুক
মিলকরেদে । কিহান করতৌ আপ্পানেও দেখতেই ।

হৌগদে অকনেইতাথীর হেয়ক উগৈ কুকীরাংত হতা মন

আহান আনলোগা । বাকি দিসের আনলগা । সের আহানর
হলেই হতারগিরি কুকী উগরে দেনা । বাকী সের উহানর হলেই
নিজে খনা ।

হতার ফুল সাতর উবাকা হবা অম্মা সম্পূর্ণ ফুটের উতারে
বুং বুলতারা । বারো আধাকাচা ফুটের উতারে এক করা হতা
বুলতারা । এতার ছাটুয়া নিকুলের উতারে রাঙা হতা বুলতারা ।
রাঙা হতা হয়ার করিয়া বাটিয়া লাঙৌ বুলতারা । মকা সাকপী
লাঙৌ বুললা ।

অকনেই তাপীর হেয়কে আনেছে হতা উতা হতা পাচত গ
পারা বুং । বুং উতা আনেদিয়া মৈলকরে মাতের, গিথানক
বুন কতিপাকুরিতা বুন কাদার বেয়াপা এগরে জিঙানি তাল কর ।
এতা লমকরলে আরাকৌ আনেদিভৌগা ।

মৈলকে মাতিরি বুনতে বুলর, এগদেতে নেবুরিহান নেই,
তামাং নেই, নাটুয়া নেই, জতর নেই কিতালো পাজি কাটতৌ
তা । ধুনিল ধনুক আহানৌ নেই । উতা বেলা গরগো পাজি
কাটানির মেনাম গো পেয়া নেই ।

ইরাইরি হেয়কে নেবুড়ি, ধনুক, জতরহান যোগার করে
দিলো । এখুরমতে অকনেই তাপীয়ে হতার ডলাল সৌর লারি
পুছে পুছে হতার ডলা উতা কাদার হেইনিংপির বাড়ীহানত উড়া
বেলা দিরি ।

হেইনিংপিয়ে বারো উতাত্ত বাছে বাছে আনিকা উতা
বেনেয়া হবা উতা পুল করলো ।

কিতা পারা দিন আহান অকনেই তাপীরে হেয়কে আংক-
রের আইত্তে কিতায়া ভাত ডিলছেতা ।

হায় হতা গো মাছি নেবুরতে নেবুরতে ডিলেল তা । অরতে
হমেইলুগা হাংতে খেইতেই নাই । ডঙ হানাত লমকরতো । অক-
নেইতাপীতে হাবি হতা লারি থুছিয়া বেলেয়া লমেল উহানিলো
হলেইগ আকগো কাটেছে ।

হেয়কে খালকের মৈলকে ফুতিগ মাছি বুনতে ।

আকদিন হেয়কে আংকের কই হতার ডেরি উগতে ?
মৈলকে মাতিরি কাটিয়া হদেইলু নাই । হতাতে কাটিয়া লমকরলু
ফুতি বুনিং বুলতে হস নেই ।

হা, কিতা কিতা যোগার করানি মাতবেনাই । মৈলকে
মাতিরি উটং, বেঙ, গুল্লি, সেল্লাম বয়জু লানটুম, লাংচাক, তেরেং,
তামাং আকতাউ নেই কিতালো ফুতি বুন বুলরগো ।

হেয়কে হাবিব কুরাং কুরাংত খমকরিয়া আনলোগা, মাতের
কেনিদিন ফুতিহান অকরতেই ।

হনা গিরক বাজা হে, কালি রাতি বারনগত থরক থরক
করলা, মিতে উদুরে কাপেদিভাই বুলিয়া বাকা গ বুজে থোয়া-
ছুগ । মাতিয়াউ ফালদে বারনগত কাইলিগা ।

হেয়কে আংকের কই চেইকচেইক, আনলু হতা উতার
কতিগ হলেই নিকুলেছেতা ।

মৈলকে আকগো হলেই গো আছে ইমে উগ তুলে তুলে
এরৌ আগ, এরৌ আগো, এরৌ আগ বুলিয়া দেহেইরি । হৌগদে

হেইনিংপীয়ে জাত জাতর ফুতি বুনে বুনে ঝাপি বুজে বুজে
থইলো ।

বারো আকদিন অকনেইতাপীয়ে হেয়কে মাতের-কইতে ফুতি
হান মিয়ে কিতায় অকরবাংনাই ।

অকনেইতাপীয়ে মাতিরি-লুরি নাটুয়ানি আহান আছে চানাং
দেনা আহান আছে, লানটুম বুজানি আহানো আছে ইমে অক-
রিক বুললে লমর তা ?

কাদার হেইনিংপীয়ে এতা হনিরি । হনতে হনতে অক-
নেইতাপীর হেয়করে ডাহিরি — দাদা । দাদা । আমারাং থানি
আয় । উহান হনিয়া অকনেইতাপীয়ে হেয়করে মাতিরি, হৌদি-
নকার ভাতদিলু লুরিউতা তেলচড়া, উদুরর ডরে বারনগত থছুগা,
চা বেলাং । হেয়কে মাতের চাগা চাগা । হেয়ক উবা অয়া
থাইতে থকক বারনগত হমেইলি । হেয়কে নাদেহে বেললো
মৈলক বারনগত কাইলিগা উহান ।

ফের ফের লানটুম চাউবী
দাদু থংপীয়ে খতকরলো
ফের ফের লানটুম চাউবী
দাদু থংপীয়ে খতকরলো

বুলিয়া বারনগত বুলে বুলে কত বুলাদিয়া বারনগত লামে
পড়লিগা । হেয়কে শব্দহান হনিয়া খালকরলো মৈলকে গাজি
কাটিরি ।

কইতে বারনগত, কিতা রহেরতা চাগা যাগা । বারো
হেয়করে দেহয়া কাইলিগা বারনগত । হমেয়াই — হইমা, হ
বাবারো লমইলু বুলিয়া মুরগত আতহান দিয়া ঠেটু নাটু বাগিয়া
বহিলি ।

হেয়কে ফালদিয়া নান্ফাহানাৎ কায়া বারনগোর থংচিলেদে
মৈলকরে চার । তেইতে বয়া কাদাত লাগেছে ।

কিয়া কাদুরিতা, কিয়া কাদুরিতা ? কিয়াতে কাদতু—ইচুদিন
কাটেছু লুরি এগ, হাবিগো নাটুয়াছু লুরির পাহা [পাহা = হলেই
দুগর পুরি] বুজেছু লানটুম হলেই খোরায় হলেই খোরিয়ে
হাবিব থা দেছি । আক গ হলেই গো আছে । মি এথুরুম
কিতালো ফুতিহান অকরতো ? হেয়ক লামিল নান্ফাহানত ।

বারো হেইনিংপীয়ে হৌগদে ডাহিরি । দাদা । আয়, আহিয়া
তেল্লাম যিতেইগা । গেলগা ।


পিরা আহান দিয়া বহেইল । বুনেছে ফুতির ডেরী উগ
নিকালেয়া মাতিরি চা দাদা তোর হতালো বুনেছুতা ।

এগদে অকনেইতাপীয়ে আছে তেনা তুনা উতালো বকচা
আহান বাধলো নিকুলিয়া যানারকা ।

অকনেইতাপীর হেয়ক থাংলাগিয়া ফুতির ডেরী উগ চেয়া
বয়া থাইল । হেনিংপীয়ে মাতিরি দাদা থাং না লাগি । সাল
করে দিলু ফুতির ডেরী এগন্ত মনার মনারতা চেয়া খেইপক
আহান নেগা খেইপক আহান মোরকা থোয়া দে । কিয়া বুলতে
তি আনেছুত হতালো বুনেছু ফুতি ।

অকনেইতাপীর হেয়কে মাতের বাছা বাছা আমার বনক ।
মোর তুল বাগি না করি । আনেছুগা হতার গিরিগ কুকী উগর
লগে হুঙে বাগন দে ।

হেইনিংপীয়ে কীতনর খুত্তেই আহান, ইরুফি আহান, মাঠা
আহান দিয়া মাতিরি দ দ দাদা এতা নেগা । বাকী এতা মি
কুকীগর তুল হুঙে বাগন দিতৌ । ফুতি উহানিলো ঘরে আহিল ।
মৈলক উড়া উড়ি বকচা বাধিরি । হুনা গিথানক বাছা । বাছা ।
ফালদিয়া জুড়াগত ধরিয়া মুরগোর চারি ভাগর আক ভাগ খুড়িয়া
কালি ছুন্সু গুছে দিয়া মৈলকরে নিকালা দিল ।





কলালেইমা

কোন দেশ আহানাত হিনচাপি আগই বারো টেইথাং মানু
জেলা আগই হতিনাহান অয়া আছিল। হিনচাপি উগরতা জেলা
সৌ আগ আছিলি। জেলাসৌ উগর নাঙহান অইলতায় সেনা-
রথী। বারো মানু জেলা উগরতা আছিলাতায় মুনিসৌ দুগ
নিঙল আগ। নিঙল উগর নাঙহান আছিলতায় কলালেইমা।
কনাক কালেই সেনারথী বারো কলালেইমায় বাপকর উম

নাশেয়া আছিল। বাগক তানু জরম অনার কতদিন পরে দৌ
অয়া গেছিলগা। সেনারখি বারো কলালেইমা দ্বিয়গি লেংকাহান
অয়া খেলতারা বারো নাছতারা।

আকদিন হিনচাপি এগয় হতিনকরে মাতিরি, গিদেই,
আয়নে মাছ ধরিকগা। মানুজেলা উগয় মাতল—হাদ

দ্বিয় হতিনা হসু, খলেইল বিলআগত গেলাগা। দ্বিয়গিয়ে
বিলগত নামিয়া হসু বেইতারা। সেনারখির মালক হিনচাপি
উগয় হুদা হরগ ধরিরি বারো কলালেইমার মালক মানু জেলা
উগয় হুদা মাছ ধরিরি। ধরতে ধরতে হবা ক ধরলা উবাকা
হিনচাপি উগয় মাতিরি—গিদেই, অকগা অইল, এবাকা ঘিকগা।
বুনির সৌ বেলেয়া আহেছংগ, আক্ করে জিঙ্য়া নাথায়, কা, না
ডিলইল।

চুমছে বুলিয়া দ্বিয়গি কাইলা। আলয়া আহিতে আহিতে
পথগত হিনোজার আহান পেইলা উপেয় থানি জিরেইক বুলিয়া
উজারর তলে জিরেয়া বহিলা। বয়া গজেদে চেয়তারা থাংতে
গাছ উপপাত মজা হেইনৌ লাললাম অয়া রাঙা রাঙা অয়া
আছে। হিনচাপি উগয় মাতিরি—গিদেই, দেখলেতা হিনৌ এতা
কতি হবা অয়া মজ্জিয়া আছে তা? সৌরকা কতগ ছিড়িক,
মিতে গাছে কানা বুয়াকুরী থাংতে তি কাগা মি তলে থায়া
লকরিং।

কলালেইমার মালক কায়া ডেঙ উতা বাকারেইরি মাগা
উহানাত হিনচাপী উগয় খলেইগৎ হরগ উতা নিকালেয়া হিনৌ

সপাত এড়া দিয়া দিল । হরপ উতা গাছঝারে কান্না অকরলা,
কায়া হরপ উতায় কলালেইমার মালকরে বেরেয়া কামাড়ানি
অকরলা । হরপর কামড়ে কলালেইমার মালক জ্ঞান হারেয়া
মাটিহানাত ডগ্‌ক গড়লি, গড়িয়া মরলি ।

কলালেইমার মালকর মাছর খলেই উগ ল হিনচাপি এগ
ঘরে আহিলি । কলা লেইমায় আংকরিরি—হুকাং ইমা আমার
ইমাতে কই ?

হিনচাপিয়ে মাতিরি—অ, তর মালক কা বুলতে না করিরি,
মাছমাহি গেইরি বুলিয়া । মি রইদ এগত খাংকরে নারিয়া
বেলেয়া আহিনু । কলালেইমায় মাতিরি হুকাং ইমা মাছ আগ
দেনে সৌগরে পুড়িয়া খৌয়াংগা ।

—অঃ অকনেইপীর জিলক, মাছগ দিং আয় বুলিয়া চেপ-
ইলিগা আর আম্বুলে কট আগ দিয়া হরকাং ফেটিয়া সৌ আগ
দিয়া দিল ।

কলালেইমায় ফেটিয়া উগ জিগত বেরেয়া চাকামহান লেপাত
ধরলি । এগদে ফেটিয়াগ কোনসময়তেই ডহে পরেছেগা মাতে
নুয়ারিরী । বারো উরপা উরপা হিনচাপি মালক উগরে মাতল
ইমা ফেটিয়াগতে ডহে পরিলগা আরাক আগ দেনে । হিনচাপি
এগই আরাক কট আগ দিয়া আরাক হরকাং মাছ আগ দিয়া
দিল ।

আহির পানি বেলা বেলা কলালেইমায় মাছ উগ আদা-
কাচা পুড়িয়া বেয়ক দ্বিয়গীরে খৌয়েই ল ।

এগদে সেন্ধাহান অ য়ারগা, মালকর কোন দেহা নেই, কলালেইমায় বেকক সৌ দ্বিয়গীল ঘুমজিলী। ঘুমর হাদিত আৎকা আহিগি মেলিয়া কলালেইমায় যেহান দেখল—হিনচাপি এগই বেকক দ্বিয়গীরে চাবে চাবে থানা লাগেছে।

বাদর দিনে সেনারেশ্বীয়ে কলালেইমায় ছড়াত হিনাত গেলাগা। হিনচাপি উগয় কলালেইমারে কানা কল আগ দিয়া দিল, পিদানিরকা দিলতায় খনতিনার লাঙৌ আহান। সেনারেশ্বীরে দিলতায় নুয়া সেনাপুল আগ বার নুয়া লাঙৌ আহান।

উদিন চেয়া রাজার পুতক আগো সাতালে আছেছে। তানু পারর ইথলে হিনেইতে হৌপারর ইথলে পানি শিনাত রাজার পুতক লমেছে। এতারে দেহিয়া রাজার পুতকে সেনাপতি উগরে মাতের—উরে খনতিনার লাঙৌহান পিদেছে বাগা কলগো কাকালিহানাত থেছে নিঙল উগরে মি লুহোঙ করতৌ।

সেনারেশ্বি এগ ফি ফি সৌ অয়া বনকরে বেলেয়া গরে আহিলি। মালকরে মাতিরি—রাজার পুতকে এসাদে এসাদে মাতের, কলালেইমারে লুহোঙ করতৌ বুলের। হিনচাপী এগৈ দ্বিয়গিরে ফুতি কল পিলকরোয়েইল, সেনারেশ্বীরাং খনতিনার লাঙৌ, বাগা কল কিতা দিওয়াদিল। বারো যেইগা বুলিয়া দিয়া গেঠেইল। এথুরুম বারো রাজার পুতকে মাতের নুয়া লাঙৌহান পিদেছে বারো সেনাপুলগো কাকালিহানত থোয়াছে উগরে লুহোঙ করতৌ। ঘরে আলয়া মালকরাং হাবিতা বাগেইল। ওছ, কিতা

করতু বুলিয়া রাজারাং কলালেইমার লুহোঙহান দিল । নাদলে
বারো রাজায় মারতৈ ডরআহান ।

পাচদিনকার উদিন রাজার পুতকে কলালেইমায় পাচর
ভাত খানাত আহিলা । হিনচাপীয়ে এগদে বিয়ান্ত ডাঙর পানি
আকথাং বরক বরক উহানা দিয়া সৌ করিয়া থোয়াছে ।

হিনচাপী এগৈ দামান কন্যা এতারে ঙক করিয়া বরেই-
লগা । ফিঠা কিতা পারিয়া বহেইলো । এগদে কলালেইমারে
হাতেক ক ডাহিয়া মাতিরি, তোর বনক সেনারস্বী তোর ফুতি
ফালি ছনাকাঠি, লিকসৈ, চাকচাবি, ইনাফি এতা আকথুরুম
পিদিং বুলিরি । বনকে হা পিদক কিতাইল বুলিয়া সেনারস্বিরে
পিদাদিল ।

কলালেইমারে আয় তোরে হিনা দিংগা বুলিয়া পিঠির
থংচিলেদে নিকালেয়া পিরা আহানাত বহেইল । ঘরে হামেয়া
বরক বরক সৌ অর পানির থাং উহান কাদাত নিয়া থইলগা ।
কলালেইমারে মালক জিলকে মুরগ থাংদা থাংহানাত জাতেয়া
বুরেয়া মারে বেললা । চিকারীগ পেয়া দিব হেরহান নাপেইল ।
কলালেইমার ঠৈ উগ ডুবিগ অয়া রাজার কন্নুঙে ফরদিয়া
গেলিগা । রাজায় বারো সেনারস্বিরে রানীগ করিয়া থাইল ।
কলালেইমারে মারলা উহানৌ তা হারনাপাছে । চিনে নুয়ারলো
হিনচাপীর মায়াত বেঙতাল অয়া সেনারস্বিরে ইমে কলালেইমা
বুলিয়া থাইল ।

বহুর আহান পরে সেনারধিরাং মুনি সৌ আগ জরম
অইল। কলালেইমা নিককা রাজার মুণ্ডে ফুটি সরাদেনার পালাঙ
আগ আছে উগত ফরদিয়া গিয়া বহিরিগা। রাজা নুকুলিয়া
দোয়াদে আটাউটি করে উপেইত কলালেইমা পাহিয়ার ঠারে
পালাঙগত বহিরি। পালাঙগত বয়া থাইরিতাও ইমে রাজারে
দেহিং বুলিয়া।

কু কু কু কু কু
সেনারধি না উথাকতল।
চেই চেরানা থাম্পাল থঙ ॥

নিককা রাজায় এহান হনের দেহের আঙ্গানে তেই বহিবতাই
রাজারতা মন এহানাং হক আগ চেলর দুঃখ আহান হমার।

রাজার পুতক সৌ এগৈ “পাবুং পাহিয়া এগ ধরেদে” বুলে
বুলে গেণ্টার। আকয়া পাহিয়া উগরে চেয়া আয় আয় বুলানিয়ে
ফরদিয়া আহিলি রাজার আতহানাত কায়া বহিলি। মৈলকনায়
হেয়কে ডাহানিয়ে ফরদিয়া আহিলি।

রাজার পালাঙ আগত বরেয়া মাংকলে টাঙিয়া থইল। পানি
ধান, কিতা কেগিত চোঙে বরেয়া পালাঙগত থোয়া দিল।

আকদিন সেনারধি উগ মারিয়া হৌ বধিয়া থোয়া দিল।

রাজা রাজ সভান্ত আহিয়াউ নিককা পাহিয়া উগরে মাতারগা,
বানাপারগা। উদিনতে পাহিগ না দেহানিয়ে আংকরের—পাহি-
য়াতে কই-এ।

উরে তোর পুতকে বারিগল ডুয়েয়া পচক দিতে মরে পর-
লিগা থাংতে উগ হৌ রাধিয়া থছু । রাজা খেইতে নথ আগ
পেয়া হৌ খেরি উহান চাকুমর দলে উড়া বেলা দিল । উপেইত্ত
জাম্বুরা আকজার উঠিল ।

এগদে কলালেইমার ববাক আগ নাতিনকরে উনা অনিত
গিয়া নাদেহিরি । সেনারস্বির মালকরে অংকরতে মাতিরি তোর
নাতিনকতে রাজারাং থুঙুইলিগা ।

ববাক এগ উঠিয়া রাজার কল্পুং গত আহিলি । নাতিনকরে
বিছারেইরি । নাদেহিরি । জাম্বুরা সপাত জাম্বুরামাহি ধরেছে ।

আহিতে জাম্বুরা সপাত জাম্বুরা মাহি দেখেলো । দেহিয়া আগ
সিত্‌ক্‌ ছিরে বেলাং বুলিয়া সপাহানাত চেপৈতেগা জাম্বুরা সপায়
টটরার ।

জাম্বুরাগ ছিরতেগা ডাঙর জাম্বুরা আগৈ মাতের মরে
নেগা ! মরে নেগা !

বুড়ী এগৈ উগ ছিড়িয়া ফুতি আহানলো ইত্তু করিয়া ঘরে
আনলো । ঘরে ইত্তু করিয়া থইল । মানুষে নাপাকা বুলিয়া
গজে খাটি হানাত ঝাপি আগত লুকেয়া থইল ।

বুড়ী উগ দোয়াদে বারাদে নিকুলিরি মাথা উহানাত জাম্বুরা
গত্ত কলালেইমা নিকুলিয়া ঘরে কাম করে দিরি । ঘর ছুরালি,
কলদারানি, চাকাম লেশানি, ভাত রাধানি কিতা লম করিয়া
বারো জাম্বুরাগত হমেয়া থাইরি ।

বুড়ী এগ দোয়ারহান আংকরিয়া চেইতে চাকামে ভাত হৌ দেহিরি । হঃ বাবারো কুংগে মরে ভাত রাখে দিলাতা বুলিরি । ঘেতাউ অক বুলিয়া খেইলো । খালকিরি থংচিলহানৌ ঘাটিয়া খার এপেইত কুংগে রাখে দিতারাতা ।

জাম্বুরাগ খাবেলাং বুলিয়া জাম্বুরাগ নিকাললো । এখুরুম দা হান না দেহিরি । আকদিন দা হান পেইতে জাম্বুরাগ নাপেইরি । উহানলো খা নুয়ারিরি । তা থকয়া 'এইগ পেইতে দা হান নেই, দা হান পেইতে এইগ নেই' এহান কি হান । লুম করিয়া চাং বুলিয়া চেইরি । চেইরি থাংতে নিঙল সৌ এগ খাটি হানাত লামিয়া গরকাম করিরি ভাত রাধিরি । ভাত হৌ রাধিয়া খেইল, বুড়ী এগর কা হাজেয়া তঙাল করে খোয়া দিল, পল গলো গুরে দিরি উ মাপাত বুড়ী এগ দুয়ারহান আংকরিয়া পপুক কলালেই-মারে ধরিয়া আংকরিরি — তি দৌগ না মানুগ ? উপেই কলালেই-মায় যারী এহান হাবি ফুকারেয়া মাতে মাতে কাদলো ।

বুড়ী ইমা ডর নাপেই । দ্বিদিন ক বাকী আছে মোর দিন হানি ফানা । এবাকাতে মোর কঙালা সর এহানাং বৌহান লাগলে খাংকরে নুয়ারিরি । বুড়ী উগে উবাকা কঙালা হুতার কাস্তা আহানলো যম করিয়া ফামহানত খোয়া দিল । দ্বিদিন থায়া দিন সুঅইল উবাকা নিকুললি ।

ববাক নাতিনকে নুঙেই অয়া থাইলা । গাণ্ডরতাই রাজারাং বাগেইলাগা — রাজাগিরি উতা পারা বুড়ি উগর গরে কতি হবা নিঙল সৌ আগ আছেতা, দেখলে আহি মিচ্চল করের ।

রাজা গেলগা পুতক সৌ এগরেলো বুলতে বুলতে বুড়ী উগর
গরে । উবাকা নিঙল এগো চিনার ফুতি আহান বুলিরি ।


লেইরাপী বুড়ীং গলিচার ফিঠা আহান নিকালেয়া বহাত
দিল রাজারে । বুড়ী উগর তুল রাজা টটরার । সৌ উগ কলা-
লেইমার কাদাত ফুতি বুলিরি উহান চার । খাংদা লাংচাকগো
ছুটিয়া পড়িল হানতে রাজার পুতকরে মাতিরি হে সৌং লাংচাকগ
আন ।

লাংচাকগ পড়ের বারে বারে । এগে তুলেদের তেই উহান
মাতব পুরি । লমৈতেগা বাগকরে আংকরের পাবুং জেলা এগে
কিহান মাতিরিতা । বুড়ীয়ে নাতিনকরে ডাকলো—আয় ইমা
কলালেইমা, রাজা গিরিরে পানা ওয়া দিয়া হুমা দেয়া । কলা-
লেইমা নাং এহান হুনিয়া রাজায় খাংলাগিয়া বুড়ী এগরে আং-
করলো । বুড়ী এগে হাতে হাতে যারী এহান রাজারে বাগেইল ।
মৈলক বুলিয়া চিনলো ।

গরে গিয়া লু করে খঙ আহান খুলিয়া মনর কাটা, বেলর
কাটা বেলেয়া পেনারখিরে ঠেনেয়া বেলেয়া গাতেয়া মাটি দিয়া
মারল । রাজায় বারো কলালেইমায় নুঙেই অয়া পুখিও গালয়া
থাইলা ।

উদরীনেইমা

কোন লাম আহানাত বুড়া বুড়ির হেইমাক আহান আছিতা ।
সৌ জিপুত নেই । কিগগৌ নেই । বুড়া আকয়া ককরক চেলৈলা ।
দিন যারগা মাহি খালকরতারা সৌ আগৌ নাপেইলাং কিহান
অইতাঙায়তা কিসাদে জিংতা অনি ?



কিতাপারা দিন আহান বুড়া এগৈ বুড়ী উগরে মাতের—অ
বুড়ী, তোর সৌর খোরাং এহান আকৈল । থাংতে উরে ঝাপিগ
মুকৈয়া চা গা । হবা নিঙল সৌ আগ ইতু করিয়া থ দেছু ।

গুঞ্জে গুঞ্জে বুড়া ফাগি দিবে পথ নাপাছত — বুলিয়া
বুড়া উগরে গুজুরে গুজুরে ব্যাগিগো গজেদেত্ত নামেয়া মুকেয়া
চেইরী থাংতে হুরকাং উদুর সৌ আগ । চেইতেতে হুরকাং উদুর
এতা টেইপাঙ মানু মালইতারাহান অছে ক । অ বুড়া টেইপাঙ
মানুয়ে জরমদিতার সৌ এতা এসাদেতা ? বুড়ায় মাতের — হায়
হায় ইমে এসাদেতানা । যক্‌রিয়া হে ডাঙর করিক নে । দেখ-
তেই কিজাত রাজা রাজেশ্বররাং ঠাচা করতাঙায় তা ।

উদুর সৌ এগ বাক্কা ডাঙর অইলী । লেজগো হাটা হাটা
বারনর নাম্বাদে, চেফুয়েদে, কোন কানেদে কিতা দাপদিরি ।
চিরিক্ চিরিক্, রহে রহে কোনে কানচেলদে আটিরি উহানৌ
বুড়াবুড়ীয়ে কালাক পেলয়া চেইতার ।

নিজে কাটা খেয়া উদুর সৌ উগরে খুতহানি খোয়েই
তারা । কামহান-ক সরাত পহরিত নিয়া হিনাদিতারা । এগুলিও
টেইপাঙ মানুরসৌর সাদে ঘর হুরিরি, গুকখী গুরাল করিয়া
খদিরি ।

বুড়া উগৈ দেশে দেশে উদুর সৌ এগ মাতাম ফাইলি
থাংতে ঢোল দেওয়েইল । মোর জিলকরে রাজা রাজেশ্বর পেইলে
লুহোঙ দিতৌ । মোর নিঙল এগ সাদে গুনে রাজারাং সিজাগ
অয়া থানার উপযুক্তগ ।

কিতা পারা দেশ আহানর রাজা আগ পুতকর কা কথা
বেলল । দিন তারিখ লেপ করিয়া আত্তি, গড়া, দলেই কিতালো
রাজার পুতক আহিল ।

মালঠেগত দানর বার কিতালো ফালু চেয়া চেয়া বহিলা,
কন্যাগ বুলতারা মাথা উহানাত রাজার পুতক এগোই কন্যাগ
নাদেহের । ফি-ই-ই ক সৌ অইল এহান কিহান বুলিয়া । বাপক
বুড়া রাজা উগৈ মাতের বাবা মি কথা দেছু থাংতে যেগৈ অয়াও
থাক এগরে কন্যাগ করিয়া নেনাত পড়তাণায় । বাপকর য়াথাং
হান বুলিয়া দাঁত কামারেয়া কোনরকম পানির কাটাগ অয়া
থাইল ।

উদুর সৌ এগরে হরকাং খুচেই আগ, বার তেইর পিদব
হরকাং ফুতি উতা হাবি ফিয়ম করে কাপানা আহানাত বরেয়া
রাজার কল্পুঙে নিলাগা ।


রাজার পুতক এগৈ খালকরের উদুর জেলাগর তুল খাটল
গত হমেয়া কিতা করতু । নিক্কা দোয়াদেত্ত আহিয়া খাটলগত
চার থাং — ফুতি ফালি ঙকখী করিয়া পাজালেয়া থ দেছি । তা
খাটলগত থার উবাকা উদুর জেলা এগ লেজ গ হাটা হাটা কাণ্ডা
তলেদে, বারাদে দাপদে দাপদে থাইরি । গাঙ গরেদে চটিতারা
অকথকপাহান, রাজার পুতকে উদুর জেলা আগো কন্যাগ করিয়া
আনেছেগা উনি । তা এগো লাজপা লাজপা কথা এতা হনের ।
খাটল এগো কুংগৈ নিক্কা হরিয়া, লেপিয়া থইতারা মাতে নুয়া-
রের । আংকরতেও রাজার লাইক উতায় আকগৈও মাতে নুয়ার
তারা ।

আকদিন তা দোয়াদে যানার সটান দিয়া চরেদে লুম করিয়া
থাইল । চার থাংতে উদুর জেলাউগ সরহান পটেয়া রানীগ অয়া

নিকুলিরি । সাতউহান ইঙাল ঙালয়া খাটল উগ বালকার ।
চেইতে চেইতে মুরগ বুলেয়া রাজাএগ পাহাৎ অ পড়িলগা । উহান
দেহিয়া উদুর জেলা এগ থক্ ক উদুর সরহান পিদিয়া থাইলি ।
কমুংগর লাইক কিতা আহিয়া পানি ডাললা থইতৌ কিতা জাতেয়া
চৈমামী চৈয়ছিল উতা চুমকরে দিলা ।

পিছেকার দিনে বারো তা লুম করিয়া চার । উদুর জেলাগয়
সরহান থইল উপেইত হাতেক্ ক সর উহান তা জিগত উড়া দিয়া
পরক্ ক রানী উগরে থাম করে ধরে বেললগা ।

আ হা হা । কিহান করলে তা রাজা । মি মুনি ঋষি
আগৈ সিরাপ দিয়া উদুরগ অয়া আছুতা । আরাক দ্বিদিন বাছে-
ইলেইসতে আঙ্গানেও মি মোর আসল রূপহান পেইলু অইস ।
যাগা যাগা মোরে না সকে । কাহ্না আহানলো মোরে বেয়েয়া
দ্বি দিন কার কা থোয়াদে পিছেদে আহিস । দ্বি দিন থায়া
উদুর জেলা উগ রানীগ অয়া নিকুললি । নুঙেই অয়া থাইলা ।
বুড়া বুড়ী উতারে রাজা উগৈ য়করানি অকরল ।



উপকারীরে বাঘে খায়

কিতাপারা নিগুর টেঙারা আগত ডাঙর বাঘ আগো রাজা পালয়া সময় আহানত আসিল । তার রাজত্বর বিতরে জাত জাতর বনালা জীবজন্তু হাক্তাক্, আহানাত বেমলবেঠা অ'য়া থা'সিলা । রাজাগিরকে নিক্কা নিক্কা আকেইগো আকেইগো পেটে বরেইতে বরেইতে ওতাপারা জীবকুল উহানরে চানাপা হুদালা করে বেজো । তার ডরে লেমেদে যেগি জিঙ্তা অইলা উগিয়উ ঠইমামি চয়'য়া ডিগালি পাথারি দাব্দিয়া তার মিল্লেঙেত্ থেয়'য়া থানা অকরলা । এগদে রাজা গিরক এগো মহা লয়লাট আহানাত পরিল । আকালহান বুলিল উহান তারাঙ আয়া উজ্জি-লগা । খেইব পিবতা নাপেয়া সানিক কায়া ফেরফেরি বুলানি অকরলো । মানুতে তার মিল্লেঙে দরা নাপুরিক বুলিয়া লেপ'য়া থাইলা হান্তে তানুর লগ পানা চিল'ইল । এসাদে না'হেয়া না' পিয়া থাইতে থাইতে কাহ্নি পালপা গিরক এগো জবর নুঙেইনায়া দেশবেলেয়া যানাত লেপইল ।

টেঙারার পথগোলো যিতেগা যিতেগা গিরক এগো রাতিহান অইল । ঠু' করিয়া জিরার উপেইত্হো আর উঠানি নামনানি অকরলো । ভক্হান টিকগত কায়া গিরকর বুদ্ধি লৌশিঙ মাঙনি অ'করলো । এসাদে দেইমেই সেইমেই অ'য়া হেইবেইনাইবেই দিয়া আটতে আটতে রাজাগিরক এগো শিকারীর ফঙ আহানাত

গিয়া হমেয়া চানাপা আটকে পরিলগা । আসল্লা পাক্কাল উহানলো কত হত্তা করিয়াউ তার মুগ্ধা মুগ্ধিয়ে বর নাদরল । পরিনামহান খালকরিয়া তা এগ ইয়াম ঠুনিংশা বেলতে বেলতে সময় আহানাত টপকো কেলয়া পরিল । মেলানি নামনেইতারা আহি দিয়গিরে বল্লে-সল্লে মেলওয়েয়া কাদাবারাদে কোনো গিরক আগো দৌ ডাটয়া ফারি দিতই তা'না কিতা বুলিয়া পিলিক পিলিক চেয়া বাসেয়া থাইল । গিরকর রাতি আহান কাটানি এহানাত তার আসল্লা পাক্কাল এহান আরাকথানি আহান হেলবারি দিল । মরাগো পারায়া টপকো পরিয়া থাইল সময় উহানাত টেঙারা উলী গিরক আগো ইসাল্লার এলা অরা অরা বিবুলা অয়া খিতেগা খিতেগা খাঙ্তাক্ করে গিরকর মুঙে গিয়া উনা অয়া বুকগোত সেপ্ দিল ।

টেইপাঙ মানু আগো কাদাহানাত দেহিয়াও বাঘ এগো চানাপা হা হতাশ আহান নাইল এহান দেহিয়া টেঙারাউলী গিরক এগো দৌ ডাটয়া আরাকথানি চেপয়া চার'গা হান্তে রাজা-গিরকর এ' লাঙ্ লা এহান দেখলো । আত জোর করিয়া টেইপাঙ মানু এগরে মাতের 'গিরকে মোরে কুপা করিয়া এরে দশাফাম এহানাত্ত নিকাল দে । নাহেয়া নাপিয়া মরানি বিত্তা অইলু । গিরকর উপকারর মি ঠিক ঠিক প্রতিফল দিতউ ।' এ গিরকউ বাঘ উগোর কঙালা হে'ক উগো হুনিয়া জারে নারিয়া ফঙ উহানাত্ত নিকাল দিয়া দিল । 'সাপর লেখা, বাঘর দেখা' কথা উহান্ নায় অরতে । পরেসে গারি উগো জাকারন আহান দিয়া

কেজেয়া খানি মানি আহান ফি ফি য়েইল । ‘হে টেইশাঙ মানুগো
আজি ভোরেনো পারানা করতউগো’ বুলিয়া থেপ্‌করিয়া থাইল ।
এগই থেইতউ থেইতউ বুলিয়া মুঙহানাত লে লে করেব এহান
দেহিয়া টেইশাঙ মানু এগো য়িয়াম মাক’ পরিলগা । ‘জন্তু -



এগোরাঙতো আর নিস্তার নেই’ বুলিয়া মহা চিন্তাত পরিল । ‘যেতা
বাট আছে আহান, তে মাতিয়া চেইঙ ইয়াকরনেতে হবা অইবো’
বুলিয়া বাঘ উগরাঙ বিচার আহান কাত্‌করানির ইয়াথাঙ
চেইলো । বাসাকাসা নারিয়া সেপগিলিয়া আসে গিরক এগো
মেত্তম্‌কারকা বুলিয়া ইয়াকরল । বিচার উলী বিসারেয়া টেঙা-
রাগদে সালগেলাগা । যিতেগা যিতেগা ডাঙর গাছ আক্‌সপা

পেয়া তানুর বিচার উহান কাত্‌করিয়া লয়ইতেগা টেইপাঙ মানু
 গিরক উগোয় গাছ জার উহানরাঙ আঙ্‌ করলো হে সেত্‌য়ুগর
 বুড়াগো, 'উপকারীরে বাঘে খায় — এসাদে পাপর ইয়ারি তি আর
 তাউ হনেসত তা' বুলিয়া । গাছ উজারে উবাকা তার নিজর ইয়ারি
 আহান হনওয়েইয়া মাতের, 'হন টেইপাঙ মানুগো, তোমার
 ডেকি টেঙারা উলী এতা মোর সেয়া গত মারাম আহান অয়া
 উঠিয়া জিতেগা—আ ! কিরউ নুঙেইহানে—! বুলিয়া মোরে
 বাপ্‌বাপ্‌ দা'লো সেদেয়া যিতারাগা । তা থকয়া তোমার লগেতে
 ইমে উপকারীরে বাঘে খায় এহান নায় ।' এ বাক্য এহান
 হনিয়া বাঘ এগো জবর হারৌ অইল । 'অইলগা খাবেলেইঙ
 বেনায়' বুলিয়া ফালদানি অকরল । কোনো রকম তেমজেয়া
 আলি আগরাঙ বিচার কাত্‌করতেগাও ইমে হৌসাদে দেহাইল ।
 নাইলতাকো—বুলিয়া আল্‌বারি দিতে হিয়াল গিরক আগো পথগো
 ফেইতুপ দিয়া খাঙ্‌লাগিয়া উবাঅয়া থাইল । বুদ্ধি লৌশিঙর
 মাপুগো , গিরকে বাঘে মানুয়ে একাকার অয়া আটতারা এহানাত
 থিগত আহান পেইল । টেইপাঙ মানু এগোউ 'মরানির আগে
 ইয়ারি এহান কাত্‌করিয়াতে মরিঙ' বুলিয়া হিয়াল পণ্ডিতরাঙ
 তানুর এ লয়লাট এহান আগাঙরি টাঙ্‌করে হনওয়েইলো ।
 হিয়াল গিরক এগো 'অইলগা হারপেইলু' বাট এহানাত মুকসি
 আহান দিয়া তানুরে মাতের মি সরজমিনে আরাক খুরুম তোমার
 দ্বিয়গির ফণ্ডনা ফণ্ডনি উহান দেহানির পিসে মাতিল্‌তা মাততৌ
 বুলিয়া খুমকরল । তিনগি হাঙ্‌কাকার ফাম উহানাত যানারকা

সালইলা । ফণ্ডইতে না ফণ্ডইতে বাঘ উগো আঙ, ডাঙ, নেই
 আক্ফালে ফণ্ড উহানাত হমেয়া হিয়াল গিরকরে দেহওয়েইল ।
 হিয়াল গিরকে 'অইলগা হারপেইলু, নুকুলিয়া আয় বিচারহান
 হুনিয়া' বুলিয়া বাঘ উগরে মুকসি হানলো ডাকলো । বাঘ এগ
 কত হত্না করিয়াও আর ফণ্ডহানাত সুটিয়া আহে নারলো । উহানাত
 হিয়াল গিরকে 'বিচার হান এহানাত লয়করলু' বুলিয়া টেইপাঙ
 মানু উগরেলো বেলেয়া গেলগা ।

পথগোত গিয়া টেইপাঙ মানু উগয় হিয়াল পণ্ডিতর চোহাৎ
 লৌশিঙ এহানরে সিয়াম থাকাৎ জানেইল । হিয়াল গিরকে
 মাতের 'হিয়ালর জাত জাতর মাঝে হাবিত্ত মোরেই আপাঙপাগো
 বুলিয়া লাম দেশেতু খেদলা । এবাকা মি নিরুপায় । গিরকে
 কুপা করলেতে মোরে বেক্শিগোর আগাগত নিত্তি দিন কুরা থানিয়ে
 খুতে তিলকরিয়া থ'দিস । নিদান এহান চলে ঘিঙগাতা ।'

তার এ হুকাঙ আবদারসৌ এহান টেঙরাউলী গিরকে
 কোনো দিন না পাহুরেসে ।



বিজয় বারো মণি

কিতা পারা গাঙ আহানাত, বুজন দুগ আছিল। আগর নাঙ বিজয় বার আগরনাঙ মনি। বিজয় উগো ইজ্যু মানুগো বার মনি উগো আকলহান, থিগো। বিজয় বাঙেদে বার মনি বাতেদে দ্বিয়গির ঘরর বুকগত, তানুর হিঙর আলিগো। থিনা অগ্না আগর লগে আগো গুজুরা গুজুরি নেই, ঘর ভিটাদে হমাহমি নেই। হানতে মনি বুজন উগরতা ডেহা আলআহান, আছিল, বার বিজয়রতা আল নেই সেলকমর গেই আগো আছিল।

আকুদিন পারাদিন বিজয়র বাছুর উগো ছুটিয়া গিয়া মনির গুরু কলগত হমেইতেগা বাছুর উগো থেপকরিয়া থ-বেল্ল, এরে নাদের তার ডেহাগই জরম দেসে বাছুর গো বুলিয়া। বিজয়র গেইগো রহিরী। মনির ঘরে থায়া বাছুরগউ রহের। তানুর গাঙর বুজন গো 'রাধাকান্ত'। বিজয়ে চেইলো তারেলো বুঝানিরকা বাছুর গো মনিয়ে এরেদেনারকা। কিন্তু হিলগোত, পানি চালা-নিহান, পারা অসে। এরে নাদের তার ডেহাগই জরম দেসে গো অর্থাৎ য্যারী হান্ আকুহান্।

গাঙর বিচার বহিয়া চেইলা মনিরে বুঝানি বুঝারলা যে, ডেহাষ সউ জরম নাভ্, তারা এহান। কাদার ঘরগত, বাছুরগো রহের বার ঘরে গেইগো রহিরি। এহানলো থাঙকরে নারিয়া

বিজয় ছাতিগোঁই লাঠীগঁই ধরিয়া বিচারর মানু বিছারাত পিঠি
হানাদে সাল গেলগা ।

গাঙহান্, লালয়া লপুক আগো লালয়া বন আহানাত্,
হমেইলগা । বন উহান্, লালয়া পিঠিয়েদে হালামর গাঙ আহান্ ।
উহানাত্, জানা মনেয়া সালসেগো । খাঙতা কো পথগোত্, দেহে-
রতা পুরানা খবরি কাগজ চিলা আহান—বুড়া হিয়াল আগঁই
বাগা চশমা আহান পিদিয়া মুণ্ডেদে ইলয়া চানা লাগেছে । খাঙতা
কো বিজয়ে দেহিয়া খালকরলো, এ হিয়াল বুজন এগো পণ্ডিত
গো পারা অসে, মোর আহঁউরী য্যারী এহান্, এগরাং দিলে কানা
অইতেই পারে । উহান্, খালকরিয়া হিয়াল বুজন উগরে হমা
আহান কাত্, করিয়া য্যারীহান্, দিলো । হিয়ালবুজন উগোঁই বিজয়
রে মাত্,লো আরতা না খালকরি, আহের কালি গাঙর বিচারর
মানু পুলকরিস মি মাদান ৪ (চার) বাজিত আহিতউ । উতা
বুলিয়া বিজয়রে আলকরে দিলো । এগোদে বিজয় ঘরে আলয়া
আহিয়া গাঙর বুজনরে বার্তন দিলো । আহের কালি হাবিবহান্,
তিলয়া বিচারে বহানি বারো হিয়াল পণ্ডিত আগো বিচারে
আহিতই উহানো মাত্,লো । বিজয়র য্যারীহান হনিয়া বাদর
দিনে মাদান্, ৪ (চার) বাজিত মানু তিলয়া বাসেয়া থাইলা ।
ঘণ্টা আহান পিছে হিয়াল পণ্ডিত উগো তলহান্, নেই নারিকলর
আরি আগলো হজক পিয়া পিয়া আয়া ফউইলগা । কিস্বাকা ডিল-
ইল্, উহান্, আঙকরতে মাতেরহান এহান—পথগোত্, গুরু মইষ




আটুয়াছি, পথ আগো পানি হান, হরকাং ছড়াসউ আহান পারা
 অসে, উহান লানইতে হজকারির টিকিগো পানিহানাত, পরিয়া
 পানিহান, জি লাগে পরিলগা। পানি উহানত, আছিল ইচা,
 বইচা, কেববগুর সউ উতা মরলা আরো জাতে হিয়ালগো নাই
 উতা খেইতে খানি ডিলো পরলুগাতা, ঘ্যারউ না করিয়।

পুলছিল মানু উতাই পানিতে কিসাদে জি লাগতইতা?
 মাগানা ঘ্যারী হনাত আমি নাহেছি, জানায় বালা বুলিয়া মাতানি
 অকরলা।

হিয়াল পণ্ডিত বুজন উগই হাবিরে তেম্জেয়া মাতেরতা
 মোর ঘ্যারী আক্চুটি হনিয়া থিয়গা বুল্ল। হায়দে উতা অইলে

মাত্, বুল্লা আর মাতেরহান্, এহান্, তোমার গাঙর মনির
ডেহাগই যদি সউ জরমদে পারের উতা অইলে পানিহানাত্, জিগো
লাগানি উহান্,তে বারো কিহান্, থাং ? উতা বুলতেই হাবিহানে
চুমছে আপা বপাত্ত নাং নাসি ডেহায় সউ জরম দিতে । বাছুর
এগো বিজয়র বাছুরগো বুলিয়া বিচার হান এপেইত্,
লমকরলা ।





চিন্তনিৰ জিলক

জেলা আগ বাজারে খেইরিগাতা । পথে জেলা দউ আগ
জরম দিয়া বেললো । জেলা সৌ উগো কুলাহানাত থইলো,
চৌলর হাপেইগর গজে । চিন্তনি আগৈ সগ দিয়া নিয়া বেললগা ।
নিগুর বন আহানাত থথা য়করিয়া ডাঙর করলো ।

জেলা সৌ উগর সাতহান নিয়াগ হবা । থাইতে থাইতে
পুৰি জেলাগ অইলি । চিন্তনি মালক উগৈ তেনা কিতা বিছা-
রেয়া আনিৰি উতা গারিগদে লাম করিয়া থইরি ।

আকদিন রাজা আগ সাতালে গেছেগাতা । দিনহান বুলতে
বুলতে কম আগো পেইলো (কম এগ পারৌ নীলুয়া গ) কুই
কুই রহিতারা জাতহান ।

ভাতর বকে পানির টাটিয়ে রাজা এগ সিবাই আগরে দিয়া
পেঠেইলো । কম এগ পুরিয়া আংগা বুলিয়া ।

সিবাই এগ বন উহানাত বুলতে বুলতে দেহের আকপেইত
ধুমা নিকুলের । গিয়া চারগা থাংতে হরকাং ছনর ঘর সৌ আগ ।
হমেয়া দেহেরতাতে অপূর্ব সাতহবা পুরিজেলা আগ । ফুংকা
হানাত কম উগ বরা দিয়া পুরিজেলা এগরে মুরগন্ত জাংহান
পেয়া চার । বারো জাংহানাত মুরগ পেয়া চার । বিভূলাগো
অয়া থাইতে হৌগদে কমগো ডহে পড়েছেগা । উঙহানে ডরহানে
রাজাগিরিয়াং গেলগা । রাজাগিরিয়ে ‘কমগতে কই’ বুলিয়া
আংকরলো উপেই পুরি জেলাগর যারী এহান দিয়া মাতের
মানুগ চেইতে কমগো ডহে পড়েছেগা । রাজা উগ তেইরে
বিছারেয়া গেলগা । তেইর সাত উহান চেয়া আত্তিগত কাকরিয়া
কল্পুংগত নিলগা লুহোং করানির কা ।

জেলা সৌ এগৈ চিনুনি মালকে পথগ চিনিয়া আহিবতা
বুলিয়া ডেনা উতা আকেইহান গারিগন্ত কারে কারে পথগদে
বেলা গেলিগা ।

চিনুনি মালক তেনা চেয়া চেয়া ফরদিয়া আহিলি । জিল-
কর তুলো লুঙেই অয়া থাইলি ।

“মউঅর খেতি বারো হিয়াল”

দেশ আহানাত্, বুজন আগো আছিলতা। উগই মউঅর খেতি আহান্, করেছিল। হববা কো বের দিয়া মউঅর খেতিউহান্, তেমজেয়া থসে। আকদিন্, বিয়াস্ত উঠিয়া মউহান্, চেইংগা বুলিয়া মউহানার ভিতরে হমেইলগা। খাঙতা কো দেহেরতা কিতাই মউহান চাবিয়া খেয়া লমকঝেছি। এমন হবাকো বেরহান দেসে উহানাত হিয়ালতে থাক, নেউরগো পেয়াউ হমানির উপায় নেই।



মনর দুঃখে বুজন এগো বেড় উহানর চাইর বারা আটিয়া
 চেইতে বেড়হানর তলেদে লিত্‌ফো গাত আগো দেখলো । সেক্স্যা
 হান অইতে না অইতে হবাকো দা হান, ধারেইয়া গাত, উগর
 কাদাত গদুয়া ছপা আগত লুকেয়া থাইল । নিক্কাকার দেকি হিয়াল
 উগ আয়া মউহানাত হমেইলগা । খেয়া পেট, বুঝিয়া নুবুলতে
 মউহানর মাগু এগই আক্‌সেতে দ্বিতুপ করিঙ বুলিয়া পেদেইতে
 লেজগত পরিয়া লেজগো গুরিগত তুগইল । হিয়াল উগো
 চিকারী দিতে দিতে বন হানাত, হমেইল গা । লেজগর জ্বালা
 পুড়ায় ফালদে ফালদে দাপদের উহান দেইয়া বন উহানর
 হিয়াল উতাই পুনয়া আঙকরতারা কিয়াকা অমাটিক ফালদরতা
 কিতা অসেথাং ? গুজুরিয়া লাভ নেই মুঙেই অয়া ফাল দেউরীতা ।
 লেজ আগ থা পরিয়া কতি হিনহান উঃ কতিউ গারি এগো পাতল
 অইলতা । বাদ বাকী হিয়াল উতাই মাত্‌তারা আমারেউ বাগাদে
 বেনায় তি আক্‌খোলাগই মুঙেই অয়া আয়ি হিনপানি উহান,
 থক্‌তা ?

লেজগো তুপছে উগয় মাতের কালি বিয়ানে উরে পিঠি-
 য়েদে আছে বন উহানর হাদিগত আছে পথ উগত লুকেয়া থায়গা ।
 নাপেত বুজন আগ উগদে নিক্কা আটেরগো । উগরে খেপকরিয়া
 মাতিয় লেজ তুপকরে দেনার কা ।

কথা ইলয়া বন হানর হাদির পথ উগত বন উহানর হিয়াল
 দাপা এহান পলিয়া থাইলাগা । নাপেত বুজন উগো মুঙেদেহ
 আহের খউ আগ লাম করিয়া । বন হানর বুকগত আহিল,

মাথা উগত্, হাবিয়ে খেপকরলা । বুড়া উগয় আঙকরের কিয়াকা
তারে খেপকরলাতা বুলিয়া । হিয়াল এতাই মাত্, তারা আজি তি
আমারে লেজ তুপকরে দেনা লাগতই । নাপেত বুজন এগো
ডরপেইয়া মাতের না বাবা গাছি মি ডরপাউরী, তুমি মরে কামার
তরাই ।

বুড়া উগর কথাহান হনিয়া ওয়াসাক্, করলা হিয়াল এতাই
কিত্তাউ নাকরতাই বুলিয়া ।

নাপেত্, বুজন উগই খুরহান্, ধরতেই আগরে আগয় ঠেলা-
ঠেলি করতারা মরে আগে মরে আগে বুলিয়া । উপেইত্, নাপেত
উগয় আগ আগ করে দ্রাণা উহান্, হাবির লেজ তুপ করে দিলো ।
জ্বালা পুড়া এহান্, দহ্য করে নারিয়া পয়লাকার লেজ তুপা
হিয়াল উগরে বিছারেয়া গেলগা । বিছারেয়া পেয়া উগরে মারা-
নির কা মাত্, লা আরো উগই মাত্, লো বাছেই মারানিহান্,
অইলেউ পিছেদে মারিয় । কিগলো তোমার লেজ তুপকরলাই মাত
চেইক্ ?

খুরহানর গ্যারী হনিয়া পইলাকার হিয়াল এগই মাতের তা
দা ছাড়া লেজ তুপকরলে উসাদে জ্বালা পুড়া করেরতা, — উতা
বুলিয়া উগো লিতয়া গেলগা ।

চিন্‌চিরিক্‌পীর হিন্দী

কোন দেশ আহানাত রাজা আগ আছিল। রাজা উগ-
রতা নিঙল আগ আছিলি। নিঙল উগর নাঙহানতে চিন্‌চিরি-
ক্‌পী। রাজার নিঙল এগ সাতহানতে ইমে দুর্গাগ পারা। গারি-
গর রঙ উহান অরতে পূনিমার জোনাকহান নায়। আহি উগি
অরিঙর আহিগীর সাদে মায়াজালহানল হংকরেছিগী পারা।
চিন্‌চিরিকপীর গারীগত্ত পারিজাত ফুলর গত আগ হাবিসময়
নিকুলিয়া খার বুন্নেউ যাকরের। গারি উগর বাটহানতে পানতাম্মা
দেনার পথ নেই-। অরতে রাজার জিলক নায়।

চিন্‌চিরিকপীর বয়স উনিশ ফাইল উপেয় তেইর রূপ
উহান চারিগদে গুলয়া পরানি অকরল। অরতে সময়হান বুলিল
উহান অসে। রাজা এগয় জিলকর রূপ এহান চেয়া কালাক
পেলর। জিলকরে স্বাম দিন ঘরে থ'না নাকরল এহান হার-
পেইল। রাজায় দেশে দেশে ঢোল দিল জিলকর উপযুক্ত পাত্র
আগ বিসারেয়া।

কনক পুরর রাজার পুতকর লগে জিলকর লুহোঙহান ঠিক
অইল। লুহোঙহান ঠিক অইল আরো চিন্‌চিরিকপী এগ হারো
হানে থাইব পথ নাপেইরী। আকথুরুম গিয়া ববাকরে কলক-
রিয়া ধরিরিগা। আকেই থুরুম তেইর হমাজকর লগে হারোর
ফাগি দিরি। লুহোঙহান অইতে আরাকৌ পনর দিন আসে।

চিন্‌চিরিকপী এগ এতাপারা দিন একুচ কিসাদে বাসানি বুলিয়া
হমাজকরাঙ আঙকরিরী। দিন আহান লালর এহান বছর
আহান লালনির মাটিক। অইতে অইতে লুহোঙর দিনর রাতি-
হান ফোয়েইল।



বিয়াস্ত নাগাচি কিতা অয়া লুহোঙর ঢাক বাজানি অকরলা।
চিন্‌চিরিকপী এগ হারৌ অয়া হিনানিরকা ঘাটহানাত গেলিগা।
ঘাটহানাত গিয়া তেই হিনেইরী এগ হিনেইরী। এরে লয়ল বুলতৌ
লয় নাইরী। গারি উগ তাকরে তাকরে এলা সৌ আহান দিয়া
হিনেইরী। এগদে বার ঘাটহানাত কাকারা আগ চিন্‌চিরিকপীর
হিনানির ডিল এহান দেহিয়া জবর খাঙকরে নারল। যৌ অয়া

সওইল । সওনিয়ে আকয়া কাকারা এগই কিহান করবহান
 দিস নাথার । অইতে অইতে কাকারা এগই চিনচিরিকপীর জাং-
 হানাত কামড় আহান দিলগা । কামড়হান এমন জবরদস অসে
 চিনচিরিকপী এগ দুহানিহানে কাদানি অকরল । কাদতে
 কাদতে হাদিতৌ জবর সৌ অয়লি । কিহান করত দিসা নাপেয়া
 নেয়ইতেগা হেইনিং আকজারে কাইলিগা । কায়া হেইনিং খেয়-
 তেতে আতকা ক ডেঙ আগ বাগিয়া গাছজারর তলর বের আহানর
 গজে শরলি । বের উহান বাগিল ।

উতাপারা সময় উহানাত রাজা গিরক পথ উগদে দিয়া যার-
 গাতা । বেরহান পরেছে উহান দেহিয়া রাজা গিরকে আঙকরের
 বেড়হান তিতে কিয়া পরেছততা ?

বেরহানে মাতল — হেইনিং পরিয়া ।

— হেইনিং, তিতে কিয়া পরলেতা ?

— হায়, চিনচিরিকপী চড়িয়া ।

— চিনচিরিকপী, তিতে কিয়া চড়লেগাতা ?

— হায় কাকারাগয় কামাডেয়া ।

— কাকারাগ, তিতে কিয়া কামাডলেগা ?

— বরন নাদের বুলিয়া ।

— বরন, তিতে কিয়া নাদরতা ?


— রাজাগিরী, কেরবঙগয় না রহের বুলিয়া ।

— কেরবঙগ, তিতে কিয়া না রহরতা ?

উহানাত কেববঙ উগয় কিন্তা আহান গুজুরে নারল ।
কোন কথা টটরা নারল । লময়তেগা রাজায় হারপেইল হাবি
দোষ ইমে কেববঙ এগরতা । রাজায় উহানাত আত্তি আগ
আনিয়া কেববঙ উগরে থারা দিয়া পেকাটা করিয়া মারল ।

চিন্,চিরিক্,পীয়ে কেববঙ উগ মারানিয়ে মনহান জবর
হিনপেইল । বিনা দোষে কেববঙ এগ মারলা বুলিয়া । তেইর
দুঃখ উহান রাজায় হারপেয়া গিছেদে কাকাড়া উগরে বাড়েয়া
মারে বেঙ্গ । উহানাত চিন্,চিরিক্,পী ঘাটহানত্ত নাগিয়া হিনেয়া
ঘরে আহিলি ।

গোধুলীর লগ্নগত লুহোঙহান অইল । রাজায় দেশর প্রজা
হাবিরে বার্তন করিয়া বান্দারা খোয়েইল । বান্দারা থেয়া প্রজা
হাবিয়ে দামান কন্যারে বর দিয়া গেলাগা ।



টেকৈৰ ধন পানী

আকদিন টেকৈ আগৈ পথগত নিকল আগৈ হতা ডলা
আগৈ পেয়া তার বামহানাং গিয়া থৈলগা। টেকৈ উগ হারৌ
উহানে থাইল পথ নাপার।

দেশ উহানৰ ৰাজাউগ মাংকলে বয়া হজক পিয়ের। টেকৈ
এগ ৰাজাৰ মুং উহানাং গিয়া “ধনুৰ বৰাই মৈলামৰে” বুলিয়া
বেজান ফালদেৰ। ৰাজা এগ জবৰ নুঙেই নাইল। মাতের—
“মি এতা পাৰা ৰাজা এগৈয়তে এসাদে কথা না মাতৌরি।
টেকৈ এগ কতি উপিত নাকরিয়া মোৰ মুঙে ফালদেৰতা।”

এগৰ জম উহানাং গিয়া চেইগাতা, কিতা থছেতা? স্নাথাং
হান পানাই লগে লগে দুগ আহান গেলাগা। গিয়া চেইতাৰাগা
হানতে হতা ডলা উগৈ নিকল আগৈ জম হানাং দেখলা। শিবেই
দ্বিয়গিয়ে উতা আসুলদিয়া জম উহান বাগে দিয়া আহিলা।
ৰাজায় ঙ্ট টেকৈৰ ধন উতা থৈলগা।

টেকৈ এগ নিয়াম সৌ অয়া ৰাজা মাংকলে বয়া আছে
মুং উহানাং অয়া “ৰাজা বড় কাঙাল, টেকৈৰ ধন নিল-জাংদাল”
বুলিয়া জাং আহান তুলিয়া দেহাৰ। টেকৈ এগৈ বাৰে বাৰে
এসাদে কৰেৰ। ৰাজা গিৰি নিয়াম সৌ অয়া মাতের—“টেকৈ
এগৰে ধৰতা।” মাতানিতে ফ্যাংনেই জাললো বেড়ি দিয়া টেকৈ

থাইল । টেকৈ উগতে বারো আয়া রাজার মুংহানাং — রাজা বড় কাঙাল, টেকৈর ধন নিল জাংদাল বুলিয়া ফালদানি অকৈল ।

রাজায় ছৌ অয়া টেকৈগ বারো ধরোয়েয়া নিজে জিংতা কুংক গিল্লো । রাজার পেটগং টেকৈগ এগদেত্ত এগদে ধাপা-দেব । রাজায় খালকরের টেকৈগ না মরিল । কালি মাইঙে-তেগা নিকুলিয়া জিতৈগা বুলিয়া চিন্তাং পড়িলা । বিয়াস্ত রাজা মাইঙেতেগা রানীরে পিঠিয়েদে দাহান ধরোয়েয়া থৈল । হুনদিতে থাংতা টেকৈগ ফুট্ ক ফরদিয়া গেলগা । রানী সেদেইং বুলতে রাজার লারিগ সেদেইলো । তেনালো কিতালো রাজার লারিগ বাঁধলা ।

টেকৈ এগ বারো আয়া মাতের “রাজার লারি কাটিছে, তেনা দিয়া ডিফাইছে । রাজা বড় কাঙাল টেকৈর ধন নিল জাংদাল” বুলিয়া ফালদানি অকৈল ।

রাজা টেকৈরাং লাল স্বীকার করিয়া হতা ডলা উগৈ নিকল উগৈ দিয়া দিল । টেকৈগ গেলগা ।



আপাঙর হেইট হেইট

দেশ আহানাত চাউবা বুলিয়া আপাঙ আগ আছিলতা ।
এগর আপাঙ এহানর সাদে আর কোন আপাঙ গাঙ দেশে নেই ।
আপাঙর মা তাই হাবিবরে জিঙেছেগ । মালকে উহানল চাউবার
কা নিয়াম খালকরির—এগ কিসাদে জনম এহান কাটেইতইগ
বুলিয়া ।

আকদিনতে চাউবারকা মালকে নিঙলচানাত নিকুল্‌লিতা ।
হবা বহক আগ ঘরে বরানি মনেইরী । সাদেদে যেমন হবা
অনি উসাদে গুনহানও হবা অনি । লেয়ইতেগা হববা নিঙল
আগ চেয়া চাউবারকা লুহোঙ করিয়া আনে দিলগা । ময়লকগ
পেয়া চাউবা আরাকৌ আপাঙহান জবর অইল বুলিয়া মালকে
খালকরিরি ?

আকদিন মালকে ডাহিয়া মাতিরি—অ চাউবা হুন, মান্নয়েউ
মাছ ধরতারা তিউ মাছগুলি ধরগানে ?

—খাউরিগা ইমা, বুলিয়া চাউবায় পারন আগল যিতেগা
যিতেগা ডাঙর গাছ আকজারে কায়া পারনগ পাতানির ফাম
আহান পেইলগা । ডেঙ দুগর হাদিত পারনগ হবা ক ডুফা
দিয়া পাত্‌ল । মনে মনে নিঙকরের আজিকার মর পারন এগ
পাত্‌লু ফাম এহানতে কোনগয় নাউ পেইতাই—পিছেদে আয়া
পারনগ তুলতৌ বুলিয়া ঘরে গেলগা ।

ঠিক বেলীটিক্‌গ অইল, চিকচিকি রইতহান পড়েছে।
 ছিল আগ সৌকরানিহানে খানি চিকইঙগা বুলিয়া ফাম আহান
 বিছারারতা। বিছারতে বিছারতে ছিল এগয় আপাঙপা চাউবায়
 গাছজারে পাতিয়া গেছেগা পারন এগ দেখল। দেহানিয়ে এ
 ফাম এহানই হাবিবৎত চিক ফামহান' বুলিয়া ছিল এগ পারন-
 গত হুমেইলগা। হমানিয়ে পারনগত আটকে পরিল। আর
 নিকুলে নারের। 'উপায় নেয়ইলতাক' বুলিয়া প্রভুরে নিঙ-
 করানি লাগিল।

কতহান থায়া চাউবা এগ ঘরে থায়া পারনগ পাতেছেগা
 এহান নিঙশিঙ অইল। পারনগ তুলাত সালইল। চাউবা গাছ-
 জারে কায়া পারনগত হুমাছে চিলউগ গিয়া ধরলগা। ধরিয়া
 মাতের—মুর এগ ইমারকা, বুকগর তুগ এহান মরকা বারো
 লেজগর বারা উহান মর ময়লকর কা। এগ ঘরে নিলেগা
 আজি হাবিয়ে মরে কতি থাকাত দিতায়। আরতাতে মরে আপা-
 ঙগ বুলে নারতায়। এহান মাতে মাতে ছিল উগরে হবাক চার
 উপেইত ছিল উগয় মাতের—মরে এরাদে গিরক, এরাদিলে তরে
 বর আহান দিতৌ।

আপাঙ চাউবায় মাতের—না, না তি মরে আপাঙগ পাছত-
 হান? না এরা দিতৌ। এরা দিলে বর টর-নাউ দিয়া
 যিতেইগা?

—না, না গিরক সেইত্য করলু। তিন সেইত্য এরাদিলে
 বরহান দিয়াই যিতৌগা।

— মাত উতাইলে তিন সেইত্য ! বিদ্যা ! চিল উগয় মাতল —
এরে তিন সেইত্য ! বিদ্যা ! যে বরহান মাগতেই মি দিতৌ ।

আপাঙ চাউবায় উহানাত মাতল — উতাইলে বরহান দে মর
লারি এগ য়েবাকাউ ‘হেইট হেইট’ করক ।



বরহান পেয়া চাউবায় চিলগ এরা দিল । চাউবার লারিগ
‘হেইট হেইট’ করানি অকরল । চাউবায় হারৌ অয়া থেরগাছিল
ডুফা দিয়া ‘হেইট হেইট’ করানিহান খাম করল । চাউবায়
খালকরের এখুরুম বারনগর ধান কিসাদে হুয়রে খেইতাই চা
বেলতউ । রাতিকার ঘুম নেই কতি বারনগ পাহারা দিয়া থাইত-

উতা । এবাকাতে ঘুমজানিউ পারতো বার বারনগউ পাহারা
 দিয়া পারতো । ‘হেইট হেইট’ রৌহান হুনিয়া হুয়র এতা দাব-
 দিয়া লুকেইতাইগা । এতদিনে শিংয়া কাম আহান করলু বুলিয়া
 চাউবায় তার লৌশিং শালপা বরহান মাগানি উহানরে তারিফ
 করেব । উতার পিছেদে চাউবায় বরহান ইলয়া ঘুমজানিউ
 ঘুমজার বার বারনগৌ রাহের—চাউবার হারৌ আরতা কোঙগয়
 দেখতারাগ । দিনে ডুফাগ দিয়া খর রাতি ঘুমজানির উপেই
 এরাদের ।

কিতা পারা আকদিনতে চাউবা হৌরিয়লর ঘরে গেছেগাতা,
 বিয়ানে হৌরিয়কে মাতিরি—‘সেলকম ফুটি চিপগাতা,’ । গেই গ
 উঠান হানর আগাগত বাধেছি চাউবা এগ সেলকম চিপাত
 গেলগা । মাতামবালা সেলকম চিপের উপেইত ফুতির হাদিত ডুফা-
 গর খের আগাছ কিসাদে নিকুলেছে তার থিয়াল নেই । বাছুরগই
 খের উগাছ খানারকা আসুলদিয়া বেজ্ঞ । ডুফাগ ফুকিল, লগে
 লগে ‘হেইট হেইট’ করিয়া লৌ আহান নিকুলিল । লৌ উহান
 হুনিয়াগেইউগ দিল চঙহান মাতিয়া লাভ নেই । হৌচোটে চাঠি-
 য়েয়া চিপেছিল সেলকম হাবি বেলা দিল । বিপরীত অবস্থাহান ।
 চাউবা আপাঙে হাবিতা বেলেয়া খেরর ডুফাগ বিসারাত লাগিল ।
 আপাঙে ডুফাগ বিসারেয়া নাগার ।

বুড়াবুড়ির কচু রুয়ানি

দেশ আহানাতে বুড়া আগই বুড়ি আগই আছি। আক-
দিনতে মাদানে মুহি রুয়েইতে বাদর দাপা আহান আয়া আং
করতারাগাতা, — অ-বুড়াবা কিতা কররাইতা ? মুহি রুয়েইয়রতা ।
কিসাদে রুয়ারাইতা ? জুরি অসুলিয়া আত আহান দুরেই করিয়া
ডেম আগ করে লেঙ করিয়া মাটিল ঘুরে দিয়ার নাই । আমি
বুদ্ধি আহান মাতিকনে উহান অইলে থক ডাঙর অইতে । হায়দে
হবা আছে নাই । মাত কিসাদে ? হায়, আগে হবা করে উহা-
না দিয়া তেনা আকেইহানরমা মচা ছৌ করে বাঁধিয়া জুরি আছু-
লিয়া আতহানরমা মচাহান করে বহাদিয়া মাটিল গুরে দিলে
রাতি আহানর মা ডাঙর অইতে । হায়দে বাবাগাসিউ আমারতাতে
জিপুত নেই থানি পাঙকর । য্যাকরলা । পাঙকরিয়া রুয়েইলা ।
রাতি বাদর এতাই ডাঙর ডাঙর বন কচুর জার আকেইহানল
হাবিয়ে আহিলা । আয়াতে মচা উতা নিকালেয়া খেইলা । খেয়া
বন কচুর গাছ উতা রুয়েয়া গেলাগা ।

বিয়ানে উঠিয়া বুড়া উগ গিয়া চারগাথাং-হ-বাবারো ! বুড়ি
মর বাবা গাছিয়ে মাতলা উহানতে হায়হানরে আছে নায়ে । আয়
এরে চেয়া । বুড়ি উগ আহিলি । দেহিয়া হারৌ আইলা । বুড়া
উগই বাগুয়া দুহান ছিরল । ছিরিয়া অ-বুড়ি এতাল ইরলপা
আহানি মক্ষি করে করগাতা বুলিয়া মাতল । বুড়ি উগই মেনত


করিয়া হুবা করে রাধলগা । খানার মাথা উহানর মা বুড়ি উগয়
 মাতল আইতে আকছাটে বহিকনে বুড়া । বাছানি নুয়াইলু
 ইরলপা হানি দেহিয়া । হায়দে আন, বহানি নাই বুলিয়া বুড়া
 উগয় মাতল । কামড় আহান দু-হান খেয়াতে বুড়ায় মাতেরতা
 খানি দরের পারাতাতে বুড়ি । পিছে যেহানউ অয়াউ থাক খাহে



বেলেইক । বুড়ি হিদল দেনে । বাসা গিরক, মি মরাত্তহে
 পইলু । মি আগে থাঙ । আর হিদলে বর না দরের । দেড়
 সেরর চুয়া হিদল খেয়াউ নাইল । মাত আছুলানি অকরলা ।
 কি চিকারী গাঙর মান পুলইলা । হুই অনথকপা দশাহানে ।

মাণ্ডকেইগলেয়া পানি পিউয়ানি অকইলা । থানির চুয়া দম
দরিল । লাই লাই ষালা অইলা ।

এবাকাতে বুড়া এগই কাহ্নিহান মিটানিরকা বুড়ি উগরে
হিকেইলতা, বুড়ি মি উঠান হানরমা কলা পাতা আহানাত দিগল
অঙ । তি দলা ফুতি আহানল গরেয়া কাঁদানি অকর । কারেউ
না বাগেইস । বাদর উতা আহিলে তর বুড়াবার কাদাদে বয়া
কাঁদহা বুলিছ । লগে মজুত লাঠি আগল দিগল অইল । বুড়ি
এগ কাঁদানি অকইল । দিন-গর বাগিয়া অ-বুড়া বুলিয়া
কাঁদিরি । মানু থুলইলা । দূরেইত্ব হনিয়া বাদর এতা দাপহানল
আহিয়া আঙকরলা বুড়িমা কিতা অছেতা ? হায় তর বুড়াবা
মরিয়া, মি কিহান অইলুতা ? হা আমি আছিলায় । তর বুড়াবার
কাদাদে বহিয়া কাঁদগা । বাবা আজিয়ে লমইল নাই এ ।
আরাকখানি চেপয়া বহিয়া কাঁদ বাবা । অ বুড়া তর বাদর বাবা
গাছি হাবি আহিলা । বুড়াউগ হাতেক লাঠিগল উঠিয়া বায়েয়া
মারানি অকইল । আগ দুগ লিতইয়া গেলাগা ।



চিড়া দুহানি

গাঙ আহানাত ববাক নাভিনক আহান আছিল। তানুরতা কিংগো নেই। মালক নেই 'থাংতে সৌ এগ কাম কিতা না জানলো। কুলিকাটুনি কিত্তাও না জানিয়া থাইলি। ইমে বুড়ী উগর তুল গাঙহানর চিড়া দুহিয়া থাইতারা। লেইরা বরা ঠৌনেই



গাঙ উহানর য়েগৈয়ও চিড়া দুহাত দিতারা। উতা বানিয়া দুহিয়া চারাহান চলতারা।

কিতা পারা দিন আহান ধান উহানা দেনার পানি নেই ।
 খাংতে নাভিনকরে বুড়ী উগৈ ধান উহানার কা পানি আংগা
 বুলিয়া দিয়া পেঠেইলো । জেলাসৌ উগ পানি আনাত গেলিগা ।
 পানিখাত বুলিয়া ইখল হানাত কাকরিয়া সেনাপুলগো খইতে গুরু
 আগৈ বেলা বেলল । টেকাগত গাওরাপুয়া সৌ আগৈ উহান
 দেহিয়া বেজানি অকরিয়া মাতের —

ববেইরৌ ববেই

তিতে কিতা বাজুরি ?

চিড়া বাজুরি

কই চিড়াতে ?

বেটিয়ে নিলগা

কই বেটীতে ?

পানি আনাত গেলিগা

কই পানিতে ?

গুরুগৈ হিচে দিল

কই গুরুগতে ?

বাঘগৈ নিলগা

কই বাঘগোতে ?

টেঙারা সিংসাং লালৈলগা ।

জেলাসৌ উগ সৌ অয়া উগদে ইয়ে সেনাপুলগ বেলিয়া
 নিকুলিয়া গেলিগা এলাহান দিয়া —

টেইপাঙ মানুহে

কত আশা ডাঙর অছতা

টেইপাঙ মানুর মরন এহান

গাছে ধরিয়াও আছে ।

এহান দিয়া লামচৌগদে (রাজ পথ) গেলিগা । বেয়াপা
আগয় এলা এহান হুনিয়া নিকুলিয়া চেইরী “কুংগ থাং অমাটিক
দুঃখর এলা এহান্ দিৰিতা” বুলিয়া । বেয়াপা উগরতা জিয়া
জিগুত কিত্তাও নেই । নুঙেইপী গো ।

তেই ডাহিৰী জেলাসৌ এগরে “মারে ! মারে ! এগদে
আয়তা” । জেলাসৌ এগ আহিলি বেয়াপা এগর গরে । আংক-
রিৰি, মারে কিহান দুঃখ অয়া এসাদে এলা দিয়া যাউরিগাতা ?
কুরাংকারগো ভি ?

সৌ এগৈ মাতিৰি জেঠিমা কুরাং যিতৌগাতা, চিড়া দুহে
কুরি ববেই উগ মোর ববাক গো ।

থংতে কিয়া বুড়ী উগরে বেলেয়া যাউরিগা, কি কি কামতে
জানেছত ? সৌ এগৈ মাতিৰি জেঠি আর কাম না জানু । ইমে
চিড়াদু হানি ।

— বাগা দিলেতে হিকে পারতেই ?

— পারতো ।

— রাধাপুরাতে করে পারতেই ?


— হিকাদিলে পারতো ।

গর উগত থাইলি । চৌল টেকানি ধান বানানি, ফুতি বুনানি শাজি
কাটানি হাবিতা হিকলো । এখুরুম বেয়াপা এগৈ নিঙল এগোরে
আংকরিরি—তোর বুড়ীমার উপেইত যিতেইগাং ? না জেঠীমা
মি না যিতোঁগা--বুলিয়া খুম করল । নিজর ফিয়মগ বুনৈ দেনার
কা লাঙৌ আহান অকরোঁয়েইল । তেই গুরুসাগুগত ফুতি বুনিরি
উপেই গাওরাপুয়া উগ আহিল । তেইরে দেহে বেলল । দেহিয়া
মাতের — হুনা গিথানক

উসাল জারে হালহান বাধিয়া

ডমুরি জারে খোদেউরিতা ?

—অ জেঠীমা, জেঠীমা, মি আর ফুতি না বুনতো । বেয়াপার
কাম এহান । হাবি হনিয়া জেলাসৌ উগরে বুঝেইলো ।
তেইরে গাওরাপুয়া উগর তুল লুহোং দিল ।



‘হিনচাপি বনক’

গাঙ্, আহানাত গর আগ আছিল । ঔ গর ওগত মালকে বাপকে বার চারিগ ছৌ আসি । ওতার মাজে হাবির খুল্লিগ জিলক । জিলক ওগরে গরর মানু হাবিবয়ে বানা নুংসি পেইতারা । জেঠা এগয় গরে উদুর আগরে নিয়াম বানা পেইলো । ওগইও এগরে নিয়াম্পা বানা পার ।

নিষ্কা রাতি-নুঙেইত তানুর গরর উত্তর ওহানাদে মানুয়ে চিকারী দিয়া ‘জিৎতা কর আমারে থেয়া লইকরল’, ‘মারল’ বুলিয়া চিকারী দিতারা । ওগদর মানুরে আঙকরলে ওতাই মাৎতারা হিনচাপী আগো কোঙপেইত্ত আহিৰিগ কি জানে । দাঁত ওতা ডিগল, চুল ওতাও আঠুগর তলে, আহিগিও ইমে ডিঙ-লৌগী পারা বা-বা-রো দেখলে হারপানি মাতিল বিকারহান নাগয় হে ।

হানতে ওসাদে ইমে হনতারা । আগদিন জেঠা মুনিসৌ’ ওগো কামুরী আগা লাগেছে । ওগো বারে বারে দোয়াত জারগা । এসাদে দোয়াত জিতেগা মাঙকলে গিয়া দেহেরগাহান কিহান বুল্লেতে, বনক খুল্লি ওগো খানি খানি ডিগল অইতে অইতে চালহানাত লাগানীর মাশা ওহান অইলি । এগোদে বেষক ইমে পিছে উবায়্যা থাইল । চারহান কিহান বনক হিন্চাপিগো অয়া

‘ফরদিয়া গেলিগা । এগো গেলিগা ওপেয় তাপ্‌কো তাপ্‌কো
ওঠানহানাত আহিয়া ওবাইল । ওপেই উবায়্যা হনেরহান মানুয়ে
চিকারী দিতারা ।



এগদে এগো ডরহানে গরে আহিয়া তাপক ফামহানাদ
হমেইলগা । পরর দিনে ইমে তেই গরে জেসাদে আসিলি ওসাদে
ইমে থাইরি ।

বেয়ক এগো এগরে ইমে চার । এসাদে করিয়া এগই
হিন্‌চাপিগো অয়া মানু থেয়াথেয়া’ থাইলি ।

বেয়কে হারপেইলো এগই গরর মানুগি হাবিবগিরে থেই-
তই । ওপেইত মালকরে আগদিন জিলক ‘হিন্‌চাপিগ’ ওহান

বাগেইল, তা দেহেছে দেহেছে ওতা হাবি বাগেইল । মালকে ছুপ বিশ্বাস নাকরিরি । গরর মানু আগ্গরেও তা বুঝা নারের ।

নাইল ওপেই গরগ বেলেয়া এগো গেলগা । বনে বনে থাইলগা । তা থাইলগা ওপেই ডাঙর উস গাছ আকজার আছিল । উজারে ছৌ কতগ জরম্, দিয়া লাঙটিয়া মালক আগ কোঙপেইত গিয়া আরতা নাও আহিরি । ছৌ ওতা থানারতা না পেইতার। 'তা' থানা আনিয়া এতারে থওয়ার, পালের । হানতে থক ডাঙর নায়তার। লাঙটিয়ার ছৌ বার মানুর রকত খেইলে তরাইয়া ডাঙর অইতার, ফরদে পারতার। এতারে থক ডাঙর করানিরকা নিজর রকত খোয়েলো । এতা ফরদানি অকরলা । ওপেইত লাঙটিয়া ওতাই তারে মাতলাতা 'তি য়েবাকা য়েপেইত বিপদে পরতেইগা ওবাকা আমারে নিঙশিং অইছ' ।

এসাদে থাইতে থাইতে খাঙদা অ্যকদিন মালক বাপকরে বেইবুনিরে নিঙসিঙ অইল । এগো এতারে চানাত আছিল ।

এগদে বারো হিনচাপি বনক এগই গরর হাবিবগিরে খেয়া আকুখুলিগো গরে আসে । বেলিটিকে বাত রাদানিরকা হিনাত জিতেগা হিনচাপি বনক এগো বেয়বরে মাতলহান দাদা তি এ ডাক এগো বাজা । ছুপ না থামেইছ কো । ওপেই মি এগোর শব্দ এহান হুনে হুনে হিনেইতো ।

এগো হিনাত গেলিগা । এগই ডাকগো বাজার । উপেই খাঙদা গাত গত্ত উদুর ওগো নিকুলিয়া মাতের, তিতে কিয়া আহিলেগ ! দাবদে ! দাবদে ! বেয়ক এগয় মাতের না না এর ডাক

এগো বাজানি থামিমতাই তেই আহিয়া মরে হিনচাপিগ অয়া
থেয়তই ।

উদুরগই মাতের--তি কাম আহান কর, মি লেজগল তর ডাক
ওগ বাজেইং তি ফাঁক এহানাত দাপদে । বনক হিনেয়া আহি-
তেই উদুর ওগ ফট্‌ক গাত গত হমেইল । উপেইং এগই পিঠে-
য়েদে চেইরিথাং বেয়ক দাপেদিতে আসে । এগই পিঠিয়েদে
দাপদানি অকরল । বেয়ক পিঠিয়েদে চারথাং এগই তালকরিয়া
আহিরি । বেয়ক এগো গিয়া হেইকিরি আকছপাং কাই-
লগা । হেইকিরি ছপাং কাইতেই হিনচাপি বনক এগো গিয়া
ফৌঅইলিগা । বেয়কে হেইকিরি ছিरे ছিरे ওরাদের । এগো
থেয়ইরি । গাছ ছপার হেইকিরি লয়নি বিত্তা অইলগা ।
ওপেইত উরে লাঙটিয়া ওতারে নিঙসিং অইল । নিংপিং অনার
লগে লগে উতা আহিলা । উতাই কিতাই মিলিয়া হিনচাপি ওগরে
মারলা । লাঙটিয়া ছৌ উতায় পাংলাকর প্রতিদান আহান খানি
মানি দিয়া পারলাং বুলিয়া নিজেহে হারৌ অইলা ।



বাঘের বাদা সোনারধন

দেশ আহানাতে কাঠুরিয়ার হেইমাক আহান আসিতা ।
হেইমাক উহানতে কতিও লেইরা অছি বুল্লে দিনরতা আনিয়া
দিনরতা খেইতারা । কাঠুরিয়ার মৈলক এগতে গারিত অছেগো ।
এসাদে করিয়া দারউ আনাত জিতেগা আকদিনতে কাঠুরিয়ার
মৈলক এগ বনহানাত চাপক অ পরলিগা । সৌগতে মুনি সৌগ ।

বন উহানাত বাঘ জেলা আগ সৌগ মরিয়া বুনির তাপে
যন্ত্রনায় বন হানাত পাকদেইরিতা । দৈবক্রমে কাঠুরিয়ার হেই-
মাক উহানার লগে তেইর দেহা অইল । বাঘ জেলা উগরে
দেহিয়া কাঠুরিয়ার হেইমাক উহান সৌগ বেলেয়া ঘরে দাপদিলো ।

সময় উহানাত বাঘ জেলা উগ সৌ উগর কাদাহানাত
জিতেগাই সৌ উগ উঙা উঙা করেয়া কাদের । বাঘ জেলা উগ
বুনির তাপে যন্ত্রনায় পাগল অসে ।

সৌ উগরে দেহিয়া তেইরর হিংস্র ভাব উহান গিয়া মায়া
জাল আহানাত হমেইলি । মায়ায় আবদ্ধ অইলি । বাঘ জেলা উগয়
সৌ উগর খতা হানাত বুনি দিতেই সৌ উগ কাদানিহান থামেয়া
আপন মনে বুনি পিনা অকরল । এসাদে করিয়া বাঘিনী এগ
বুনির তাপর যন্ত্রনাত ওয়াই সাঙুয়া সৌ উগরে নিজর সৌগর সাদে
পালানি অকরল ।

এসাদে করিয়া টেইপাঙ মনুর সৌ এগ বাঘর বুনি গিয়া
 দিনে দিনে ডাঙর অইল । ডাঙর অনার পরে তার বলি উহানতে
 আহৌ গ বাঘর সমান আইলগা । বন উহানাত বনর পাহিয়া
 পলিয়ে তার নাঙহান থইলাতা বাঘর বাচ্চা সোনার ধন । বাঘর



বাচ্চা সোনার ধন এগতে টেইপাঙ মনুর সৌগ । ডাঙর অনার
 পরে স্বাভাবিক কারনেই দেশে দেশে বুলানীর মানসিকতা আহান
 আহিল ।

এসাদে করিয়া আকদিনতে বাঘর বাচ্চা সোনার ধন এগ
 বন হানাত নুকুলিয়া বিদেশ ভ্রমনে সালইল । যিতেগা যিতেগা
 কত গাঙ কত সরা কত টেঙারা লালয়া দেশ আহানাত পড়িলগা ।

দেশ উহানাত গিয়া দেহেরগাতা কিহান বুল্লেতে গাউরা
 পুয়া আগ ডাঙর ছিল চারিগল “আঙ করণী” খেলার তা ।
 উহান দেহিয়া বাঘর বাচ্চা সোনার ধন এগ খাঙ লাগিয়া চেয়া
 চেয়া তার কাদাহানাত গেলগা । গিয়া মাতলগাতা কিহান
 বুল্লেতে বেয়কগ তিতে কত বলি অসত নাই এ । কথা উহান
 হুনিয়া গাউরাপুয়া উগই মাতল তা — “মিতে কিতা বলি অসুতা
 ‘বাঘর বাচ্চা সোনার ধন’ বুলতারা উগতে বলি হানতে —”
 কথা উহান হুনিয়া সোনার ধনে মাতল — — উগতে মিনাই ।
 মিনাই বুলতেই গাউরাপুয়া এগ মাতলতা অ — ! উতাইলেতে
 দ্বিগই ইতাউ বাধিক ।

এসাদে দ্বিগিয়ে ইতাউ বাধেইয়া বার যিতেগা খাইলা ।
 এসাদে জিতেগা জিতেগা বার আরাক দেশ আহানাত পড়লাগা ।
 দেশ উহানাত গিয়া দেখতারাগাতা কিহান বুললে আরাক গাউরা
 পুয়া আগ পাঁচ গ সেনাপুল গারগত বাধিয়া ১২ কিয়ারর পহোরি
 আগত হিনার তা । উহান দেহিয়া সোনার ধনে বার ইতাউ উগই,
 খাঙ লাগিয়া চেইতে চেইতে কাদাহানাত গিয়া সোনার ধনে মাতল
 তা কি হান বুল্লেতে — “বেয়কগ তিতে কতহানো বলি অসত
 নাই এ ।” উপেইত গাউরাপুয়া উগই মাতলতা — “মিতে কিতা বলি
 অসুতা বাঘর বাচ্চা সোনার ধন বুলতারা উগর “বলি উল-
 নতে ————— ।” সোনার ধনে মাতল উগতে মিনাই । মিনাই
 বুলতেই গাউরাপুয়া এগই মাতলতা উহান অইলেতে দ্বিগই
 ইতাউ বাধিক ।

এসাদে করিয়া সোনার ধন বার তার ইঁতাউ দ্বিগুণি বার সালইলা । যিতেগা যিতেগা বেলীগ হমেইল । সেহুয়াহান অইল । আরোকৌ যিতেগা যিতেগা গাঙ আহানাত পড়লাগা । গাঙ উহানাত্তে কোন জন মানব আগর সাড়া শব্দ নেই । থানি চেয়া কাকেই দিতেই বুড়ি আগর ঘর আগ পেইলা ।

উপেইত থানি জিরানীরকা বিড়ি আকেইগ নিকাল্‌না । কিন্তু বিড়িগতে নিকাল্‌না বারো জিগতে নেই । জিগ আনানির কা উগ সোনার ধনে ইঁতাউ আগরে বুড়ির ঘর উগত দিয়া বেঠেইল । এগ গিয়া বুড়ি উগরাঙ জিগ মাতে বুড়ি এগেই মাতলতা “বাবা মিতে বুড়া অসুগ ঘরে হমেয়া জিগ আন্‌গা । এগঘরে হমেইতেগাই বুড়ি এগ রাক্সসীর বেশ ধরিয়া বিকট মূর্তিগল এগরে গল আগল ব্যাপদিয়া থইল । এগদে সোনার ধন গাছি তারে বাছেইতে বাছেইতে ঠুকরানী অকরলা । উপে-ইত সোনার ধনে বার হের ইঁতাউ উগরে চানার কা দিয়া বেঠেইল ।

ইমে আগেকার সাদে এগউ বুড়ি উগরাঙ গিয়া জিগ মাতেগা এগরাঙও মাতলতা—“বাবা মিতে বুড়িগ তি থানিক হিনশেয়া ঘরেন্ত জিগ আনগানে । ইঁতাউ এগউ ঘরে হমেয়া জিগ আনাত জিতেগা এগরেউ গলগল ব্যাপদিয়া থইল । এ সময় এহানাত সোনার ধনের ইঁতাউ দ্বিগুণই ভগবানরে বার ইঁতাউ সোনার ধনরে মনে মনে নিং শিং অইলা ।

এগদে সোনার ধন এগ আকখালাগ এতারে বাছেইতে বাছেইতে নারিয়া লমইতেগা তা নিজেই সালইল ।

সোনার ধন গিয়া চারগাথাং বুড়ি এগ মাংকল হানাত
দৌ হুমাদিরী । ইতাউ উতার সাদে সোনারধন এগউ বুড়ি এগরাং
জিগ মাতেগা তারউ মাতলতা—“বাবা মিতে বুড়িগ । খানিক
হিনপেয়া ঘরেত্ত জিগ আনগা” । সোনার ধন যেবাকা ঘরে
হুমেইলগা সময় উহানাত বুড়ি এগ তেইর বিকট মূর্তি উগ ধর-
তেই সোনার ধন থাং লাগিয়া থক্ক উবাইল । বুড়ি এগ রাক্ষসীর
মূর্তি ধরিয়া তার উগদে কাকেই হান দিতেই বাঘর বাচ্চা সোনার
ধনে আকফালে চুল উকাতাত ধরল । ধরিয়া দুই চক্কর দিয়া
আসুলিয়া উঠানহানাত নিকাল্ল । এর পরেদে দিয়গই যুদ্ধ
আহান করলা । যুদ্ধ উহান বৌবরনহান আহিল পারা ।

এসাদে করিয়া যুদ্ধ লাগতে লাগতে বাঘের বাচ্চা সোনার
ধনে থাংদা জাঙ হানিত ধরিয়া শূন্য হানাদে পাকদিতে
পাকদিতে আছাড়েয়া রাক্ষসী উগরে মারল ।

মারিয়া ঘরে হুমেইতেগা তার ইতাউ দিয়গই আম্মারে
জিংতা কর বুলিয়া চিকারী দিলা উপেইত সোনার ধনে পলগ
তুলিয়া দিয়গিরে জিংতা করল ।

পরে তিন ইতাউ দেশে ফিরিয়া আহিলা । নুঙেয় অয়া
পুঞ্চি পালয়া থাইলা ।

মুনিশৌ দুগর যারী

দেশ আহানাতে মুনিছৌ দুগ বেলেয়াতে মালক এগ মরলিতা ।
জেঠাউগর নাঙ ছুন্ বারো থুল্লাউগর নাঙ মানু । বাশক এগই
সংসারহান চালানি নুয়ারিয়া আরাক লুহোঙ আহান করল ।
মুনিছৌ দিয়গিএ বিয়াস্ত ভাত আকেই কামড় থেয়া মইছ রাহাত
জিতেগা মালক এগই চৌল্ল করেই গুলি বাজিয়া খুড়েই হানর
চুটি আগত গুলি গুলি বাধে দিরি । ভাত বকপেইলে কিতাকারনে
খানারকা । নিক্কা তানুর কামহান মইছ রাহানি ।

এগদে বার আরাক দেশ আহানার রাজ পরিবার আহা-
নাত হাবি মরতে মরতে বংশাবলি নির্মূল অ পরলাগা । হানতে
রাজা গিরিয়ে চড়ল ডাঙর আড়িউগ খানা পিনা বাদ দিয়া
হুন্দা পহুরি পারগদে রাজার গরর মানু দাহ করলা ফাম
উহান চেয়া কাঁদতে আছে । কাঁদের হাদির মা দেব রৌ
আকেইহানতে গাঙর গারি ছলছি বেয়াপা উতা দিন ছোয়নার
আগই জরম দেনা অকরলা । কি পরল্লেই হান । কিহান
করানিহান মন্ত্রী গিরকে উপ নুয়ারের । পেটেদে বার সমপত্তি-
হানর লোভহানে যেহান অইল আহান অ পরকগা বুলিয়া
মাতের । আত্তি এগ পারাগই মর লগে ফাগি খেলাত পরে-
ছেতা ? তা নাগই মরে হে পশুগ অলকরে দিয়া আনের । তি মরলে
কতর আত্তি । “টাকা থাকলে বাঘের চোখ মিলে” । এহানরমা

ভাবহান লেপকরল । হারৌ অয়া খার ঘুমজার । দিনে দিনে পেটের বকে আড়ি এগরতা মিহলগ হবোঅয়া হৌয়য়্যা দিয়া আহের । পণ্ড এতাতে সোজা মন নাই অরতে । কারেউ বুজেয়া মাতে নুয়া-রের । দুঃখ এহানতে আর সহ্য করে নু য়ারের । আরাকউ কাহ্নি এহানে দেব চিকারী এগতে মাটিহান পেয়া নিক্করানি অকরল । রহিয়া থাক কতি পাররতা ইমে হজক ঠাক এ ঠাকলই তরে মারতৌগ । মরে হুঙ্কার দেহার বর বাগর আড়িগ অছেগ ।

রাজা গিরির মাঙ্কলর আত আলা চেয়ার উহনরমা বয়া হনার ডাঙর রাজার বাপকর গুরগুরি উগ টর টর আছুলে আছুলে মন্ত্রী এগয় গুজুরের । উঠান হানর আগাগত উহান আড়ি এগই, দেহিয়া আরাক চিকারি আগ দিল তা মাঝেই — গাঙর বয়স লামা শয্যাগত বুজন এতারতা উগুহানে অরিছ নিকুলিয়া খাঙকরলা । মাকান্দ এগ কচুর পাতা আহানল বাপকর অরিছ উগ ঠেলারতা মেক নাকরের । নিকুলিয়া সি করিয়া চেয়া আছে উগ আর না জিপার । কাহ্নি এহানে ফিঙ, ফিঙ করিয়া আহিল মন্ত্রিমশায়-রাঙ । মন্ত্রীমহাশয়ে আঙকরল উঃ মাকান্দ বেলিটিক এগত্বে কিয়া খাঙ ?

— তর গরেতে লিকসি দেকুরা নেই খাঙতে বেলিটিক বিয়ান হাবি তরতা নাই, মাকান্দয় মাতের ।

— কি লিকসি এ ?

— গা — গা — গাঙহান হাবির গরে লিকসি নিকুলিয়া

জিগেইলা মর বাবাতে জিপানি নাকরের। অত্তিগই জিঙেতা
না মর বাজি মরানি থকছেতা ?

—হা আত্তিগইতে কিতা করল থাঙ ?

তার চিকারী আকইয়া বাবার আরিছ উগ সি করিয়া নিকু-
লেছে উগ আর না জিপার। আত্তিগ কিহান কররগ কর নাইলে
আজি বিচার জমেইতো।

—অ যাগা কইহান পাররতা বিচার জমাগা। আজির
গারেই তরে হাবিতাল দেশান্তর করেদিমতাতে থয়া।


রাজার জয় ঢোল গত গম্‌ক বারি আহান দেনাই প্রজা
হাবি তিলইলা। মন্ত্রী মহাশয় নিজেই অত্তিগর ব্যাপারে বিচারর
চিন্তা নিলগা। বিচারে প্রজা হাবিয়ে দুঃখ জানেইলা। এসাদে
হিন করিয়া মরানি এহান জবর হিন পেয়ার। কিহানতে
করানি বুলরায়। হায় তারে এরাদিক বিছারেয়া য়েগ আনতৈগা
উগ আমার রাজ্যের রাজাগ হঙকরতাঙায়। প্রস্তাব এহান হাবিয়ে
য়্যাথাঙ করিয়ারতা ? হায় মন্ত্রী মশায়। ঠিক আছে কালি বিয়ান্ত
এরা দিতাঙায়। পররদিনে বিয়ান্ত আত্তি লাভারে হাজেয়া মাতলা
যাগা আমার রাজ্যের বাহিরে যে কোন রাজ্যের তি য়েগ দরিয়া
আনতেই উগরে আমি রাজাগ হঙকরতাঙায় তি না কাঁদতেই
নাই। আমি বাসেয়া থাইলাঙ তরা করে আহিছ। এগদে
আরিছগর যন্ত্রনায় বুড়া এগ মরিল।

আত্তি এগ জিতেগা জিতেগা মইছ রাখতারা মুনিসৌ দ্বিয়গ

গেইলগা । এদ্বিষ বেইবুনি জেঠা এগই খুলা এগরে মাতেরতা
মানু মি খানি ঘুমজাং তি মইছগি চেইছ । বাহার মুরা
আগত মুরগ দিয়া খানি দিগল অইল । খুল্লা এগ কাদার মজা
বরেই আকসপাত কায়া মইছ চেয়া চেয়া বরেই থেয়া বেয়কর
উগদে পিঠিহান দিয়া বয়া খার । আতি এগ আয়া ঘুমজাছে
এগরে তাপকরে তুলিয়া পিঠিহানরমা বহাদিয়া সালকরল । এগ
হজাক অয়া চার থাং আচানকহান খাঙলাগিয়া চিকারী দেনা
অকরল । আতি এগই থরেই উগল মাঠিয়া মাঠিয়া বানা
পার । ছুনু এগই মাতের মর বেয়ক কাঁদিয়া মরতই । আতি
এগই নাউ হনের গুতুর গুতুর সালছে হারৌহানে । ছুনু এগই
কাঁদতে কাঁদতে ককগর করেই উতা গুলি গুলি বেলা বেলা যারগা
করেই উতা লমইলআর উরেছে আঙেয় উহান ফরিয়া কারল ।
ফরিয়া চিলা ছৌ আকেইহান খানি খানি গিয়া বেলার উপাদে
সারা পথ গত চিহ্ন দিয়া দিয়া গেলগা ।

দেশে নিয়া রাজার সিংহাসনে তারে বহেয়া রাজ্যহান পুন-
রায় চালানি অকরলা । এগদে মানু এগ কাঁদতে কাঁদতে মইছ
কিতা বেলা দিয়া বনে বনে কাঁদিয়া বুলানি অকরল । ফলমূল
যেতা পার উতা থেয়া থেয়া দিন কাটার । রাতি হান অইলে
গাছে কায়া ঘুমজিয়া থার । এগদে মালক বাপকে বিছারতে
বিছারতে নাপেয়া বাদ দিলা । মানু এগই আকদিনতে কাটা
বাহা তুপ আহানাত ফুদেরতা বিতরর চেহান পারা উহান নিকু-
লিয়া আছে থাঙতে বাঁশিগর সাদে রহের । উদিনেতু বাঁশি

বাজানি হিকল । নারগর হবা হানতে জবর নুঙশি । এলা
 দেনা অকরল । দিন আহানাতে পিদেছে পেন উহানর ছিরা কচ
 আগাছ ছিৰিয়া লামছেতা । উগাছে দরিয়া আছুলিয়া আঙু
 লিগল কেটেক কেটেক দেৰথাঙ কি রৌহানর নুংশিহান । উগাছ



তাপক আছুলিয়া নিকাল্ল । ছেক্সাহানআলা কুকর ডেঙ ছৌ
 আগর দ্বিয় মুরে বাদিয়া আঙু লিগল উগাছ রহা রহা এলাদিয়া
 দিয়া ভিক্ষা মাগিয়া বুলানি অকরল । বুলতে বুলতে বেয়কর
 রাজ্য উহানর বুনা আগত ফৌয়ইলগা । গাঙর মানুয়ে ছনিয়া

উঃ আমার রাজা গিরিরে এ ভিক্ষারী এগর এলা হনুয়েইলগা
জবর হারৌ অইতৈ বুলিয়া মাতলা ।

কতদিন পরে রাজাগিরর পুতকর যষ্ঠীর মা এলা দেনারকা
বার্তন দিলা । চমৎকার কালাহান দিগল দিগল দারী রাঙচুয়া
দিয়া লাম লাম আছে । আকতায় দেহিয়া মাত্‌তারা উঃ উঃ—
—ইমে মাঙকরানিরকা আনেছিগা না । আনেছি উতায় মাত্‌
তারা না হুনিয়াতে কিতা হারপেইতাই । তিন পাটি লমইলা
পিছে তারে পথফামহান দিলা । পয়লা বেনাগর মেইসা আহান
দিল । পিছেদে আহান আহান করে অকরল । লমইলগা এলা
উহানর নুঙেয় এহানে রাজাগিরি ঘুমজা পরিয়া লমইলগা পদ উগ
হুনিয়া আঙচিলক এলা উহান দেনারকা মাতল । বার অকরল
“মাঙ করলু নাই ইমারে মি, মাঙ করলু দাদা, তানুরে নাপাছু
মাহি নিকা বুলতৌমি । মাঙ করলু নাই ইমারে মি, মাঙ করলু
দাদা — — বাসেই বাসেই খামকর খামকর । রাজা গিরি ফাল-
দিয়া লামিল খাঙলাগিয়া । মন্ত্রী সন্ত্যাসী উগরে মর কাদাত
আন । আনলাগা । রাজায় তারে নাঙ, গাঙ, জীবনর স্যারী,
কিয়া সন্ত্যাসীগ আছে হাবিতা আঙকরল । তি মানু ? সেইত্য
সেইত্য তিন সেইত্য বুল চেইক । যেসাদে রাজায় মাতল ঠিক
উসাদে সেইত্য করল । যদি হায়গ তি অয়া খার উরে উঠান
হানর আগাগর হিলর চাক্কা উহান আত আহানল আক্‌খুরমে তুলে
পারতেই, নাগইগ অইলেতে নুয়ারতেই । দশ বারোগ মানুয়ে

ছেকালোবরেয়া লড়ানি নুয়ারতারা হিলর চাকা উহান এরে সন্ন্যাসী
 এগই যাজ্জের আতহানল ফুঙক তুলিয়া দেহা দিল । লগে
 লগে রাজা গিরিএ কলকরিয়া দরিয়া কাদলা । দ্বিয় বেইবুনিয়ে
 কাঁদিয়া করিয়া পিছেদে স্বষ্টীহান লমকরলা । থানি তপতা দিয়া
 হিনা দিলা দারী চুল কাণে দিয়া দ্বিয় বেইবুনিয়ে নুঙেই অয়া
 থাইলা । পিছেদে. মালক বাপকরৌ লগে আনিয়া থইলাগা ।



ঢালাক বামুনৰ কথা

গাঙ আহানাত বামুন আগ আছিলতা । বামুন উগতে সান্ত্বিবুদ্ধিৰ অজাগ । বামুন এগৰ গাঙ উহানাত জাৰি কৰনতা য়েগ তার ঘৰে কাম কৰতায় উগৰে আমুলি চাৰিপাতাৰ গজে ভাত খানারতা দিতই । তবে থানা নারতৌ বুল্লে কানহান কাপে দিতই । বারো কামিলা উগৰে নিকালাদেনা বামুন উগৰ নারতই । নিকুল বুললেই বামুনগৰ কানহান কাপিয়া কামিলাগই থ'না পারতই ।

শৰ্ত্ত এতা দেহিয়া কোন কামিলা তার ঘৰে কাম কৰাত নাহিতারা । কিতা পারা কামিলা আগ নাংহান রবি কাম নাপানি আকয়া বামুন এগৰ শৰ্ত্ত এতা য়াকৰিয়া বামুনগৰ ঘৰ এগত থাইলগা । পয়লাকার দিনে আমুলি পাতাহানাত ভাত দেনার লগে লগে ভাত অরত ক মাটিহানাত পরে পরিলগা । হুউ দিতৌ হাবি মাটিত পড়িল । থানা নারল কামিলা এগই । কাম নাক-রতৌ বুল্লেউ কানহান কাপে দিতয় । কিহান কৰবহান উপায় নাপার । নাথেয়তে নাথেয়তে রবি এগৰ গাৰিগ শিঙলতগ অল-ইল । ‘এপেইত থাইলেতে মরেহে পরতৌগা’ বুলিয়া বামুন উগৰে রবিযে মাতল ‘এসাদে অইলেতে মি থানা নারতৌ ।’ মাতানির লগে লগে শৰ্ত্তহান ইলয়া বামুন এগই কানহান কাপিয়া এড়া দিল ।

রবি এগ কানহান কাপে দেনায় মনর দুঃখে ঘরে আহিল ।
 খুল্লা বেয়ক মেকাটায় যারী এহান হুনিয়া বামুন এগর ঘরে
 আহিল । মাতল হাবি শর্ত যাকরিয়া মি থাইতউ । বারো তিউ
 নিংশিং অইস নিকুল বুল্লেই কিন্তু তরতাউ কানহান কাপে
 দিতউ । বামুন উগয় মুকুসী মুকুসী দিয়া মাতল—হায়,হায়
 নিংশিং অয়া আছু ।



পয়লাকার দিনে আমুলির গাতা আহানর গজে ভাত দিলা
 উপেয় কিত্তাউ নাগুজুরের । না গুজুরল থাংতে মাটিহানাত ভাত
 উতা পড়িয়া টেঙারাগ অইল । হৌ কিতাউ ইমে উসাদে করিয়া
 ভাতর টেঙারা উগত গাতগ করিয়া থইল । গজে গজেদে ভাত

উতা খেয়তে খেয়তে পেটগ বুজিল উপেয় অইলগা বুলল ।

এসাদে করিয়া বামুন এগরে রসাতলে বরা নেরগা । আক-
দিনতে বামুন এগয় মেকাটারে মাতল 'লপুকে কিয়ার আহান
বি'র ধান পাকানা অছে কাপগা । মি আহরি ।' মেকাটা লপুকে
গিয়া ধান কাপানি অকরলগা খানি থায়া বামুন এগ আহিল ।
আয়া চারথাং ধান মেকাটায় কাপেছে হবা ক । উহানাত বামুন
এগয় মাতের 'মেকাটা ঘরে যাগা । গিয়া ইমারাং আঙকরিয়া
তেই য়েপেই মাতিরি উপেয় ধান এতা থইছগা ।

—হায়, হায় বুলিয়া মেকাটায় ধানর ভার আহান ল
ঘরেদে সালইল । ঘরে গিয়া বামুনর মালক বুড়ি উগরাং আং-
করতেই তিক সওয়া তেই মাতল “আস্তা দুনিয়াহান থয়া মরাং
আংকররতা, দ মর খতা এহানাত থয়া ।” খতাহানাত থয়া
বুলানিয়ে মেকাটায় ধানর ভারহান থয়া বুড়ি উগরে ধরিয়া
আছাডেয়া মাটি হানাত বেলেয়া ধান ভার উহান খতাহানাত
যাতেয়া বরা দিয়া মারে বেজ্জ ।

বামুন এগ ঘরে আহিয়া লাংলা এহান দেহিয়া সৌ অয়া
পরল্লেই অইল । নিকুলিয়া যাগা বুলিয়া মাতিং বুলতে খতা-
হানাত আলথক অইয়া আহিল--কানহান কাপানির ডরে । উহানাত
বামুন এগয় মাতেরতা “কিহান করলেহান এহানতে ?” —হে
বামুনগ তি যেহান মাতলে উহানই মি করলু নাই । তেই
য়েপেই মাতুই উপেয় ধান ভার থইস বুল্লে থাংতে তেইতে তেইর

খতাহানাত খনার কা মাতল আর মি তেইর খতাহানাত থ' দিলু ।
মারতা কিতা ?

বামুন এগই আরতা কিতাউ গুজুরে নারের । এগরে
কিসাদে তালকরানি য়াকরতই এহানর বুদ্ধি আহান বিছারানি
অকরল । খালকরতে খালকরতে বামুন এগয় পথ আগ পেইল ।
হৌরিয়লর ঘরে দিয়া বেঠেয়া মেকাটারে মারানির ফন্দি আহান
করল ।

চিঠি আহান ইকরিয়া বিয়ানত মেকাটারে ডাহিয়া বামুন
এগই মাতল — ‘এহানল তি মর হৌরিয়লর ঘরে যাগা । গিয়া
দিয়া আয়গা । চিঠিহানল মেকাটা সালইল । যিতেগা পথগত
মেকাটায় খালকরের চিঠি এহানর ভিতরে কিতা ইকরেছি মরতা
হারপানি লাগতই । উহান খালকরতেই ইস্কুলে য়ারগা ছাত্র
আগরে মুণ্ডহানাত পেইল । পেয়া চিঠিহান দিয়া পাকরিয়া
হুনাদেনার কা ছাত্র উগরে হেইচা করল । চিঠিহানর কথাহান
আছিলতায় — এরে আহের মানু এগ মর য়েক্‌নাপাগ । এগরে
মারিয়া গাতা বেলেয় ।’ চিঠিহানর কথাহানি হুনিয়া মেকাটায়
ছাত্র উগরে হেইচা করল — ‘হে বেয়কগ, মি তরে পয়সাখানি
দিতউ তি মরে চিঠি আহান ইকরেদে । ইকরানির কথা অইল-
তায় আহের মানু এগ মর ইতাউগ, এগরে আদর যত্ন করিয়া হবা
করে থয় ।’

এসাদে করিয়া বামুন এগর চিঠি এহান ছিড়িয়া নুয়া চিঠি

উহানল হৌরিয়লর ঘরে গেলগা । চিঠিহান তামকরিয়া মেকাটারে
জবর আদর, যত্ন করিয়া থইলা । বামুন এগয় এগদে খাল
করের এতদিনে মেকাটা স্বর্গত গেলগা নিশ্চয় । কিন্তুমান দশ
বারোদিন পরে মেকাটা এগ আরাকৌ গারি ফায়া হবা অয়া
বামুনগর মুণ্ডে উবাইলগা । বামুন এগ গাকয়া চার কিত্তাউ
টটরা নারল ।

আকদিন বামুন এগ মেকাটারেল হৌরিয়লর ঘরে সালই-
লতা । যিতেগা মিষ্টি, এই পাত কিতা ভার আহান মেকাটার
লেম্পালে দিয়া মাতল—শিঙইস থেইবে । মরতা পিঠেয়েদেও
আহি দুগ আছেগ ।” এতা বুলিয়া বামুন এগ আগে আগে পথগ
চিনকরিয়া সালইল । যানার পথে মেকাটায় কিহান করের
বুল্লেতে রসগোল্লা আগ ধরিয়া বামুনগর পিঠি হানাদে ‘চা এরে’
বুলিয়া খার । এসাদে করিয়া ভারহানর হাবিতা থেয়া হুদালা
করে বেল্প । হৌরিয়লর ঘরে হমানির আগে বামুন এগয় আঙ-
করের ‘ভারহানর হাবিতা সুয়া আছে গ’ ? মেকাটায় মাতল—

—হাবিব থা বেল্প ।

—কিয়া থেইলে ?

—তি মাতলে তর পিঠিয়েদে আহি দুগ আছে ।
হানতে তরে দেহা দেহা থেইলু । কই তিতে কিত্তাউ না
টটরলে ?

বামুন এগ আরাকৌ সউঅয়া পরল্লেই । ফি ফি করিয়া
হৌরিয়লর ঘরে হমেইঙগা বুলতে মেকাটায় মাতের—“বাজা বাজা

মি আগে গিয়া মাতিঙা তোমার জাঙাক আহের বুলিয়া । খানি
মানি সম্মান পেইবেতা । তানু ঙ্ক্‌করিয়া নিবাগাতা । বামুন
এগ কথাহান স্বাকরল । মেকাটা আগে গিয়া হৌরিয়করে মাত-
লগা তোমার জাঙাক আহের বুলিয়া । আরাকৌ মাতল তোমার
জাঙাকতে খঙাকহান লাগিয়া কিতাউ নাহার হুদা কচু উহানা
দিয়া খারগ । মিতে হাবিবতাই খাউরী ।

জাঙাক ঘরর গেইটগর মুঙে আহানিয়ে ঙ্ক্‌করিয়া আন-
লাগা । আনিয়া সেবা যত্ন কিতা করানি অকরলা । কিন্তুমান
খানার সময়ত দিতারাতা হুদা উহানাদেছি কচু । বারো মেকা-
টারে দিতারাতা জাত জাতর খানারতা । মাছর হৌ, ঘি, দই,
সেলকম হাবিব । এসাদে দিন আহান, দুহান খানায় বামুন
এগর পেটগ জ্বর খারাপ অইল । রাতি নুঙেইত দোয়াত খানা
আগ আহিলতা । মাঙনির কা পেটগ কামাড়ার । মেকাটায়
মাতের ‘রাতি এবাকা কোরাঙ যিতেইগাগ এরে দোয়ার কল এগত
কামহান আটা বেলা । মি বিয়াস্ত নিয়া দদে বলতৌগা । দিশ
বিশ নেয়য়া বামুন এগ ইমে দোয়ার কলগত কামহান লেইকরল ।

বিয়ানহান দারাল দারাল অইল উপেয় বামুন এগয় মেকা-
টারে উঠার তুরাক উঠ উঠ বুলিয়া । এগউ উঠুরী উঠুরী করতে
বেলীগ নিকুলিল । এগদে হালাকে বিনকর কাজে পানি আনানির
কা কলগ ধরতেই বামুন এগই মাতের—‘নাকুরী মি আন-
তৌগা ।’ হালাকে মাতের তা আনতৌগা । এসাদে করিয়া কল-

গত ধরিয়া আসুলা পিছুলি করতে কলগ ঠম্‌ক পরিয়া বাগে
পরিলাগা ।

আর মাতিল কথা নেই হাবিয়ে হারপা বেলা বিষয়হান ।
বামুন এগউ হারপেইল এহান মেকাটার চক্রান্তহান । মেকাটারে
লগে করিয়া ঘরে আহিল আহিয়া মাতেৰ তা — ‘মেকাটা আজি তি
এববাকা নিকুল মর ঘরেত্ত ।’

মেকাটায় মাতেৰ — নিকুল, লেতে তর কানহানৌ কাপানি লাগতয় ।

— কাপিয়াও থাক তি এববাকা নিকুল ।

লাজে মরানিত্ত কানহান গেলেগাও যাকগা — এতা বুলুল
থাংতে বদালা দা আহান আনিয়া মেকাটায় বামুনগর কানউহান
আসুলিয়া ধরিয়া কাপে দিল ! বেয়ক রবিরে বামুন এগয়
দেছিল হিন উহানর বদলাহান নিয়া মেকাটা বামুনর ঘরগ এরা
দিয়া নিজর ঘরে আহিল । বেয়ক রবিয়ৈ মেকাটার বুদ্ধিহান
দেহিয়া হারৌ অইল ।



পাণ্ডশিং জুবারা

কোন দেশ আহানাত খানি পাণ্ড বারো শিং জুবারা
মুনিশৌ আগ আছিলতা । উগর নাঙতে পেটু । তার কথা উতা
হুনানি মনেয়া লেংকা মারুপে লাঙকরিয়া তারেল আহা রহা
করতারা । পেটু ডাঙর অইল । লুহোঙর লায়েক অইল । মালক
বাপকে তারে লুহোঙ আহান করে দিলা ।



লুহোঙর পিছেদে লেঙকা মারুপে তার আকাটা বিকাটা-
য়ারী উতা হুনিয়া সময় কাটানিরকা তার ঘরে পুলইতারাগা ।

আকদিনতে ময়লকে কিতায় হৌরিয়লর ঘরেতু গিয়া আহিলাগাতা ।
এ পৌ এহান পেয়া লেংকা এতা বাসানুয়ারিয়া তারে তালকরিয়া
গেলাগাতা । তাউ কিরৌ হারৌহান । বয়া আরদিনকার ঠুনা যারী
অকরল । লেংকা আগয় মাতেরতা—গিরক, কিতালতে হৌরিয়লর
ঘরে থেয়া আহিলে ?

—খেইলাঙনাই, কততা ।

—না মাততেই ? আনিউ লুহোঙ করলে
তরে না মাততাঙায় ।

হায়, হায় মাতুরি বুলিয়া পেটুয়ে অকরল—খাদি, মাতর হৌ, তিঞ্চু
বারো ডলগ করিয়া আন্দল লাদেছি উতা টলিংগ মাহি অয়াউ
হোয়াততে আছে বারো ক্ষীর, অ—খাগন খই লাদেছিলা । উতাল
আহারহি করলা ।

আরাক আকদিন হৌরিয়লর ঘরে গিয়া আহিলগা । হানুতে
ময়লকে আঙকরিরী—কিতাতে থেয়া আহিলে ? পেটুয়ে মাতের
—‘খলর হিদলপা, ডাইলবরা, ছেলপং বারো অরাক আকতাতে
পাহুরলু’ । উপাদে ইমে প্রায়ই যারগা হৌরিয়লর ঘরে ।
হৌরিয়লর ঘরে ভাত খেয়তে আকদিন আঙকরেরতা হৌরিয়করে
—ইমা কিতাল মি ভাত খেইলুগ ?

—কিয়া

—গলে গেলেগা হুদা আঙকলতারা কিতা
খেয়া আহিলেগ বুলে বুলে ।

—অ-মাতিছগা, হেইকিরি মাছ দিয়া হৌ,

ঠাকেই চহা সেন্দল দিয়া ইঁরলপা লগে পেতপা খানি । ঘৰে
আহিতে মাতে মাতে আহেরতা—লেইকিলি, সাকেই ঠকেই, টেন
দিল, পেপ্‌পা,—আইত্তে আঙকরলেই মাত্তোগ ।

পথগত মদল্লেই এগই সি করিয়া আঙকরিরীতা পেটু আইত্তে
বার হারৌ অয়া আহর পারা কিতাল খোয়েইলাথাঙে ।

—মাত্তু ? এরে লেইকিলি, সাকেই ঠকেই, টেনদিল
পেপ্‌পা—হুনিয়া হাবিয়ে জিয়া জিয়া আহিতারা । বাগে থওরা
উতাতে কিজাত হৌয়ে । গরেক ময়লকে হুনিয়া ‘হুউপ’ক ফুলিয়া
আছে । পেটুয়ে ঘৰে অয়া ডাহেরথাং সুপ না খুম্‌করিরী ।
মাতের ‘আরতা তর বেয়াপার গলে নাজিতৌগা । ময়লকে
মাতিরি—উতাতে কিজাত হৌ মাতরতা ? মি লাজ নাপাউরী থাঙ ?
আরতা জিঙতা নাইমনা কিতা ?

—হুঃ, লিয়ারৌ নাকরি বেনায় বারো গেলেগা ইমারে
হবাক আঙকরিয়া আহিতৌ ।

পিছেদে আরাক আকদিন হৌরিয়লর ঘৰে গিয়া খেয়া
আহিতে বারো হৌরিয়করে আঙকরের-ইমা কিতাল খেইলুতা মি ?

—অ-বাই, কচুর পাতার ক্ষার বারো হুরকাঙ মাছ পুলেই
মালপি দিয়া ।

বারো পেটুয়ে ঘৰে আহিতে মাতে মাতে দিয়া আহেরতা—
টচুপাতার আর ইঁলেই লেইপি । আইত্তে আইত্তে ঘর পেইত্তে মাতে
দিয়া আহেরতা টচুরতা পিলেই নেই, টচুরতা পিলেই নেই ।

মইলকে হুনিয়া মাতিরি—পাগালা খুস্পা, মি থায়াউ কিতা
করতু? লাজহান হার নাপেইলে গিরক, পারর থাংতে জিঙতা
মরর নাই, প্রভু মি মরিং ।

—না, না, আরতা খুপ্‌করে না পাহল তৌ, তর কথা
হনতৌ । দ্বিয়গই জিতাঙাইগা ।

পেটু আরতা পাং হৌরিয়লর ঘরে নাযারগা । জিপুতউ
দুগ, তিনগ অ-পরলাগা । তারতা আর জনম এহানাত শান্তিনেই ।
আগদে মারুপর যন্ত্রনা, আগদে ময়লকর যন্ত্রনা ।

আকখুরুম হৌরক আটইল থাংতে পৌয়ে আকয়া সালাই-
লতা । ময়লকে মাতিরি—না তি নাঘিতেইগা । মি এ শৌয়ে
যিকুগা ।

পেটুয়ে মাতল তা নাগেলেগা মানুয়ে সাক্তি বুলতার হানতে
নিজে যানা থক্ । উতা বুলিয়া পেটু এগ অনেকদিন পরে
হৌরিয়লর ঘরেদে সালইল । আলয়া আহিতেতে হৌরিয়করে
আঙকরেরতা—ইমা কিতাল মি ভাত খেইলুগ ?

—চেঙমাছ আলু আকচিলা দ্বিচিলা দিয়া ফাকপেইল
রাদে দিলু নাই ।

পেটুয়ে ঘিতেগাতে দারিগ লামিয়াউ মাতানি অকরল, ফাক-
পই, ফাকপই' মাতে মাতে পথ মেরাকেত্ত অদল বদল অনা অক-
রল ঠারহান । ঘর পেইতেতে মাতানি অকরল 'ফাকচল, ফাক-
চল ।' এগর মাতানি এহান হুনিয়া কাদাবারাতায় মাতানি


অকরলা । কিতা হে ফাকচল উতা ?' পেটুয়ে না থুমকরের ।
ঘরে আয়া হমেইলগা মাতে মাতে ।

ময়লকে মাতিরি —পাগালা থুম্‌পা ।

—য়ালৌ নাকলি । আইত্তে না পাহলেছু ।

চেঙমাছ আলু আকচিলা দিয়া ফাক-
চলর হৌ ইমায় লাদেছিলি ।

এগদে ঘরর লগর লেহাউবীয়ে পেটুর কথা এহান পেইরাক
ক হনিয়া মাটিহান কামাড়েয়া আহানি অকরল । কাহ্নির পেই-
রাকে পেটুর ময়লক এগ শৌগি মতা করিয়া বাপকর ঘরে
গেলিগা । পেটুয়ে নুঙপাঙ অয়া চেয়া থাইল তা কি অপরাধহান
করলহান হারপা নারিয়া ।



হাজারী মালর পাংকাল

দেশ আহানাতে মালক পুতক আহান আছিলাতা ! পুতক উগতে কতিও আলিয়া অসে বুলে ঘুমেত্ত উঠতে তারতা বার বাজের । হাষ্টাহানাত আকথুরুম হিনার । মালকে হাদিন নিবুরি-হানর ডেকি তারে গালেয়া থাইরি । তারতা গারিগত দুপ, না লাগের ।

আকদিনতে কিহান নিঙকরিয়া মাছি মারানির উমেই আহান হংকরিয়া পুতক এগ বহিলতা । খেলানিহান পারা করে মাছি এতা মারতে হাজার আহান মাছি মারে বেলে । মারিয়া হুদেয়া মালকরে মাতেরতা—‘ইমা তি রাজারাং যাংগা । গিয়া মাতবেগাতা “মহারাজা মর পুতকে হাজার আহান জন্ত মারে বেলে ।”

মালকে পুতকর কথা ইলয়া রাজারাং গেলিগা । রাজারাং হাজার আহান জন্ত মারানির কথাহান মাতেই রাজায় থাং লাগিল । ডর পেইলেউ মনে মনে এগরে পরীক্ষা করিয়া সৎ কাজে লাগানির চিন্তা আহান রাজায় করল । বেয়াপা এগরে থানি মানি রূপা দিয়া রাজায় মাতলতা—হে গিথানক, দিলু এতাল যাংগা গিয়া তর পুতকরে দিয়াবেঠাদেগা বারো ছন আজিতপুরী তর পুতকর নাঙ থইলু ‘হাজারী মাল ।’

বেয়াপা এগ যানার পরেই রাজায় জয় ঢংকাগ বাজেয়া

হাজারী মাল এখুঁকুম পরিল বিগদ এহানাত্ত কিসাদে খিৎতা অনি
 বুলিয়া খালকরের । লেয়ইভেগা লাম বেলেয়া দাবদানির
 ফিকির করানি অকরল । রাজার কন্মুঙে ইঁচুদিন থেয়া থানায়
 হাজারী মালরতা গারিগ মলপাকগ পারা আছে । রাজায় মাতেছে
 যে গ মনার উসাদে ঘরা আগ ল যুদ্ধত ঘানারকা । হাজারী মালে
 খালকরের যুদ্ধর আগেকার রাতি উহানাত — “আজি রাতিই মরতা
 দাবদিয়া ঘানা লাগতই ।” উতা বুলিয়া কালা চিঙথেইত উঠিয়া
 আন্তবলগত হমেয়া আধার উহানাত মাকরানি অকরল । দিন
 উহানতে কিহান অসে বুল্লে বাঘ আগ গুরু থানাত আহিয়া আন্তা-
 বলগত হমাপরেসেগা । এ সময় এহানাত হাজারী মালরে
 দেহিয়া বাঘ এগ বারা আহানাদে থেয়য়া থাইল । এগদে
 হাজারী মাল এগ চাংখল আছে, ফাসে এমন ঘড়া আগ
 মাকরে মাকরে চা’রতা । চেইতে চেইতে বাঘ এগরে গিয়া পেই-
 লগা । পেয়া ‘এগতে চাংখল আছে, ইমে এগরে নিতউগা’ বুলিয়া
 গারগাত থক্ক দড়িগাছ পিদা দিয়া ফাল দিয়া পিঠিহানাত চড়েছে ।
 বাঘ এগ ‘হাউম, হাউম’ করিয়া দাবদানি লাগেছে ।

বাঘর শব্দ পেয়া দেশ উহানার মানু হাবি উঠলা । উঠিয়া
 চেইতারাতাং বাঘর পিঠিত হাজারীমাল কায়া দাবদের । পো
 এহান রাজারাং মাতলাগা । রাজায় হনিয়া মাতের “পাইছিঁরে
 সোনার চান’, এগদে হাজারীমালে মাতের ‘গেছিঁরে ভগবান ।’

এসাদে করিয়া হাজারী মাল নিজরে দেশান্তর করিৎগা
 বুলতে বাঘগরে দেশান্তর করিয়া সেনাপতিগর গজর ফাম উহান


কাড়ল। বর কতদিন যিভেগা' যিভেগা যুদ্ধর আরাক দিন
আহান ঠিক অইল। উদিন সিবাই হাবি প্রস্তুত। হাজারীমাল
মনে মনে খালকের আর্জি মরাত পড়লুতাক।

হাজারীমাল প্রস্তুত অইল যুদ্ধত যানারকা। সময় উহানাত
খালকের 'আগেতে চাংখল ঘড়াগ বিছারতে বাঘগ ধরেছিল।
আইতে কিগ নিতউগা।' বিছারতে বিছারতে রাজার উচ্চছবার ঘড়া
উগ পেইলগা। উগতে নাথেরতে নাথেরতে হুকিয়া লেয়ছেগ। ঘড়া
উগরে হিনা দিয়া খোয়েইল। ঘড়া উগরতা কি হারৌহান। ফাল
দানি অকরল। হাজারীমাল যুদ্ধর ফিরই পিদিয়া ঘড়াগত চড়তে না
চড়তেই ঘড়া উগ হাগহানাদে ফরদানি অকরল। হাজারী মালে
নিঙকরেছিলতা 'মরানির আগে হাবিরে আকমাউ চেয়া যিত-
উগা।' কিন্তুমান ঘড়াগ হাগহানাদে ফরদানিয়ে মাতেরতা "মি
গেলুগা মরে জিংতা কর,।' এগদে সিবায় এতায় হনতারাতা
'তুমি আকগউ নাহিয়, মি আকখুলাগই লয়করিয়া আহিতউ।'

এসাদে করিয়া ঘড়াগ হাগহানাত মাঙইলগা। হাজারী মাল
ঘড়াগর চামহানার লগে নাশয়া থাইল। ঘড়া এগ গজে গিয়া
চারথাং য়েকুনাপার সিবাই উতা যুদ্ধত সালছি। হাজারীমাল
হাগহানাত থায়া তলেদে হাদি হাদিত আহিথম মুকেয়া চারথাং
দুনিয়াহান খোয়া খোয়া ক দেহের। ঘড়া এগ য়েকুনাপার
উগদে সালদিয়া যারগা। যিভেগা পথগত ডাঙর বট আকজার
আছিল, বট উজারর ডাঙর ডেং আগল আক্রমন করল উহানাত
য়েকুনাপায় লবেই কাপকরানি অকরলা। লবেইর গুলি উতা

ডেংগত লাগিয়া কিতাউ নার । কিন্তু মান হাজারী মালর ঘড়াগ
আহির পলকহানাত য়েকনাথা দাপার হাবিরে পিছিয়া মারে বেজ্ঞ ।
হাবিরে মারিয়া যু দ্বহান লেইকরিয়া হাজারী মাল দেশে ফিরিল ।
দেশহানার চারিগদে হাজারী মালর জয়ধবনি ল হাবিয়ে হারৌ
অইলা ।

যু দ্বত্ত আহিয়া হাজারীমালে মাতেরতা ‘ঘড়াগ হিনাদেই ।
মি হিন পেইলু । ফাম আহান যোগার কর । বারো নিগুসিগু
অয়া থায় ঘড়া এগ মর মুগুহানাত সেকেইবাই ।’ এসাদে করিয়া
হাজারী মাল মালকরউ তার লগে আনিয়া থইলগা । হাবিয়ে
নুঙেই অয়া থাইলা ।



দলালেইমা বারো হুচুরি

কিতাপারা গাঙ আহানাত মালক আগয় বেয়ক দুগয় বারো বনক আগয় আছিলাতা । বেয়ক আগ জেঠাগ বারো বনক উগ মাইজমগ । আরাক বেয়ক আগ হাবির খুল্লাগ । জেঠা বেয়কর নাঙ থবালা, বনকর নাঙ দলা লেইমা বারো হাবির খুল্লা বেয়কর নাঙ মানু ।



আকদিনতে বিয়ানে থবালায় বারো দলালেইমায় কাদার গাঙ আহানাত যিতারাগাতা । যিতেগাতে পথগত ডাঙর সরা আহান পরের । উদিনতে সরা উহান পানিয়ে এমন বলেছে

আর মাতিল উপায় নেই । পানিহান দেহিয়া খবালায় বনকরে
 মাতের—‘তি আগে লালগা ।’ বনকে মাতিরি—‘না দাদা, তি
 আগে লালগা । এসাদে করতে করতে বেলীহান বার বাজেইলা ।
 দলা লেইমায় মাতিরি—‘তি আগে লালগা কিতা পারা হুতগত
 পড়লে মি ধরিমতা । বেয়ক খবালায় মাতের—না, না আকসাটে
 লালইক । বনকে যাকরল । তবে মাতল—দাদা তি মরে পিঠি-
 য়েদে ফিরিয়া না চেইস । চেইলে কিন্তু মি হুচুরি পাহিয়াগ
 অয়া ফরদিতো । বেয়কে হায় বুলিয়া আগে অয়া সরাহানাত
 লামিল । বনক পিছহানাত লগ ধরলি । এসাদে যিতেগা যিতেগা
 কতহান গিয়া খবালায় আত্কা নিংশিং অইল বনকে পিঠিয়েদে
 ফিরিয়া নাচেইস বুল্ ল উহান । নিংশিং অনার পরে কিহান
 মনেয়া খবালায় ফিরিয়া চেইল । লগে লগে বনক হুচুরি পাহি-
 য়াগ অয়া ফরদানি অকরল ।

হুচুরি পাহিয়া এতা সরার পটে পটে থাইতারাতা । লেজগ
 খাংদা তুলে তুলে সরার পানির কাদার মাটিত আটতারাতা । হুচু-
 রিয়ে আটতারা দাগ থার । খবালার বনক দলা লেইমা হুচুরিগ
 অয়া সরার পারে পারে থানা অকরল ।

খবালায় বনকরে মাণ্ডকরিয়া ঘরে আলইল । মালকে আণ্ড-
 করিরা—দলা লেইমাতে কই ?

—হুচুরিগ অয়া ফরদিয়া গেলিগা সরাপারেদে, খবালায়
 উত্তরহান লইল ।

মালক বিছারেয়া আহিলি সরাপারেদে । দেহিরিতা খাংদা
খাংদা লেজগ তুলে তুলে 'ঠিস্, ঠিস্,' করিয়া রহে রহে হুচ্চুরি
আগ ফালদিরি । মালকে দেহিয়া হারপেইল এগই ইমে তেইর
দলা লেইমা । উহানাত এলা আহান দিয়া কাদে কাদে মালকে
ডাহানি অকরল—

আয়নে ইমা আয়নে
দলা লেইমা গিদেয়ৌ
তরকা ইমা দিনে রাতিয়ে
কাদিয়া থাইলু হৌ ভাত থয়া..... ।

হুচ্চুরি এগয় উত্তরহান লইল—

নাহুরি ইমা নাহুরি
হাংকা আছিলু তর জিলক
এবাকা অইলু তর বহক ।

মালকে ডাহিয়া আনে নুয়ারলো উপেয়ত খুল্লা বেয়ক মানু
গেলগা ডাহানিত । কাদে কাদে ডাহের—

আয়নে গিদেই আয়নে
গিদেই রৌ গিদেই আয়নে
ঘরে যিকুগা ।

হৃচ্চুরিয়ে উত্তরহান দিল—

নাহরি মানু নাহরি

হাংকা আছিলু তর বনক

এবাকা অইলু তর বৌজক ।

আজি পেয়াউ সরার পটে পটে দলালেইমা হৃচ্চুরিগ অলয়া
আটিরি জাঙর পারার চিন থয়া ।



ডুস্বেকে ডুস্বে

দেশ আহানাতে বুড়ি আগ আছিলিতা । বুড়ি উগরতাতে
নিঙল আগ বারো কুকুর আটগ আছিল। নিঙল উগ ডাঙর
অইলি থাংতে ঠাচা করল । বুড়ি উগয় ইমে কুকুর আটগিল
থাইলি । কুকুর উগি বুড়ি উগরে না দেখলে থা নারতারা । নিজর
জিপুত পারা করে আদর যত্ন করিদি ।



আকদিনতে বুড়িয়ে ম্মাতিরিতা কুকুর উতारे — বাবাগাছিউ
আইত্তে তোমার ইচের উপেইত্ত মি আহিংগা । তুমি ঘরগ চেয়া
থয় ?

—হায় ইমা, ইঁচেরে আনিছ। কয়দিন অইল ইঁচেরে না দেহিয়ার—বুলিয়া কুকুর উতায় মাতলা। বুড়ি উগয় উহানাত মাতল—হায়, আনতৌ। এতা বুলিয়া বুড়ি উগয় লারৌ, পিঠা কাপক, চুই ফুটিল সালইলি। যিতেগা কুকুর উতারে মাত ল“মি ঠেকলে আগয় ঘরগ রাহিয় বাকীউতা আহিয়? কুকুর উতায় হায় বুল্লা।

বুড়ি এগ আটানি অকরল। টেঙারার পথগ নাই খাংদা টিলাগর পেটগদেত্ত হিয়াল দাপা আহান দাপহানল আহিয়া বুড়ি উগরে বেরি দিয়া বেঞ্জাগা। বেরি দিয়া মাত্তারাতা—বুড়িমা তরে আমি খেইক নে?

বুড়ি উগয় মাতল—হায় বাবাগছি খানাতে খেই মি না নাবুলুরি। মি মর আকগ জিলকগ দেহিয়া আহিঙগা ফিরতে থেয়।

—কোন্স্বাকাতে আহিতেই? মাদানে?

—‘হায়’, বুলিয়া বুড়ি উগ বারো আটানি অকরল। যিতেগা বগা দাপা আহানে বুড়ি উগরে পেইলা। উতায়ও বুড়ি উগরে খানার কা মাতলা। বুড়ি এগও আগেকার ঠুনা মাতিয়া লিতইলি। আরাকৌ খানি যিতেগা বাঘ দুগরে পেইল। উতায়ও এববাকা থা বেলেইক বুল্লা আর কোনমতে আগেকার ঠুনা মাতিয়া গেলিগা। অইতে অইতে জিলকর ঘর পেইঙগা বুলতে বাদরদাপা আহানে লকসাহানাদেত্ত দাপদে আহিয়া বুড়ি উগরে

বেরি দিয়া ধরলা । বুড়ি উগর মচা উতা কাড়লাত লেপইলা ।
 কিমে করতঃ বুড়ি উগয় 'বাসেই বাবা গাছিউ বাসেই' বুলতেতে
 পেঙতালিয়া বাদর আগয় 'খা বেলেইক বুড়ি জেলা এগরে ধর
 ধর' বুলিয়া মাতের মাপা উহানাত বাদর জেলা আগই মাতিরিতা
 — 'এ বুড়ি কোরাঙ যাওরিগাগ ?'

কাদে কাদে বুড়ি এগয় মাতিরি — 'মরে থেয় খানির চুয়া
 বাসেই । মর জিলকরে দেহা আহান করিয়া আহিঙগা । আজি
 মাদানে যেসাদেও ফিরতো উপেয় মরে থেয়' । উহানাত বাদর
 উতায় এরা দিয়া মাতলা 'যাগা ফিরতে খেইতাঙায় বারো নাহি-
 লেতে আকদিন না আকদিন পেইতাঙায় উপেয় হিন দিয়া দিয়া
 খেইতাঙায় ।'

বুড়ি এগ জিলকর ঘরে গিয়া ফৌঅইলিগা । ডরহানে
 বুড়ি এগয় কাদিয়া মাতিরি 'মি কিসাদে যিতৌগা ?' জিলকে
 মাতিরি — 'কিতা অসেথাঙ ?' উহানাত বুড়ি এগয় যারীহান
 ফুকিয়া হাবিতা মাতলো । জিলকে মাতিরি — 'উহানরকা হিন
 নাপেই ইমা মিহে করতো নাই এবাকা থেয়া ঘুম্জা ।'

মাদানে আহানির মাপা উহানাত জিলকে ডাঙর ডুস্বা আগ
 আনিয়া মাতিরি — 'ইমা, তি এগর ভিতরে হমা । মালক হমেইলি
 আর হবা করে তেনাল ডুফা আগ খিল মারিয়া দিলতা মারেই
 আর ফুকানির উপায় নেই । — ডর নেই ইমা, নুঙেই অয়া খুঙ-
 নাথ পরলেগা বুলিয়া ডুস্বাউগ হৌক ঠেলা আহান দিল । ডুস্বা-

এগ গরগরেয়া সালাইল । পথে বাদর দাপা উহানে পেয়া আঙ-
করলা—ডুস্বেকে ডুস্বে তি হাঙকার বুড়ি উগরে দেখলেতা ?
ডুস্বাগয় মাতল “মি ডুস্বেইতে কিতা মাত্‌তু ? উহানাত বাদর
উতায়—‘যাগা যাগা’ বুলিয়া ডুস্বাগ এরা দিলা ।

এসাদে করিয়া বুড়ি এগ ডুস্বাগর ভিতরে হমেয়া বাঘ দ্বিয়গি
বারো বগা উতারাঙত লিতয়া আহিলি । লেয়ইতেগা হিয়াল উতায়
পেইলা ।

—এই ডুস্বাগ তি হাঙকার বুড়ি উগরে দেখলেতা ?
বুলিয়া ডুফাগ আছল দিতেই ডুফাগ ফুকিল । ভিতরেত বুড়ি
উগরে আছলিয়া নিকাল বেলা । বুড়িউগয় মাতিরি—বাবাগা-
ছিউ মরে থেয় মি দৌ আগে হমাদে বেলাঙ । বাদর এতা বেরি
-হান দিয়া বয়া মাত্‌তারা —তুরাক হমাদে । খানাহান বাসানার-
-লাঙ । বুড়ি উগয় হিনেইল, পাতা হাতহানর মা এইখানি দিয়া
পারেঙ আহান লেঙকরিয়া আসমন করিয়া আহিগি জিপেয়া
বহিলি । বয়াতে—কু-তু-উ.....বুলে বুলে ডাহানি অকরল ।
হিয়াল এতায় মাত্‌তারা ‘এই বুড়ি কুকুর ডাহরীহান’ ?

—না, বাবা, মি প্রভুরে ডাহরিহান বুলিয়া বারো কু-তু-উ
বুলিয়া ডাকল ।

বুড়ি এগর ডাকহান হনিয়া কুকুর এতা কান হিঙারলা ।
শিং কুকুর আগয় মাতের ইমা বিপদে পরিলি, হাদ বুলিয়া দাব-
দানি অকরলা । এগদে ইমে বুড়ি এগয় বেদুম ডাহিри । অইতে

অইতে কুকুর এতা বুড়িএগ আছে উপেয় ফৌঅইলাগা । কুকুর
এতা দেহানিয়ে হিয়াল দাপাএহান দিলা দাপহান সিয়াউক মাঙ-
পরলাগা । বুড়ি এগরে হুগোকহানাত দিয়া কুকুর এতা ঘরেদে
আলইলা । ঘরে আয়া নুঙেই অয়া থাইলাগা ।



দশোন্মতি

দেশ আহানাতে বেইবুনি দাপা আহান আছিলাতা । বেয়ক সাতগ বনক আগ । বনক উগর নাঙ দশোন্মতি । আকদিনতে বেয়ক সাতগি বানিজ্যত যানারকা লেপকরলা । বেয়ক হাবিগি লুহোঙ করেছি হানতে হাবির মোয়েই বারো বনক দশোন্মতিরে ঘরে থয়া তানু ঘরেত্ব নিকুল্লা ।

তিন মাহা পিছেদে মাইজম বেয়ক জগদীশ উগ ঘরে আহিল । তা ঘরর হাবির কা খুতুল আকেইহান আনেছে । আনেছেতায় আটহান চাকচাবি । বনকর কা আনেছে চাকচাবি উহানতে কতিরৌ হবা আছে মাতিয়া লাভ নেই । ননদকর চাকচাবি হান লোভ করিয়া বৌজক লকেই উতায় তানুর চাকচাবি উতা না পিদিয়া থইলা ।

বেয়ক জগদীশ ঘরেত্ব বারো গেলগা উপেইত বৌয়েই উগি দশোন্মতির পিছে লাগলা । অইতে অইতে দশোন্মতিরে মারানির ফিক্কির আহান করলা । তানুর ঘরর পিঠিত বাসকি বুলিয়া বেয়াপা আগ আছেতা । উগর লগে বৌয়েই এতা লোভ দেহেয়া চক্রান্ত আহান করলা কিসাদে দশোন্মতিরে মারিনি উহান ।

আকদিনতে দশোন্মতিরে ল বৌয়েই এতা বাসকীর ঘরে চিড়া দুহাত গোলাগাতা । আকতায় বানতারা আকতায় এল্কা দিতারা

খুল্লি বৌজক উগয় মাতিরি — দশোমতি, আয়নে থানি এল্,কাদেয়া
হিনপেইলু ।

দশোমতিয়ে বৌজকর কথাহান হুনিয়া এল্,কাদেনাত
বহিলি । দুগয় বানতারা । বানতে বানতে আরাক আগয় দশোম-
তিরে থক্ক ঠেলাদিয়া গাহালিগত বরেয়া গুম গুম চিড়ার লগে দুহে
বেল্লা । দুহিয়া দশোমতিরে মারে বেল্লা । এবাকাতে কিহান করতা ?
কু রাঙ বেল্,তাগা উহানল খালকরতারা । তুরাকরে হাপেই আগত
তুলিয়া নিয়া হাপেইগল পহুরীগর কোনাগত বেলিয়া আহিলাগা ।

ষেপেই দশোমতিরে মারিয়া বেল্লা উপেয় থাম্,পাল আক-
জার উঠিল । কতমাহা পরেদে জেঠা বেয়কউগ ঘরে আহি-
তেতে পহুরীগর কোনাগত দেহেরতা কতিহবা থাম্,পালজার ।
থাম্,পাল শাতয়া গতগই চারিগদে আমোদিত করিয়া থছে ।
জেঠা বেয়কে খালকরের — উঃ । এগ ছৌগরকা নিলেগাতে জবর
হারৌ অইতই । এহান খালকরিয়া লগে আনেছে জিনিস উতা
আগদে থয়া থাম্,পাল ছিরাত লামেরগাতা । হানতে থাম্,পালউগ
লরের বারো এলাআহান দেব । দেবতা কিহান বুজ্লে —

না সকয় না সকয় ।

মরলি, না সকয় না সকয় ।

হাঃ ! এহানতে কিহানে ! না সকয় বুজ্লেও থানি হেক-
ঠেলেয়া জারহানর গুরিগত ধরিয়া আহল দিতেতে গুরিগদে কলয়া
দশোমতি আহিলি ।

হাঃ ! মা তিতে কিয়া এপেই !

হায়, মাইজমদায় আনুল চাকচাবি হানর সালে বৌজি গাছিযে চিড়ারলগে দুহিয়া এপেই বেজ্জাগাতা — বুলিয়া দশোমতিযে মাতল ।

হুঃ ! হাদ হাদ — বুলিয়া হিনাদিয়া ঘরে দশোমতিরে নিলগা । দশোমতিরে দেহিয়া হাবিহানে উরহানে পলা পরলাগা । মূৰ্গ চিক্‌করিয়া হাবিরে ডাহিয়া না লাগিয় বুলিয়া থয়া বারো তার ফামে জেঠাবেয়ক গেলগা ।

বৌয়েই এগি খালকরলা হাবিগি আহিলেতে আমারে মাঝেহে বেলতায় বুলিয়া গাত আগ খুলিয়া দশোমতিরে গাতগত বেলেয়া গাতেয়া মারলা ।

গাত উগত্ত খনতুম আকজার উঠিল । এগদে জেঠা বেয়ক এগ শান্তিহান নাপার বানিজ্যের ফামে গিয়া । বারো ঘরে আলয়া আহিল । আয়া বিসারারগা — ছৌগতে কই ? বৌজক লকেয়ে মাত্‌তারা — তি যানার লগে লগে কোরাঙ গিয়া মাঙইলিগা আজি পেয়া নাহিরি ।

কথা এহান হুনিয়া জেঠা বেয়ক এগ মনহান জবর হিন পেইল । হিনপেয়া ঘরর বারাহানাদে বহিতেগা খনতুম উজার দেহে বেজ্জ । খনতুমজারে ফুল আগ দেহিয়া কাদে কাদে চেপ য়ারগা উপেয় খনতুম উজারে দেৱতা —

না সকয়, না সকয়, দশোমতি মরলি না সকয়

জেঠা বেয়ক এগ কাহ্নিহানে খুনতুম উসপাত ধরিয়া দিল
আছল এহান গুরিগত কলয়া বারো দশোমতি আহিলি ।

আচানকহানে ! কিয়া মা এপেইত্তে ? — জেঠা বেয়ক থাংলা-
গিয়া আংকরের ।



বনকে মাতিরি — বৌজিগাছিয়ে গাতগ খুলিয়া গাতেইলা-
গাতা । জেঠা বেয়ক এগয় বারো দশোমতিরে ঘরে থদিয়া না
লাগানির কথা মাতিয়া তার ফামে গেলগা ।

বৌয়েই এতারতা খালপাল আহান হমেইল । বানিজ্যত
হাবি ফিরিয়া আহিনির বিত্তাউ অইলাগা । রূপা পয়সা হাবি বন-
করে দিয়া দিতায় — এসাদে খালপাল আহানে জ্বিগর সাদে ডহিয়া
যিতারাগা । বার বাসকীরাং গিয়া বুদ্ধি আহান আঙকরতারা

কিহান করানিহান বুলিয়া । দশোমতিরে বার চালেয়া তেনুয়াগ হংকরতই বুল্‌ল । বারি আকচিলা মন্ত্ৰহান দিয়া দশোমতির চুলে বাধে দেনার লগে লগে দশোমতি পাহিয়াগ অয়া ফরদিয়া গেলিগা ।

এগদে সাতগ বেয়ক বনকর কা খুতুল, লামক কিতাল আয়া ঘরে ফৌঅয়া বনকরে ডাকতারা । বনকর দেহা নেই । এতায় থানি আহান সন্দেহ করিয়া যার যার ময়লক লকেই উতারে গুম্‌, গুম্‌, বাকুরি দেনা অকরলা । বাসকীরে আঙকরতারা দশোমতি কই ? সময় উহানাত পিঠির গাছজারে থায়া তেনুয়াই এলা আহান-দের --‘পিছর ঘরর বাসকীয়ে দিল মরে লাংলা, মুরর মাঝে কবচ দিয়া অইলু বনর তেনুয়া ।’ খুল্লা বেয়ক এগ পিঠির খংচিলেদে বয়া কাদেরতা । খাংদা তেনুয়া এগর এলাহান হনিয়া দাবদিয়া হেরৌ বেয়কলকেই উতারে ডাকদিয়া এলা উহান হনৌয়েইল । লগে লগে হাবিয়ে তিলয়া তেনুয়া উগরে ধরলা । ধরিয়া মুরগত আছে বারি উগ ছিরিয়া বেলা দিলা হান্‌তে মানুগ অইলি । হাবিয়ে আকসাটে আঙকরতারা—মা, তিতে এসাদে কিয়া ? দশোমতিয়ে মাতিরী—বৌজিগাছিয়ে উহনি চানার সটান দিয়া বাসকীয়ে মন্ত্ৰহান দেসে বাড়ি উগ চুলে বাধে দিলা আর মি এহান অইলুতা ।

বাসকীরে জাঙ আহানাত ধরিয়া জাঙ আহানাত পারাদিয়া চিলা কারিয়া উঠানর পালাঙগত হকাত দিলা । পিছেদে ডাঙর গাত আগ খুলিয়া মৌয়েই সাতগিরে গাতগত বরেয়া গাতেয়া মারলা । আট বেইবুনি নুঙেই অয়া থাইলা ।

থাবালা কংকেই

দেশ আহানাত হেইমাক আহান আছিতা । হেয়ক উগ মেস্তরীর
কাম করের । তানুর তা সৌ দুগো । মুনি সৌ উগর নাং স্বপন
বারো জেলা সৌ উগর নাং কলাবতী । বাপক নিকা মেস্তরীর



কামে যারগা উবাকা মুনি আগ গর উগত আয়া মেস্তরীর মৈলকর
ভুল থারগা । বাপক এগৈ এহান হার নাপাছে । ঠাংবৈ, নিউনি
আতুরা, বানুক, করাত কিতা মেস্তরীর খুচ্চু, খুল্লেই যমকরিয়া

নিকা বিয়ানে য়ারগা উগ রাতি আহের । আহিল ক পুরী মালকে
জিলকরে মাতিরি তোর বাবা আহিল দুয়ারহান আংকরেদে ।’

উদিনতে মুনি উগ গরে আছে, সৌ এতা ঘুমজাছি উবাকা
মেস্তরী এগ আহিল । দুয়ারহান ফুকাং মুনি এগরে ধরে বেলতৈ
কিহান করতু বুলিয়া থাইলি । উবাকা মেস্তরী এগৈ জিলকরে
ডাহে নুয়ারিয়া জিলকর কা আনেছে হুস উতা মাতে মাতে এলা-
দেনা অকরল—

কলালেইমা রো

দুয়ার ফুকাদে ।

যতরর পারেং

আনেছু

দুয়ার ফুকাদে ।

উটঙর পারেং

আনেছু

কলা লেইমারো

দুয়ার ফুকাদে ।

জাকার পারেং

আনেছু

গুল্লির পারেং

আনেছু

দুয়ার ফুকাদে ।

লমৈতেগা দুয়ার হান না ফুকেইল থাংতে বাপকে “কলা-
লেইমা খুনজাছত” মিতে ঘাউরিগা বুলিয়া বাপক মাঙেলগা ।
পাহিয়াগ অয়া ফরদিয়া ফরদিয়া থাইলগা । নাংহান তারতা
থাবালা কংকেই । বাপক এগৈ আনেছিল জতর, লালটুম, ঝাকা
উটং হাবিব মাংকলে জিলকর কা থোয়াদিয়া গেলগা ।

এথুরুম মৈলকে মুনি উগৈ সৌ এতা ঘুমে থাইতে ঘরর
হবা জিনিস উতা মচা বাদিয়া, হুস উতা স্মকরিয়া বেলেয়া
গেলাগা । দুয়ারহান দোয়াদেত্ত আটেয়া বাধদিলা । বিয়ান
হান ফুয়েইল সৌ এতারে ডাহেকুরা নেই উঠাকুরা নেই । বেলিগ
সারনি অকরল । কাদার ঘরর মানু এতায় মাততারা ঘর এগর
মানু এতাতে এবাকাউ না উঠতারা কিহান অছেতা বুলিয়া জেলা
আগই গিয়া চেইরীথাং দুয়ারহান দোয়াদে আটেয়া বাধেছি ।
কলালেইমা বুলিয়া ডাহিরি । গাঙরতাই দুয়ারর পেট পেটী
বাদেছি বেত উতা কাপে কাপে দুয়ারহান মুকেইলা । সৌ দ্বিয়গিয়ে
উঠানিয়ে মালক বাপক বিছারেয়া কাদানি অকরলা । মুনি সৌ
উগৈ বকপাউরি বুলিয়া কাদের । বনকে চউল চেইতে চেফুগত
কতগ পেইলো । উতা বাগা কেপি আগত চউলি মেকা করিয়া
ফুৎ করলো । উতা থোয়েইলো বেয়করে । বাপক মালক বিছা-
রেয়া দ্বিয় বেইবুনি নিকুললা ।

এগর গরেও আংকরতারা, ‘আমার ইমারে দেখলাইতা ?’
‘দেহেছি বাগাদিতাঙায় । গুরু কলগোর গবর হানি নিকা বেলেই’-

হুদেইলে আক কামর হুদা রুহা খোয়েয়া 'উনা উগদে' বুলিয়া পথ
 আগ মানুয়ে দেহাদিতারা বারো আকপেইত গেলেনা 'ধান কুনি
 আহান বান নাইলে ধান খমকরানি পাঙকরগা ইমা বাবা
 কোম্পেই আছি মাত্, তাঙায়' বুললা । এসাদে যিতেগা যিতেগা
 বুড়ি আগরে পেইলাগা । বুড়ী এগর সৌ উগিরে আটকেয়া হিনো-
 য়া দিয়া ভাতপানি খোয়েয়া মালকর ঘরগো দেহা দিল । মালক
 ফুতি আহান বুনরি, বাপক এগ মাংকলে হজক আকারি নারি-
 কলর আড়ি আগল আহলিয়া বহেছে । ইমা ইমা বুলিয়া মালকরাং
 চেপেতেগা মালকে মাতল 'বাহেই তুমি কুংগি থাং মোর কাদাত না
 চেপেয়ো' । তেই ফুতি হানাত উঠিয়া ডাঙর হিলর লুঙ্গাক আগ
 ঠেলেয়া উঠান হানাত নিকাল দিলগা । দিয়া মাতল এ হিল এগ
 য়েগে তুলে পারতাই উগ মোর পুতক জিলক । নাইলে মো রসৌ
 নাগে ।' কলালেইমা খানিকক হিল উগ তুলে পারল বারো মুনি
 সৌ উগে তুলানিতে বেলা নক আহান সেচানিও নুয়ারল । মালকে
 কলালেইমারে মাতিরি মুনি সৌ এগরে বনে বেলা দেগা এগ মি
 গছানি নুয়ার তো । বার তি হিলগ লড়া পারলে থাংতে গরকাম
 কিতা করিয়া মোরাং থা পারতেই ।'

লালাঙ হেয়করে হারো করানিরকা এহান করিরিতা । বনকে
 দূরেইত সরার পারে জঙ্গল আহানার কাদাত সাংকুরেই ভেং
 ডুং যমকরিয়া পাহিয়ার জমহানর ডেকি ঘর সৌ আগ হংকরে
 দিল । 'তি বাবাসৌগ এপেইত থাক । নিক্কা বাত আনে দিতৌ ।
 ডর নাপেইস । মি হামেসা রাহে রাহে থাইতৌ'—বুলিয়া কলা

লেইমায় বেয়করে উগেইত থোয়া দিয়া আহিলি ।

গর কাম করিরি ধান বানিরি, ভাত রাধিরি, পানি কাক-
রিরি । আনৌগ বাপকরে আতদে দিরি, মুর টিপাদিরি ।
বেলীটিকে হাবি ভাত খেয়া গাইতারা হেরউহানাত তেইর ভাত উতা
খুচেই আগত লুকেয়া থয়া কল দারেইল সটন দিয়া ভাত উগিল
সরার পারে খেইরিগা । ভাত উগি পাতা আহানাৎখ দিয়া
তেল্লাম হারপা বেলতাই বুলিয়া দাপদে আলৈরি । বেয়ক আত
জাং ধয়া গুকখী অয়া আহিংগা বুলতে চিনুনি আগ ফরদিয়া
আহিয়া সপ্দিয়া ভাতর চিপাউগি নিয়া দেৱগা । এসাদে
চিনুনিগৈ নেৱগা । ফাত্তকে আকেইদিন পেইলে খার নাইলে
ইমে চারা উবায়া খার ।

আকদিনতে বনকরে মাতলো ইচে দিউরি ভাত উগি চিনুনি
আগৈ নেৱগা । মোরে হিস গাছি অনেদিস মি চিনুনি এগ
ধরিমতা । বনকে হিস গাছি আনেদিল থাংতে ফং হান হংক-
রিয়া পাতে দিলো । চিনুনিগোই সপদিং বুলতে গারগ আটকে
পরিলাগা ।

সৌ উগৈ চিনুনিগো ধরিয়া মাতের গারগত পেটগ পেয়া
আক তুপ, ঠেং আকেইহানে আক তুপ এসাদে চারি টুমা করিয়া
চিনুনি গো তোরে খেইতৌ । চিনুনি উগৈ মাতের মোরে
নাহেই । মি তোরে ফড়ি দুহান দেউরি । পানিহানাত এড়া-
দিলে ফড়ি আহানে উজানে যিতৈগা আহান ভাটীয়ে দে যিতৈগা

উজানে যিতৈগা উহান ধরিয়া থইস । ঠু ফরি উহানরে যেতা
মাতেই উতা দিতই ।

সৌ এগই উজানর ফড়ি উহানরে মাতের ‘চুড়া কাকরিয়া
ভাত আকচালোক দে, কলা মদুর দে’ । থক্ ক মুঙ হানাত মাতলো
চাক্ চা এতা নিকুলিল । তা উপেইত চিনুনি উগরে এড়া দিল ।

বনক আহিলি খুচেইগত ভাতর চিশা কতগোল । দেহিয়া
বেয়কে মাতের — ইচে পেট বুঝে মিতে সেংকম, কলা, মদুরলো
থেইলু । কিসাদে বুলিয়া বনকে আংকরতে য়ারী এহান হুনৌ-
য়েইল ।

বনকে মাতিরি যিক্ গা । এপেইত থাইলে ফড়ি এহান
কালরেয়া নিতায়গা । সরার পারে পারে জঙ্গল ফেরিয়া দ্বিয়
বেইবুনি যানা অকরলা । যিতেগা যিতেগা ডাঙর নিগুঢ় টেঙারা-
আগত হমেইলা । ফড়ি উহানরে মাতলা — ‘এপেইত ডাঙর দেশ
আহান হংকরেদে ।’ দেশহান হঙেল দূরেই দেশেত্ত মানু
আহিলা । আরাক দেশ আহানর রাজা আগ আয়া কলালেইমারে
লুহোঙ করল ।

এতা নুঙেই অয়া থাইলা মাথা উহানাত দেশ এহানার নুঙেই
পাতা এহান হুনিয়া মালকে আনৌগ বাপকে আহিয়া ফৌ অই-
লাগা । ককরক খুঙছি বুড়া বুড়ী এতা গেলাগা উপেইত চিনে
কুরা নেই । কলালেইমাতে থক্ ক চিনে বেলল । মালকরে
নুঙেই করে থইল । আনৌগ বাপকরে মারলা । কলালেইমা
দেশ উহানাত গিরি পালয়া থাইলি ।

চেপা-দঙ্গ আকুপী

দেশ আহানাতে কানা আগ, লেঙগারা আগ বারো মুর লরা
জেলা আগ আছিলীতা । কানা উগর নাঙ চেপা, লেঙগারা
উগর নাঙ দঙ্গ বারো মুরলরা জেলা উগর নাঙ আকুপী । আক-
দিনতে তিনগিয়ে টানা করিয়া বিদেশ বুলাত নিকুল্লাতা ।
গেলাগা, যিতেগা যিতেগা টেঙারা আগ লালয়া গেলাগা । উপেয়



চেপায় মাভেরতা—দঙ্গ আহিলাঙ মাহিতে কাম আহান করিক
হুদালা আটিয়াতে লাভ নেই, না কিতা বুলুরিতা আকুপী ?

হায়, চুমুইল নাইলে ঘরে গিয়া কিহানতে মাতৃতাড়াইগা
রোজি সৌ আহান করে পারলেতে খেয়া পিয়া ঘরেউ খানি মানি
ধরিয়া নিলেগা ঘরর মানুরে হারৌ করে পারতাড়ায়গা । কতিতে
মানুর গজে বয়া খেইতাঙ, পারলেতে হবা অ গেলগা নায়ে চেপা
—বুলিয়া আকুপীয়ে মাতল ।

খানি গিয়া দঙ্গয় মাতেরতা—হেই চেপা মাতলে উহানতে
কিহান অইল? ‘বাছানে গিরক’—বুলিয়া চেপায় উত্তরহান
দিল । দিয়া মাতেরতা ‘মিতে আহিং নাদেছুরিনাই হবা ফিজৈ-
তর গিরিগিখানি আগ আহিলে মরে বাগেয়’ । হের উতায় ‘হায়’
বুলিয়া বারো আটানি অকরলা ।

কতহান খায়া যিতেগা বাবু আগ পেইলা—চশমা আহানে,
ঘড়ি আহানে লাগেয়া গুনজা না বরেয়া পে আহান ধরিয়া গারগদে
খুত্তেই আকচিলা বেলেয়া উজানেদে চেয়া সালছে । আকুপীয়ে
মাতিরি চেপা আগ দিয়া আহের, বাবু আগ ।

—কইতে মরে উবা করে দেই মাতিয়া চাঙ, বুলিয়া চেপায়
মাতল উপেয় দঙ্গয় মাতল—

—বাবু, হনিক খানিক উবা অইক ।

—কিয়া থাঙ বুলিয়া বাবুয়ে মাতল ।

—হায় এরে চেপা, নাদেহের এগয় কথা আকচুটি মাতানি
মনার ।

—কিহান মাত মাত চেপা গিরক ।

— বাবুয়ে আমারে চাকরে থইক বুলিয়া মাতিয়ারতা ।

— তুমিতে কইগ ?

— হায়, এরে তিনগ ।

— তোমার নাঙতে কিতা ?

— আমার নাঙ অইলতায় মি নাদেহেকুরা চেপা, তা লেঙ-
গারা দঙ্গ বারো তেই মুরলরি আকুপী ।

— উবায় ! আতুর পেতুর লেঙগারা এতায় কাম করে
পারতারায় থাঙ ?

— পারতাঙায় বুলিয়া চেপায় মাতল ।

— চানা নাই বুলিয়া বাবুয়ে এতারেল ঘরে গেলগা ।
গিয়া তিনগীরে কাম বাটন দিল । চেপার কামহান মানুগুরু
আছিলে টটরানি । দঙ্গর কামহান বাজার হাট কিতা করানি
বারো আকুপীর কামহান ভাত রাখানি ।

এসাদে বছর আহান বাবু, এগর ঘরে থায়া ঘরে যানারকা
সালইলা । বাবু এগয় তিনগীরে আহৌ দিয়া বিদায় করল ।
রূপাহানি আগয় গাঠি বাধিয়া হাবির লগে মাতেয়া সালইলা ।
গিয়াতে পথ হুস্বোকে চেপায় মাতেয়তা — মরতা হারৌহানে নাকরল
হে দঙ্গ, কই ধনহানি বাগনদে বেলেইক মি খানি আতা আতা
ঘরে নিংগা । জবর মনা বেজু হে !

— হায়দে বাগনদে বেলেইক, না কিতা আকুপী ? বুলিয়া
দঙ্গই মাতল ।

—‘হায় বহিক’ বুলিয়া বাগন দেনাত বহিলা পথগর বারাহানাদে । বয়াতে মাটিহানাত পুলকরে পুলকরে তিন বাগন করলা মান্না করে ।

—চেপা, তি আগে নেগা বুলিয়া দঙ্গই মাতল ।

—কোনতা মরতা ?

—তর মুণ্ডহানার উতা ।

চেপায় লেয়ইতেগা আকুপীর উতাত আতহান দিলগা । দঙ্গই মাতল—নাই লহে কানা এগরেল, হাবি তিল করে বেঙ্গ । বারো বাগন দিক বুলিয়া মান্নাক বারো বাগন দিল । দিয়া মাতেরতা—এই কানা এখুরুমতে হবা নাইতই তরতা তি নিবেগাতা হে ।

চেপায় মাতল—আতহান সিদা করে দেই ।

—হায় এতা তরতা, এমাপাত ধরিছ ।

চেপা এগই হাদির সন্দেহ এহানতে বেলা নুয়ারের, তানু দ্বিয়গিয়ে নিয়াম নিলাগা পাউরী বুলিয়া বারো বারাদে আতহান দিয়া ‘এতা’ বুলিয়া আকুপীর উতাত আতহান দিল ।

কাহ্নি এহানে আকুপীয়ে চেপার আহিগি লাককরিয়া চট্‌ক চাপর আহান দিয়া মাতল ‘এরে এতা ।’ চাপরহান থানার লগে লগে কানা চেপা এবাকা দেহানি অকরল । নাদেহের মানু এগরে চাপরল বুলিয়া দঙ্গই আকুপীরে দিল চাপর হানাত আকুপীর মুরগ লরানিহান আলইল । চেপায় বারো জেলাগ কিলেইল বুলিয়া দঙ্গরে দিল থং এহান দঙ্গর লেঙগারানিহান বালা অইল । হাবিহান বালা অইলা এহান দেহিয়া রূপাহানি বাগন দিয়া ঘরে আহিলা মুকসীপৌ আকেইহান দিয়া ।

আলিয়ার যারী

দেশ আহানাতে নাও পাল্লা ইউপা রাজদারী আগ আছেতা ।
লেইরার মাঝেতে যতা ছিরাগ । তানুরতা আগ পুতক আর জিয়া
ঝিপুত নেই । অভাবে আকস্মা পুতকরে লেরিক লেইসউ খানি
পাকরৌয়ানি নুয়ারলা । কিন্তু নারে তালে বাপকরাঙত নাদে-
হিল মাছি ঠই । অস্মাতে কিতা অইত সারাদিন এহান না ঘুম



জিলে নুয়ারের । “বেলিগই মাকুগই” যেসাদে “দিনহানে
তাই” ঠিক ইমে উপাদে । দিনে দিনে বাপকউ বয়স আলইল
থাঙতে কলনি অকরল । মালকতে “মানু থাকলে তিতা” বুলিল
উহান অদিয়া আহিরিগ । পুতকতে রাতি না ঘুমজার মানুগ

নাই অরতে ইমে 'কমগ' পারাগ গারিউগ । উতার গজে তাপক
 তাপক লেইরার জাকরণ এতা তারাঙ গিয়া টম টম খেংনা দেনা
 অকরল থাংতে বুদ্ধি নাপেয়াতে লেইরা উহানার গজে কের-
 বঙ্গর ঠুনা বাহিয়া থানাত লেপইল । থাঙউ সারা দিন
 এহানর ঘুমহানতে ঠই এগ থাইতে ছারাছারি নেই । মালকে
 মাগিয়া কাঁদিয়া রাদিরি উগি পুতক নেয়ইতে গাঙটাগ লাল
 করে নুয়ারিরি । বুড়া কালর উনাগা হীনর কাহ্নি নাই অরতে ।
 ভাত খানারকা পুতকরে ডাহিরিগাতা "উঠলেগ ঢাকাহান নাহেয়া
 মরেকুরা । হে বেলি রাজা তি এগ স্বয়ংগ অ-থাইলেতে মি মরা-
 নির আগে মরে দিয়াছত বাকুনা ঢেলপা পুতকএগ নিষাদেগা ।
 এ-লামচা এগই নাহেয়া মরতই এহান মি মালকে দেহে দেহে
 মরতে পেয়া শান্তিহান নাপাত পরলু নাইয়ে । বাপক আগ আহি
 থম নাদেহের অনথকপা জ্বালাহানরমা পরলুতা মি এগ । অ-
 নামরেকুরা এরে মর বুক্গ খেয়া আয় । মিরে মালক অয়া
 থাইলেতে বিপাছত আহি উগি মেলে নুয়ারিয়া মরে যাগা ।'

জয়ধবনিহান হুনিয়া আলিয়া এগতে হারৌ অয়া উঠে-
 রগ । আইতে তারতা হবা অয়া মাথিগ হৌঅ পরিলগা । এহান
 জরমর পিছে পয়লাকার হৌঅনিহান । কাহ্নি এহানে আকয়া
 ইমে আহি উ থম আটক বিপেয়া ফামহানাত লামিল । লামিয়াতে
 পহরিগর উগদে মেইথংহান দিয়া গুতুর গুতুর ছালইল । উঠান-
 হানর আগা উগত্বে লেঙউ খবালা আহান লকরল । আহিথম না
 মেলের । বরি আঙুলিগল বতর বতর তাক্ করিয়া দাত দ্বিয়

ছুরি হবা করে দারেইল। চুম্বা লামিয়া আক বাবুর দিয়া
 কায়া আনথক অয়া গরে আহিল। ইরোফিহান গটেয়া আহি-
 থম মেলিয়া মেণ্ডসেল হান মুণ্ডে দিয়া নিজর শ্রীমৃতি দশন
 করিয়া গাপখিল করে নামছা আগ পিদল। পিদিয়া উঠিল, গিয়া
 বাপকর ঢাকর আসন উহান পুছিয়া মারেই উতা কিতা আহল
 ঠেলাদিয়া ঘটন করিয়া থইল। মালক গিথানক নুণ্ডপাণ্ড অয়া
 চেয়া থাইলি। যেতা পেটেদে মাতিলতা মাতিয়া বাপকরে সাজারাজ
 অয়া হমা আহান জীবনর পয়লা দিল। বাপকে উপ নুয়ারিয়া
 মালকরে মেইসা আহান দিলতা “ছৌ এগ ভাতর বকহানে মুরগ
 থরাপ অইল, ইমে উবা অয়া চেয়া থা পারলে। জেলা এগতে
 কারে খোয়ানিরকা? আরতাতে কুণ্ডগই তরে যন্ত্রনা করতাই
 থাণ্ড? মানু আগই মাতের বুলিয়া কাম হানৌ না করিরি।
 উবাই নাউ চা দিরি। ইমে খোয়েইল উগি বণ্ডওয়ানিরকা লাগ-
 লিতা মরে। হই নাউ হনিরি। এরে জেলা এগই লাগেইল
 ফিক্কির এহানরে। অ-আলি দরর জিলক। মরে লাকুচা
 করৌরিতা। এববাকাউ মি গুনজাগ আটেইলেতে লিত নারতেই
 এরে। হঃ “হেইনিংপা” বুললে দিন আহান আছিল “বাধে
 গুরুয়ে” আকুপেই পানি পিলা। বার মাতৌরি এরে অন্তিম
 কালে হেণ্টক নাই। যেতা করিয়া থছু এববাকাউ মর পুতকরেল
 নিকুল্লে চারাহান চারাহান খেয়াউ থুণ্ডকরে নুয়ারতৌ। গরপুরে
 খৌরি। দেখতে লরাউরিতা, হে?”

বাগকে এগদে অরিচগ নিকালেয়া লৌদের তেই মেকউ না
 করিয়া “আইতে তালখেইগ করে বেলাঙ এ বুলিয়া বুরুক
 উঠিল নাঠিগ পাথারি করিয়া ।” মাথা উহানার মা পুতকে “বাবা
 বাবা মি কিভাউ নাছু ভাত খাউরিগা এরে যাউরিগা, গেলুগা ।”
 গিয়া মানকে কিতায় ভাত পানি খেইলাগা । ছেন্দাহানউ অইল ।
 মানুগুরু চিকইলা ভাতর ঘুমে পরলা । তাঞ্জা উগত পুতকে উঠিয়া
 বার হিনেয়া তুলসী সপার গুরি উগ লেপিয়া তিঙা খুভেই আহানি
 গিদিয়া মনহান সেঙ করিয়া ভগবানরে নিঙ করিয়া দিগল
 অয়া হমা দিয়া পারিল — “প্রভু মরে উন্দার কর আজিতু মি মর
 বুড়া ইমা বাবারে ভাত দুগ খোয়া পারিঙ ঠু শাক্তি উহান দে
 প্রভু ।” অইতে অইতে পরিল উগদে বেরছৌ আহানি গিয়া
 পরিলগা ।

মধুর হপন আহান দেহানি অকরল । সর্গত স্বরাল রাজার
 নিঙল হাতগিল রাস আহান করানিরকা তারে হবা অঙ্গাণ বুলিয়া
 নিতারাগা উনি । তা এগই উপ নুয়ারল কিহান অরহান
 হপন না টেইপাং হান হনার রথ আহানরমা চরাদিয়া নিয়া
 ফৌওইলাগা । ডাকুলা, দোয়ার, গোপী, মানঠেপ ফালুর
 মানু হাবি ছিজিল থুগুয়া বয়া আছি । হুদা রাজদারীগ
 বাসেয়া । ফুল, চন্দন, কীরঅর খুভেইল বরেয়া রাগগ অকরলা ।
 বিন্দা, কৃষ্ণ হমেইলা । রাস এহান কাদওয়েয়া আহিল এহান
 প্রেমর খুভেই এগই আকয়া গোয়ালর বাঙহান পারা অয়া গার
 এগ পেরেক, পেরেক করে থাঙউ প্রেমদেনা এহান খাম নাই

তারা । পয়লাকার এলা উহানর “ময়ূরিনী” শব্দ এগর মা কাদাহানর থানজাঙ আহান আছে উহানল হেই আহান দেনাই গোপী এতা হাবি ময়ূর অয়া পরল্লেই করে নাছানি অকরলা । রাস এহান রাতিকার সারাল মাথা উহানাত লমইল । জেপগ বুজে ধন’ল গরে আয়া ফোঁয়ইলহা । হপন এহান তবু লাক্ করে নুয়ারের । বার দেহের রাজদুত আগই মাতের কলিত্ত মিরামিছ খেয়া আজিকার ঠুনা রাতি বারটার পিছে সেঙয়া লাকয়া তুলসী সপার গুরিগর মা বয়া থাইচ । হপনহান হজাক অইল চারথাং আহিথম মেলিয়া চাইরবেদে রাতিহান ফুয়াছে । উঠিয়া মালকরে উঠেইলগা । উঠেয়াতে মাতেরতা ইমা আইতে টুপিগ্যারি দারেয়া মরে মিরামিছ রাদিয়া ভাত আক্ কামর দিস । “কিয়্যা থাঙ বাবা ?” — ‘হায় পিছেদে বাগেইতো ।’

রাতি ঠিক হপনে যেসাদে মাতলা উসাদে তুলসী সপার গুরিগত বয়া থাইল । কালিকার হপন উহান টেইপাঙহান অইল । ইমা বাবার বরন পোষন যোগার অইল । এসাদে ইমে দিন জিতেগা থাইল । কিন্তু দিনর সমহান যোনআনা ঠিক । আক-দিনতে বাপক এগই কাঁদেরতা ‘আকগ পুতকগ বহকগ নাদেহিয়া মরাত পরলাঙে বুড়ি । নিঙলউ নাদতারা আমারকা ভগবান এগ কতিউ দূরেইত আছেতা ।’ তা এগই গুনজা গুনজা হনের । মুঙর আরঙগদে বুড়া এগই দেহেরতা গাউরাগেই এতা হাজেয়া পারেঙ পারেঙ সালছি আঙকরলতা ডাহিয়া কুরাঙ যারাইগাতা বুলি-য়াতে । বারার গরর কঙুলিএ মাতিরিতা — তোমার বাকুনা চেলপা

উগরে দিয়া বেঠেইনে, ।

— কুরাঙ ?

— লটারীত ।

— কি বার লটারীত ?

— হৌপারর রাজ্য উহানরমা রাজার জিলক ফুলডাল, ল
সাততালাগর ছাদহানরমা হাজেয়া বাসাছে, আহের ঠাঙচা পেয়া
বাসেইতৈগা ।

— আইতে কি বার এ ?

— গুজেই-সাকলসেল না ।

— বাসা কিতার লটারীহান ।

— উতাপারা রাজা উগর জিলক লুঙ দেবতা লটারীর নিয়মল ।
জাতর বিচার নেই য়েগ মাটিহানাত আক চণ্ডে ছাদহানরমা কা
পারতাই উগরাঙ জিলক দিতৈ লগে গর জামাই থানাই লাগতৈ ।
সমপত্তিহান নাঙে করেদিতৈ । রাজা গিরির আকখুলি নিঙলগ
তেইর কথা মত অর লুঙহান ।

বুড়া এগ গরে গেলগা । উদিনতে রাতিকার রাসে আহিয়া
আলিয়া এগই স্বরাল রাজারাঙ য়ারিছৌ এহান দিলতা । হাঙকাকার
দুত উগল ঠাঙচার দিন উহানাত বিয়ানে গিয়া ফৌঅইলগা । বি
চিরা আগ দূরেইত্ত লিশিং লিশিং গাউরাপেই এহান ইমে ফাল-
দিতৈ আছি । তা এগই বি চিরা আগ দূরেইত্ত দিল ফাল এহান
উবাগ অয়া গজেদে কাইল ঠিক কুঞ্জগর মুঙ উহানরমা গিয়া

গপ্‌ক উবা অইলগা । ঝিলকে হাত বুলা দিরি রাজাগিরি-এ
কিত্‌ক মুরগ নঙেইল বরগ দেহিয়া—হুই তেই ঝিঙলতাক
বুলিয়া ।

লুঙর কারবার লমইল । আলিয়াই গরে চিঠি দিল ।
রাজার জিলক এগ দিনে দিনে হুকিয়া হেয়কর ছটাক আহান
গজে অইলিহা । হারপা নুয়ারল নিক্কা রাতি হেয়ক কুরাঙ যার-
গাতা । আঙ করলে নাউ মাতের । সারাদিন এহান ইমে ঘুম-
জার । আকদিনতে তেইউ লেমগ লাগেয়া বয়া থাইলিতা । গিরকে
ঠেমকরতে ঠেমকরতে নুয়ারল লগে যানাত লেপইলি । নিলগা
লগে রাস কিতা উতা দেহাদিয়া আনলগা । তাগক তাগক ঝিয়া
ঝিপুত কিতা অইলা । এসাদে ইমে নুঙেই অয়া থাইলা ।



মহা বারো মাছি

কিতাপারা দেশ আহানাত বছর আহান ডাঙর গুলা আহান
আহেছিলতা । গুলা উহানর পিছেদে মানুএতা জবর লেইরা অ
পরলাগা । লেইরায় আকয়া যোগই যোগদে পারিল উগদে গিয়া
কাম দুম করিয়া খানাহান যোগার করতারা । আকতার স্যাঙকল
বায়্য মাছ ধরিয়া রোজগার করতারা । মাছ ধরানি আকয়া মাছও
নেয়ইলা । মেইখি অয়া ইমে স্যাঙকল বাইতারা । ঘুম টিপা
টিপা হুদা পেটগর ছালে রাতি পেয়া বায়া থাইতারা ।

আকথুরুমতে রাতি নুঙেইত ডাঙর বোয়াল আগ স্যাংকলে
হমেয়া মাছগি থা দিয়া যারগা । খাঙদা আগয় বোয়াল উগ দেহে
বেল্ল । কি ডাঙরহান ! আগয় মাতল আর না ঘুমজিয় । আহেছে
এগ আটকা পারলেই বিয়ানকার চারাহানতে এল পারতাঙায় ।”
হাবিয়ে ধরানিরকা লামানির আগেই বোয়ালগ লিতয়া গেলাগা ।

বুজনগ পারা গিরক আগই মাতের “হই প্রভু ? সৌগি ইমে
উবা মরাত পরলাতা ক । ঘুম এহানে কিতাউ করে নারতাঙায় ।
কতিউ পাপ করে গেলাঙগাতা । এবাকা বাগকগর মুণ্ডে সৌয়ে
খানারকা কাদতায় কিসাদে সহ্য করানি । ঈশ্বর জিঙতা কর, ঘুম
এহানক নিয়াদেগা প্রভু । কোরাংথায়্য তি দেহরগ” ।

ভগবান এগ বুজন এগর বিলাপ এহান সহ্য করে নুয়া-
রিয়া মহা, মাছি, দুলিপক গেশুড়া এতা দিয়া বেঠা দিলতা । এতা
আয়া পৃথিবীত মানুরে যন্ত্রনা দেনা অকরলা । ঔদিনেত্ত স্যাংকল
বাইতারা মানু উতা আর গগারা চেলয়া ঘুমজা নারতারা মহার
যন্ত্রনায় মাছির যন্ত্রনায় । এসাদে করিয়া মহা, মাছি পক, বাক
এতা উদিনেত্ত ভগবানে সৃষ্টি করলতা ।



